


সচিত্র নৃত্য সংকলন

# কিশোরী



শ্রীব্যোমকেশ বন্দ্যোপাধ্যায় ।

মূল্য ১/- এক টাকা মাত্র ।

প্রক. গক—অমূল্যচরণ বন্দ্যোপাধ্যায় ।

পরিচালক—পি, সি, মজুমদার এণ্ড আর্দাস' ।

২১১ বামাপুকুর লেন, কলিকাতা ।

৮৬'৪

ব্যায়/কি

প্রথম সংস্করণ

১৩৩৬


B18351



বি, পি, এম্‌স্‌ প্রেস

মুদ্রাকর—শ্রীআশুতোষ মজুমদার ।

২২৫ বি, বামাপুকুর লেন, কলিকাতা ।



# তি-উপহার\*

.....

.....

.....

.....

.....

.....



SR



# কিশোরী

## প্রথম পরিচ্ছেদ

“তোমার আপন জনে ছাড়বে তোমারে.....

নিশীথ—অক্ষয়সী যামিনীর বুক চিরিয়া আর্তনাদ শোনা গেল—  
“মাগো! আমার যে আর কেউ রইলো না মা! কার কাছে আমার  
.রেখে গেলে আজ? আমি কোথায় যাবো—কেমন ক’রে থাকবো—  
কি থাকবো—যাবার সময় বোলে দিয়ে যাও মা!”

কিন্তু মায়ের আর সাড়া দেওয়ার শক্তি ছিল না তখন। এছনিয়ার  
দেনা-পাওনা চুকাইয়া, তিনি তখন পর-ছনিয়ার উদ্দেশে পা-বাড়াইয়া  
দিয়াছেন।

সেদিন ছিল ভাদ্রের ভরা বাদরের রাত্রি। তুফানে তুফানে পৃথিবীর  
বুকখানা ক্লাস্তিতে অবসন্ন হইয়া গেছে,—রাত্তা ঘাট জলে জলে ছরলাপু!  
সুদ্র পল্লীর অধিবাসীদের চোখে ঘুম নাই,—ছরস্তু মেঘের গর্জন আর  
অশান্ত ঝড়ের খেচ্ছাচারীতা—মনে আতঙ্ক জাগাইতেছিল।

জীর্ণ এই কুটারের জরাজীর্ণ মরণ-পথযাত্রী নারীর আসন্ন যাত্রাকালের  
শব্দ অनेকেই জানিত।...কিশোরীর মর্মস্তু আর্তনাদ বে, শুনি—  
সেই ছুটিয়া আসিল।

কিশোরী বয়সেও কিশোরী, নামেও কিশোরী; ব্রাহ্মণ-কন্যা। সংসারে  
গাকার মত ছিলেন—মা।—তীর যাওয়ার পরও—এখনো এমন একজন  
আছেন, বীর নাম করিলে অপরিচিতের দল একবাক্যে কিশোরীকে

## কিশোরী

অনাথা বলিয়া স্বীকার করিতে রাজি হইবে না। কিন্তু পরিচিত গ্রামবাসীরা স্বীকার করিলই যে, কিশোরী মাতার মৃত্যুর পর সত্য-সত্যই আজ অনাথা হইয়া গেছে।—কেননা পিতা বর্তমান থাকিতে ও তিনি একটি মাত্র কন্যার খোঁজ লইতে আসিবেন না—ইহা কতকটা চন্দ্র-সূর্য্য-উদয়াস্তের মতই সত্য কথা। অভাগিনী সতী, পতির আচরণে জীবনভর বহু জ্বালা ভোগ করিয়াছে, তবু স্বামীকে দোষ দিতে চাহে নাই। সে বুঝিয়াছিল,—সমস্ত জীবনের মর্ম্ম-ছেঁড়া হৃৎখের বিজয় নিশান তলে দাঁড়ায়াই, সমস্ত অন্তঃকরণ দিয়াই বুঝিয়া লইয়াছিল—দোষ তার পোড়া কপালের!—স্বামী মুখে হৃৎখে দেবতা—সতীর পরমগুরু।...

কিশোরী মায়ের মরা দেহের বুকে মুখ রাখিয়া পড়িয়া আছে। প্রতিবেশী গয়লা বউ ডাকিল—দিদি ঠাক্কণ! আর কেন? এইবার মায়ের কাজ করো!...মা কি কারুর চিরদিন বেঁচে থাকে ভাই?

কিশোরী মুখ তুলিল। জ্বাফুলের মত রাঙা সে মুখ। স্ফীত নয়নের কোণে বহিয়া বাদলধারার মতই অশ্রুধারা গড়াইতেছে!—গণ্ড হুটী তাই সিক্ত!

কিশোরী কহিল—আমার মত এমন সর্ব্বনাশের মাঝে বসিয়ে দিলে ক'জনের মা পালিয়ে যায় গয়লা বউ?—ওরে আমার যে ত্রিসংসারে কেউ রইলো না আর।...আমি যে.....আর বলা হইল না। গভীর শোকের উচ্ছ্বাস—বাকশক্তিকে হরণ করিয়া লইল।

একটি একটি করিয়া গৃহে তখন পাঁচ সাতটি স্ত্রী-পুরুষের আবির্ভাব হইয়াছে। সকলের মুখে বেদনার চিহ্ন—সহানুভূতি ও সাহসনার কথা।

গয়লা বউ, জাতিতে ব্রাহ্মণ হইলে, কিশোরীর গলা জড়াইয়া

## কিশোরী

নিজেও হয়তো রোদন করিতে বসিত। সুখে দুঃখে তাহার ছিল—ভিন্ন  
দেহে একমন। কিশোরীকে ক্রমশঃই অস্থির হইতে দেখিয়া সে কহিল—  
দিদি ঠাকুর, ছোড়াকে অনেকক্ষণ পাঠিয়েচি,—সহর থেকে ফিরে  
আসতে তার খুব বেশী দেরী হবে না। যাবে আর খুড়ো ঠাকুরকে  
নিরেই চ'লে আসবে।

সমাগত লোক কয়জনের একজন বলিল—আর খুড়ো ঠাকুর.....  
খুড়োঠাকুর যদি মানুষের মত হবে, তাহলে এই দুধের বাছার কপালে  
এমন বিপদ ঘটে !...অমানুষ ছোটলোক—কাঁহাকার !

গভীর শোকের মধ্যেও কিশোরীর মন উত্তেজিত হইয়া উঠিল।—  
কহিল—তোমরা বাবাকে দোষ দিয়া না। মা আমার দুদিন অন্তর এক-  
বেলা খেয়েচে, জল খেয়ে পেট ভরিয়েচে তবু ভুলেও কপালের দোষ ছাড়া  
কাঁর দোষ দেয়নি।...বাবা কি করবেন ?—আমাদের অদৃষ্ট মন্দ !

গয়লাবউ ক্রমেই অতিষ্ঠ হইয়া পড়িতেছিল। কিশোরীর বাপের  
কাছে বাহাকে সে পাঠাইয়াছে, সে তার দাদা—নন্দলাল। সংসারে  
আপন জন এই বোনটি ছাড়া আর কেউ না থাকায়, তাহার স্বামী-  
বিয়োগের পরই অভিভাবকত্ব লইয়া এগ্রামে বসবাস করে।

নন্দলালের সহর হইতে ফিরিয়া আসিতে অনেকখানি বিলম্ব হইল।  
রাত্রি তখন ভোর। বর্ষণ-ধারা সহিয়া অতি অবসন্ন পক্ষীকুল কচিৎ  
কখনো ডাকিয়া উঠিতেছিল। শন্ শন্ বাতাসের শব্দে সে স্বরও সকল  
সময় শোনা যায় না।

নন্দলালকে আসিতে দেখিয়াই ব্যগ্রকণ্ঠে গয়লা বউ জিজ্ঞাসা করিল—  
খুড়োঠাকুর আসছেন ?...তুমি একলা এলে যে ?

## কিশোরী

• নন্দলাল ছিঃ—নাবালক গয়লা। অর্থাৎ ষাট বৎসর পূর্ণ হইতে এখনো তার ঢের বাকী। ভগিনীর প্রস্নে উত্তর দিল সে নাবালকের মতই। কহিল—দুঃ তোমর খুড়োঠাকুর! বামুন না হলে ব্যাটা ছোট—

গয়লাবউ মাঝখানে বলিয়া উঠিল—মুখ সামলে, ভাল করে কথা কও ছোড়দা!...লোকে বলবে কি?

নন্দলাল রাগে রাগেই বলিল—যা বলে বলুক। তবু তোমর খুড়ো-ঠাকুরকে যা বলে, ততটা বলতে পারবে না। উঃ বামুন হয়ে এত বড় শয়তান.....

কিশোরী বলিল—আমার কাছে আর বেশী কিছু ব'লোনা নন্দা, হাজার হোক—বাপু। আমি শুন্তে পারবো না।

নন্দলাল বলিল—মুখ বুজে স'য়ে স'য়েই তো অমন ধারা নীচে প'ড়ে গেছ! নইলে পাওনা গণ্ডা আদায় করলে—বাপের সাধি কি যে তা না দিয়ে থাকতে পারে!...বেশী আল্গা দিলে অরে সহজে আটকানো চলে না দিদি!...মা-ঝি ছুটিতেই তোমরা পয়লা নম্বরের বোকা। কিন্তু সে সব কথা থাক, এখন মা-ঠাকুরকে ঘাটে নিয়ে যাবে কে?—বামুনদের একজনকেও দেখছি নে তো।...আর এই হারামজাদা দেবতার আকেল দেখ না।...এক দণ্ডও যদি থেমে থাকে।...ঝমঝম ঝমঝম বিরাম নেই।...

• গয়লা বউ কহিল—একজন দিচ্ছে কপালের দোষ, তুমি দিচ্ছ—দেবতার দোষ—এইবার আমি যদি তোমাদের দুজনকার বুদ্ধির দোষ দিই, তা হ'লেই তো সব গোল চুকে যায়। হাতে কাজ কর—তারপর



## কিশোরী

দেবীকে দোষ দিয়ে নন্দা ! ছুঁলের বল নেই ব'লে ভগ্নবানকে অপরাধী করা চলে না, অপরাধ তার নিজেরই হয়তো। কিন্তু রাত জোর হ'রে এলো, মোকদ্দম ডাকো। খুড়ীমাকে শ্রমানে নিয়ে যেতে হবে।

নন্দলাল কহিল—দিদি ঠাক্করণের আপন জন কি এই মা-টি ছাড়া আর কেউ বেঁচে নেই?...সহরে যাবার আগে তো বাড়ীভরা লোক দেখে গেলাম—তারা সব গেল কোন্ চুলোয়?...কি বলবো—এই পাণ্ডী ছোট লোকের গাঁ থানাই বদ্।...আমার সাফ্ কথা! ও সব বামনাই চাল আমি বুঝতে শিখিনি দিদিঠাক্করণ! আমার রাগ বড় খারাপ। এই চল্লাম,—ফি জনের বাড়ী বাড়ী একবার ছেড়ে দশবার করে ডাক দেব, খোসামুদীর চরম করবো, যদি কেউ না আসে—

গয়লা বউ বলিয়া উঠিল—কিন্তু আসবে না-ই বা কেন? আগে দেখ —কে আসে আর কে না আসে—

নন্দলাল ঈষৎ বিরক্তির সুরে কহিল—আমি কি দেখবো না বলছি না কি?...কিন্তু না এলে, সব ব্যাটার টিকি ধরে টানতে টানতে হাজির করবো। আমার বাবা সাফ্ কথা।

গয়লাবউ বিশেষ কিছু বলিল না। এই অতি মাত্রায় একরোখা দাদাটির আসল স্বভাব সে ভাল রকমই জানিত।

কিন্তু কিশোরী এতক্ষণ যে কথা জিজ্ঞাসা করিবার জন্ত মনে মনে চঞ্চল হইয়া উঠিতেছিল, এইবার সেই কথাই উত্থাপন করিল। কহিল—বাবার সঙ্গে তোমার দেখা হ'ল না নন্দা?

নন্দলালের উচ্চ মেজাজ উকতর হইয়া উঠিল। বলিল—তুধু দেখা নয় দিদি! বে-আক্কেলে বায়নের পা ধরে কেঁদেছি,—পায়ের ছুতো

## কিশোরী

ষোড়শী হেঁচুর হেলে হ'য়েও চেটে চেটে ভিজিয়ে দিয়ে এসেচি, তবু তার  
কুরসং হ'ল না। ব'ললে—'আমার এখানেও বিষম কাণ্ড বেধে গেছে।  
বাতের ব্যাথার সৈরতি তিনদিন কাল বিছানা ছেড়ে ওঠেনি—তাকে  
কেলে বাই কেমন করে'...উঃ কি ব'লবো—দিদিঠাক্কণ! তোমার বাপ  
ব'লেই বামনা আজ বেঁচে গেল, নইলে গয়লার হাতের এক ঘুষীতে  
চোক পুরুষকে বমপুরী পাঠিয়ে আস্তাম।...সৈরতীর বাতের বেদনা!...  
সৈরতী ওর সাত জন্মকার সাতপাকের পরিবার।

রাগিয়া গেলে নন্দলাল কাহারও তোয়াকা রাখে না,—এটুকু শুধু  
গয়লা বউ কেন,—তাহার পরিচিত মাত্রেই জানিত এবং বিশ্বাসও  
করিত, আর সেই বিশ্বাসটুকু ছিল বলিয়াই ভয় ছিল—সকল চিন্তার  
পূরোভাগে। গয়লা বউ জীবৎ চড়া সুরে বলিল—খালি খালি বকলে  
তো কাজ হবে না ছোড়দা! যদি উপায় করে দিয়ে বকাবকি সুরু করো,  
বরং তা মানান্‌সই হয়। নইলে পচা আদার ঝাল বেশী—এ কথাটা  
ছনিয়া শুদ্ধ লোকই জানে।

হাতের লাঠিখানা বার ছই মাটিতে ঠুকিয়া নন্দলাল রক্ত চক্ষুতে  
কিশোরীর পানে চাহিয়া বলিল—পাপ পুণ্যের সঙ্গে আমার জানাশুনা  
নেই দিদি! আমি জানি—সিধে রাস্তা। কাটা খোঁচাকেও গেরাছি  
করিনে। শেষটার ঘেন দোষ দিয়ে ব'সোনা। বলিয়াই আর তিলাকি  
অপেক্ষা করিল না, সেই অশ্রাস্ত বৃষ্টির মধ্যেই রাস্তার বাহির হইয়া  
গেল।

কিশোরী শঙ্কিত হইয়া বলিল—রাগের মাথায় উন্টো না ক'রে  
বসে।

কিশোরী-



কিশোরীর—সন্ধ্যা-বন্দনা ।  
“তোর আপন জনে ছাড়বে তোরে,  
তা ব’লে ভাবনা করা চলবে না ।”



## কিশোরী

গয়লা বউ মাথা হেঁট করিয়া বসিয়া রহিল। কিশোরীর কথার  
জবাব দিল না।.....

তখন প্রাতঃকাল হইয়া গেছে। বর্ষপরত মেঘের পুরু আবরণ ভেদ  
করিয়া সূর্য্যরশ্মি প্রকাশিত হওয়ার কোন লক্ষণ না দেখা গেলেও,  
দিবসারম্ভের সূচনা বোঝা যাইতেছিল।

গয়লা বউ কহিল—কাকর সঙ্গেই তো দেখা সাক্ষাৎ নেই! কি হবে  
দিদি ঠাক্করণ?...

কিশোরী মাতার মৃত্যু-মলিন মুখখানার প্রতি চাহিয়া চাহিয়া নীরবে  
অশ্রু ফেলিতে লাগিল। আজ আর অনুযোগ করিবার মত কেউ নাই  
তার।—এ বিশ্ব সংসারের সকল দাবী-দাওয়া যেন মরনের ছন্দুভিত্তেই  
নিঃশেষে বিসর্জিত হইয়া গেছে আজ!

একই সঙ্গে তিনজন বাড়ী ঢুকিলেন,—সকলেই কিশোরীর প্রতি-  
বেশী—স্বজাতি।

চোখের জলেই কিশোরী সকলকে অভ্যর্থনা করিল।

এমনি সময় আরো দুইজনের দুখানা হাত ধরিয়া টানিতে টানিতে  
নন্দলাল বাড়ীতে ঢুকিতেছিল।

গয়লা বউ চীৎকার করিয়া উঠিল—হাত ছাড়ো—হাত ছাড়ো! বায়ুন  
যে ওঁরা! পাপ হবে!

কষ্টম্বরে নন্দলাল বলিয়া উঠিল—চোপূরাও!...নন্দ গয়লা পাপ-  
পুণ্যের ধার ধারে না। ওঃ বায়ুন!.....বায়ুন বুঝি গারে আঁকু  
থাকে বটে?.....তারপর সমাগত লোকগুলিকে সম্বোধন করিয়া  
কহিল—নাও না গো! নবাবের মতন দাঁড়িয়ে থাক্‌বার জন্তে

## কিশোরী

তো. তোমাদের পায়ে ধরতে বাই নি!...অশানঘাটে মড়া নিরে যেতে হবে।

একজন কহিল—আমাদের কাজ, আমরা যখন হয় করতামই। কিন্তু তুই ব্যাটা গয়লার পো—বায়ুনের গায়ে হাত দিলি কি হিসেবে?

নন্দলাল তীব্রতেজে বলিয়া উঠিল—হিসেব নিকেস পরে কোরো ঠাকুর! কাজ করতে দেয়ী হ'লে একবার কেন হাজার বার হাত-পা ধরে টানাটানি করবো।...তোমাদের কাজ তোমরা করবে—সে তো জানিই, কিন্তু সে কখন? মড়াটাকে পচিয়ে গন্ধ বের করে? বলি তোমরা তো আর মাকুও হয়ে জন্মাওনি ঠাকুর! যে, মরবে আর বেঁচে উঠবে! ও সব জোট পাকানো চাল নিজের বাড়ী বসে চালিয়ে।

ক্রুদ্ধ ব্রাহ্মণের দল একই কণ্ঠে বলিল—তুই ব্যাটা হাত ধরলি কোন্ সাহসে?

নন্দলাল হাসিয়া উঠিল। বলিল—যে সাহসে হাত ধরেছি, তার আঠারো গুণ ভয়ে ভয়ে পা ধরচি বাবাঠাকুর! বাক্-চাতুরী বাকী রেখে, আবাগী মেয়েটাকে বাঁচাও! মা ছাড়া তার কেউ নেই, আজ মরা করে সেই মাকেই শেষ করে এসো তোমরা।

একজন বলিল—তোকে প্রায়শ্চিত্ত করতে হবে। জানিস—হতভাগা ছোট লোক,—সিধু চক্রবর্তী দশখানা গায়ের পুরুত?...ছশো বজ্‌মান দিবরাস্তির তার পায়ের গোড়ায় মাথা নোয়ায়? জানিস—ত্রিসত্য়া না করে সে জলগ্রহণ করে না?...ব্যাটা ছুঁচো বেইমান!

নন্দলাল হঠাৎ অত্যন্ত বিনীত হইয়া পড়িল। হাতের লাঠিখানা

## কিটেশান্নী

বগলে দাবিয়া, করযোড়ে বলিল—আমি সব জানি বাবাঠাকুর !...কিন্তু  
দোহাই তোমার !—নিজের ছঃখু নিজেই ডেকে এনো না। নন্দ গয়লার  
এখনো ষাট বছরে টের বাকী। নাবালক অবস্থায় একটা অঘটন কিছু  
ঘটিয়ে বসলে, সাবালকের দল কেউ তাকে দোষ দিতে পারবে না।...  
আজ পাকা বারোটি মাস তোমাদের পার তলায় বাস করছি, গাঁয়ের  
লোক হ'য়ে তোমরা কি টের পাওনি, যে, রাগলে আমি কারুর বাপের  
খাতির রাখিনে। পষ্ট কথায় জবাব দাও—যার জন্তে ডাকলাম—

একজন বলিল—ও ব্যাটা ভেমো গয়লার কথায় কান দিয়ে না হে !  
চলো হাতাহাতি কাজ শেষ করি।

অপর এক ব্যক্তি বলিল—কিন্তু বিষ্টিটা না থামলে কি করে যাওয়া  
যায় ?

নন্দলাল বলিয়া বসিল—মড়া ঘাড়ে নিয়ে কেউ হাতীর কাঁধে  
চাপতে যায় না ঠাকুর !...ও সব ঞ্চাকাপনা নিজের বাড়ী বসে  
দেখিয়ে।

লোকটি বলিল—বেইমানী করিসনি নন্দ ! আমরা এসেছি তো ?  
না আসিনি ?...ফের যদি গোঁয়া-ভূঁমি করো, পুলিশে ধরিয়ে দেব।

নন্দলাল নতজানু হইয়া কহিল—মরণ ডেকোনা ঠাকুর ! পারে  
পড়ছি তোমাদের। পুলিশে কেন,—বেখানে হয়, দিয়ে, আগে খুড়ী-  
ঠাকুরগের সদগতি করে এসো।.....

...যথারীতি শব লইয়া সকলে শ্মশানে চলিয়া গেলে, নন্দলাল গৃহ  
দ্বারে চাবি লাগাইয়া রওনা হইবার উপক্রম করিতেছে, এমনি সময়  
একজন অপরিচিত ভদ্রলোক আসিয়া বলিল—ঘরের চাবি দাও !

## কিশোরী

নন্দলাল তো মহা বিস্মিত! কহিল—বাড়ী করে বলুন মশায়!... আমরা জাত গয়লা, বোকা মুকুখ্য মানুষ, ইংরাজীর সঙ্গে জানা শোনা নেই।

ভদ্রলোকটি কহিল—আমি সহর থেকে আস্চি। পণ্ডপতি চাটুষ্যে আমার পাঠালেন।

নন্দলাল কহিল—পণ্ডপতি আবার কে?

—কিশোরীর বাপ।

—ও, তা বেশ তো,—পাঠালেন বেশ করলেন। কিন্তু আদর-সোহাগ করবার তো এখন ফুরসৎ নেই।.....বাড়ীতে বিপদ হ'য়েচে, কিশোরী এখন শ্মশানঘাটে।

—তা জানি। চাটুষ্যে আমায় ব'লে দিয়েছেন, ঘরের জিনিস পত্র সমেত কিশোরীকে তাঁর ওখানে নিয়ে যেতে।

নন্দলাল এখন আর রাগ করিল না। কৌতুকের সুরে বলিল—  
তাঁর ওখানে, মানে—সৈরভীর বাড়ীতে?

ভদ্রলোক কহিল—তাতেই বা দোষ কি?

নন্দলাল হাতের লাঠিখানা খাড়া করিয়া বলিল—মাথার ঘি বের ক'রে, দেশলাইয়ের কাঠি জ্বলে পোড়াবো।.....মানে মানে পথ দেখুন মশায়! আমার নাম জানেন?—নন্দ গয়লা।.....গাঁয়ের লোক ঘণ্টায় ঘণ্টায় থানা পুলিশের ভয় দেখায়।

লোকটি ষথেষ্ট বিরক্ত হইয়াই বলিল—কিন্তু মিথ্যে ভয়ে তো আমি ভুলবো না বাপু! পণ্ডপতি বাবুর মেয়ের সঙ্গেই আমার কথা হবে, তুমি কেন, মাঝখানে থেকে কথা বাড়াচ্ছে?



## কিশোরী

চীৎকার করিয়া নন্দলাল বলিল—মাঝখানে নয়, আমি সবার আগে রয়েছি ।...যাও তোমার বাবুশায়কে বলগে—কিশোরী দিদি নিজের রক্ত শেয়াল-কুকুরকে খাওয়াবে, তবু সৈরভীর বাড়ীতে পা দেবে না ।...নেমক্‌হারাম বাপের মাগ্‌নি দেখানো,...সে কিশোরী দিদির কুষ্টিতে লেখা নেই ।...যাও বিদেয় হও !

লোকটি বলিল—কিন্তু আমি তো আগেই বলেছি,—পশুপতি বাবুর মেয়ের সঙ্গেই আমার কথা হবে ।

—সে যখন হবে তখন হবে ।—এখন তো সরে পড়ো ; আমাকে একুনি যেতে হবে ।...বরং দরকার বোঝো তো—আমার সঙ্গে শ্মশান-ঘাটে চলো ।

—“আমার দায় প’ড়েচে” বলিয়া লোকটি ঘরের দাওয়ায় বসিয়া পড়িল ।

নন্দলাল খানিকক্ষণ নীরবে দাঁড়াইয়া রহিল । তারপর আর রাগ সাম্‌গ্রাইতে পারিল না । আগন্তুক ভদ্রলোকের ঘাড়ে ধরিয়া টানিতে টানিতে বাড়ীর বাহিরে আনিয়া ফেলিল ।.....তখন বৃষ্টির বেগ কমিয়া গেছে ।

নন্দলাল আর ফিরিয়াও চাহিল না । জোরে জোরে নিজদের বাড়ীর দিকে চলিয়া গেল । ইচ্ছা—বাড়ীতে গরু-বাছুরদের খাওয়ার ব্যবস্থা করিয়া শ্মশানে চলিয়া যাইবে ।

কিন্তু দশ পনের মিনিট পরে, শ্মশানে যাইবার পথে পুনরায় কিশোরী-দের বাড়ীখানা হইয়া যাইবার বাসনা হওয়ার, সে ফিরিয়া আসিয়া দেখিল—ঘরের তালা ভাঙা এবং ভিতরে এই দুঃখী পরিবারের যে সামান্য সামান্য

## কিশোরী

বাম পেট্রা বা তৈজসানি ছিল, তাহাও অপহৃত হইয়াছে!...অন্যের পরিহাস আর কি!.....

নন্দলালের দৃঢ় ধারণা জন্মিল—কিশোরীর পিতার প্রেরিত সেই ভ্রমলোকই আজ কিশোরীকে একান্ত অনাথা জানিয়া এ হেন হীনাদপি কার্যে হাত দিতে সাহসী হইয়াছে।...

নন্দলাল হাতের লাঠিখানা কাঁধে ফেলিয়া, সহরের পথে পা বাড়াইয়া দিল।...আজ কল্যার প্রতি পিতার এই অকৃত্রিম স্নেহের উপযুক্ত পুরস্কার দিবার গুরুভারটা সে স্বেচ্ছায় আপন স্বন্ধে তুলিয়া লইল।.....নির্মম নিরন্তর লীলা!.....

## দ্বিতীয় পরিচ্ছেদ

...ব্রাহ্মণ ব'লে চিন্তে না পেরে—

ধ'রে নিয়ে যার থানাতে ।”.....

কিশোরীর পিতা পশুপতি চট্টোপাধ্যায় রামপুর সহরের মাঝামাঝি, একখানা ছোট দ্বিতল বাড়ীতে বাস করেন। বয়সে প্রৌঢ় হইলে কি হয়, কৰ্ম্মকার-ছহিতা বিধবা সৌরভীর সহিত তাঁর এমন এক শুভ সন্ধিক্ষণে চোখোচোখি হইয়াছিল যে, সেইদিন হইতে আজ প্রায় দশ বৎসরকাল তিনি সৌরভীর সংস্পর্শ ব্যতীত একমুহূর্তও থাকিতে পারেন না।..... আপন পত্নী-কন্তা অনাহারের আলায় গ্রামবাসীর ঘরস্থ,—একথা বহুবার কাণে আসিয়াছে, তবু পশুপতির মোহ-ঘুম ভাঙে নাই, অথবা ক্রমেও কোনদিন কিশোরী বা তাহার মাতার সংবাদ লইবার অন্ত বিন্দুমাত্র আগ্রহ দেখান নাই। উকীলের মুহুরীগিরি করিয়া বা কিছু উপার্জন কর, সে সমস্তই সৌরভীর চরণে অর্পণ করিয়া, তাহারই আদেশ মাথায় ধরিয়া, বিনা চিন্তায়—বিনা বিধায়—বিনা আড়ম্বরে—তিনি এ যাবৎ জীবনান্তি-বাহিত করিতেছেন।

.....নিশীথ সময়ে যখন নন্দলালের আকস্মিক কণ্ঠ হইতে পত্নীর মৃত্যু সংবাদ উচ্চারিত হইয়াছিল, অবশ্যই পশুপতি বাবু তখন সৌরভী-বাহ-বন্ধনাবস্থায় সুখ-স্বপ্নে বিভোর ছিলেন।.....ডাক শুনিয়া জাগ্রত হইয়াই, সমস্ত শুনিলেন, কিন্তু পত্নীর ইহলোক ত্যাগের সংবাদ শ্রবণান্তরং জবাব

## কিশোরী

দিলেন—সৌরভীর দেহ ভাল নয়, তাকে একা রেখে আমার যাওয়া চ'লবে না।.....

.....প্রাতঃকাল হইতেই সৌরভী কহিল—লোক পাঠিয়েচ—  
যেটাকে আনতে ?

পশুপতি কহিলেন—পাঠালাম তো, কিন্তু সে আসবে কিনা জানি না।

সৌরভী কহিল—না খেতে পেয়ে শুকিয়ে মরবে তবু আসবে না ?...

তার ঘাড় আসবে।...পেটের জালা বড় জালা।

পশুপতি কহিলেন—হয়তো আসবে, নয়তো আসবে না। কিন্তু  
অনর্থক কথা বাড়িয়ে লাভ কি ?...বেলা হচ্ছে—আফিসের ভাত চড়বে  
কখন ?

ঈশ্বর হাসিয়া সৌরভী কহিল—বাতের ব্যাথাটা বড় ধরেচে, ভাত  
রাঁধতে আজ আমি পারবো না। কুকের ঠাকুরের হোটেলে গিয়ে খেয়ে,  
আর আমার জন্তে একখালা পাঠিয়ে দিয়ো।.....

তাড়াতাড়ি সৌরভীর বাঁ পা খানায় হাত রাখিয়া পশুপতি ব্যগ্রভাবে  
বলিলেন—সে কি !.....বায়ূনের মুখের বেদ্বাক্য, সত্য সত্যি ফ'ললো  
না কি ?...খুব ব্যাথা হ'য়েচে ?...তেলটা খানিকক্ষণ মালিশ করে দেব ?

সৌরভী কিছু না বলিতেই, প্রেরিত ভদ্রলোকটি ফিরিয়া আসিয়া  
সদয়ের কড়া নাড়িল।

পশুপতি দরজা খুলিলেন,—লোকটি মুটের মাথা হইতে দুইটা বাক্স  
নন্দমাইয়া লইয়া বাড়ী ঢুকিল।

সৌরভী জিজ্ঞাসা করিল—এলো না ?.....

না।

## কিশোরী

সৌরভী গালে হাত দিয়া বিষয়ের সুরে বলিয়া উঠিল—ও বাবা !... কি দেখাকে মেরে গো !.....জিজ্ঞেস করেছিলে—না খেয়ে থাকবে ক'দিন ?.....সেখানে তার কোন্ বাবা থাকিবে ?

পশুপতি কহিলেন—বাকুগে, মরুকগে ।...জিনিষপত্র যা যা পেয়েছ নিরে এসেচ তো ?...হাজার হোক—পিতৃপুরুষের জিনিষ, ওসব নিজের কাছে রাখাই ভাল ।...হতভাগীর কপাল মন্দ, তাই কুবুদ্ধি গজিয়েছে ।

কিন্তু কথাবার্তা আর একটুও অগ্রসর হইতে পারিল না । এক ধাক্কায় সদর দরজার কপাট ভাঙিয়া, রুদ্ধমূর্তিতে যে ব্যক্তি প্রবেশ করিল—সে নন্দলাল ! ভিতরে ঢুকিয়াই, সে সর্বপ্রথমে ডান হাতে পশুপতির মাথাটা ধরিয়া, বাঁ হাতে সৌরভীর মাথা টানিয়া, উভয় মাথায় প্রবল বেগে ঠোকাঠুকি করিয়া দিল ।

তারপর সৌরভীকে এক ধাক্কায় ঠেলিয়া দিয়া, পশুপতির গলায় অর্ধ-মলিন গামছাখানা জড়াইয়া, টানিতে টানিতে বলিল—চলো মশায় !... আসল চোর তুমিই !.....দেখি ইংরেজের রাজত্বে চোরের সাজা হয় কি হয় না ।.....

পশুপতির দম্ আটুকাইয়া আসিতেছিল । কোন রকমে, মিনতির সুরে বলিলেন—লক্ষ্মী বাবা আমার ! আগে আসল ব্যাপারটা বুঝতে দাও, তারপর যা খুসী কোরো ।

নন্দলাল তখন ভীষণ উত্তেজিত ! কথা কহিবার শক্তি নাই !...ক্রোধে সমস্ত শরীর কাঁপিতেছিল ।.....

সৌরভী ধীরে ধীরে সেই ভদ্রলোকটির সাহায্যে কিশোরীদের জিনিষপত্রপূর্ণ অপছত বাক্স দুইটা ঘরের মধ্যে সামলাইতে ব্যস্ত ছিল ।

## কিশোরী

নন্দলাল হেঁচকা টান টানিয়া পশুপতিকে সদর রাস্তার আনিল, তারপর গভীরস্বরে বলিল—বাঁচবে, না অপঘাতে মরবে? কি সাধ হয়?...

কাঁপিতে কাঁপিতে পশুপতি কহিলেন—খোলসা করে বলো বাবা! আমি তো কিছু জানি না!

নন্দলাল ভ্রুকুটি করিয়া কহিল—গাজলপুর চেন?—যেখানে তোমার বাপ-পুরুষের বাড়ী আছে?—চেনো?...কিশোরীকে চেনো? নাম শুনেছ?...বলিয়াই অতিরিক্ত ক্রোধে পশুপতির পৃষ্ঠদেশে এক ঘুষি লাগাইয়া কহিল—উঃ—তাকা ঠাকুর!...তোমার আক্কেলের মাথায়...উঃ কি আর বলবো,—জাত গয়লা আমি—বলবার মুখ নেই। নইলে.....

সহসা পশুপতি দেখিলেন—থানার কাছাকাছি আসিয়া পড়িয়াছেন। জোরে চীৎকার করিয়া উঠিলেন—পুলিশ! পুলিশ! পাহারাওলা! শীগ্গীর...আমায় খুন করলে।

থানার কাছে এমনতর চীৎকার, বড় যেমন তেমন কথা নয়। একজনের জায়গায় পাঁচজন পাহারাওলা, এমন কি স্বয়ং দারোগা বাবু পর্যন্ত আসিয়া পড়িলেন।

নন্দলাল সঙ্গে সঙ্গে পশুপতিকে ছাড়িয়া দিয়া, করবোড়ে কহিল—হুজুর! চোরের সাজা না দিলে, আমরা গরীব মানুষ গাঁয়ে বাস করবো কেমন কোরে?...বিশ্বাস না করেন, চলুন গুর বাড়ীতে,...চোরাইমাল এখনো মজুত রয়েছে।

দারোগা বাবু পশুপতিকে অবশ্যই চিনিতেন, এবং মনে মনে অত্যন্ত ঘৃণা করিতেন। সহরের অনেক ভদ্রলোকেই এইরূপ ঘৃণ্যভাব পশুপতির উপরে পোষণ করিত।

## কিশোরী

দারোগা বলিলেন—চাটুষ্যে মশায়! সত্যি কথা বলুন, একটা সামান্য চাষার এমন সাহস নেই, যে মিছি মিছি আপনার গলার গামছা জড়িয়ে টানতে পারে।

পশুপতি বলিলেন—ধর্ম সাক্ষী হজুর!...এ ব্যাটা বাড়ী চুকে আমার মার পিট করেছে। বলিয়াই ফুঁপাইয়া কাঁদিয়া উঠিলেন।

দারোগা নন্দলালের পানে ফিরিয়া কহিলেন—কিরে ব্যাটা! তোর কথা কি?

নন্দলাল দীপ্ত রোষে বলিয়া উঠিল—ব্যাটা ব্যাটা করবেন না হজুর! দোষ করে থাকি, সাজা নেব। অপমানের কথা সহিবো না।...আমার নাম নন্দ গয়লা। সোজা ছাড়া বাঁকা কথা কইনে আমি।

দারোগা ক্রুদ্ধ হইলেন না, বরং মনে মনে খুসী হইয়া কহিলেন—  
আচ্ছা বাবু!—ভাল কথাই বল্চি।...ব্যাপারটা খুলে বল দেখি?

নন্দলাল করবোড়ে কহিল—হজুর! আপনি রাজা—আপনি মালিক।

বিচার ক'রে সাজা দেবেন।...কিন্তু তার আগে, এই ছোট লোক বায়ুনকে নিয়ে আমার সঙ্গে একবারটি গাজলপুরে যেতে হবে। নইলে একটা কথাও আপনার বিশ্বাস হবে না, সহরের মধ্যে যেমন তেমন সাক্ষী সাক্ষাই দিতেও আমি পারবো না।...হজুর! জাত গয়লা আমি, তবু বুকে হাত দিয়ে ধর্ম তাকিয়ে কথা বলি।...ভদ্রলোকের পোষাক গায়ে ক'রে, ছোটলোকী ফলাতে আমরা শিখিনি।

দারোগা বাবু পশুপতিকে কহিলেন—চলুন! থানার যেতে হবে।  
দশটার পর গাজলপুর রওনা হবো।

## কিশোরী

‘তাড়াতাড়ি পশুপতি বলিয়া উঠিলেন—আজ্ঞে সে কি করে হবে ?—  
আমার কাছারী যেতে হবে যে ?

দারোগা বাবু ধম্কাইয়া উঠিলেন—তোমার কাছারী বাওয়া বের  
করছি দাঁড়াও !.....সকল কথাই আমার জানা আছে ।.....দেখ বাপু,  
তোমার নামটা কি ব’ললে ?—নন্দ ?

—আজ্ঞে হ্যাঁ হজুর !—নন্দলাল !—আমি জাত গয়লা ।...

দারোগা কহিলেন—আচ্ছা ।.....কিন্তু চোরাইমাল কোথায় আছে  
ব’ললে ? এ’র বাড়ীতে ?...কি কি জিনিস ?

—ছোটো বাক্স, ভেতরে কি আছে জানিনে, তবে, এক বামুন-কন্তের  
যথা সবস্ব আছে—এ টুকু জোর গলায় ব’লতে পারি । বাড়ী তার গাজল  
পুরে ।.....ধর্ম্য তাকিয়ে বিচার করতে হবে হজুর !.....খালি খালি  
আইন দেখালে শুন্বো না ।

পশুপতি উচ্ছ্বসিত হইয়া বলিলেন—তাই করবেন হজুর ! ধর্ম্য তাকিয়েই  
বিচার করবেন । আমি ব্রাহ্মণ, ধর্ম্মাধর্ম্ম সকল জানই আমার আছে ।  
জিনিষপত্র যা আমার বাড়ীতে রয়েছে, তার একটিও চোরাই মাল নয়,  
আমার নিজস্ব, পিতৃপুরুষের জিনিষ । আমার মেয়ের হেপাজাতে ছিল ।  
...মেয়েটির মা নেই, নিজের কাছে নিয়ে আস্তে বিখাসী লোক পাঠিয়ে-  
ছিলাম,—এই ব্যাটা হতভাগা গয়লা তাকে খুন করে ফিরিয়ে দিয়েছে ।...

হুকুম দিয়া নন্দলাল বলিল—মাপ করবেন হজুর ! আপনারা মা  
বাপ, যদি পুলিশের বড় বাবু হয়েও ছট্টুকে শাসন না করেন, তা হ’লে  
গয়লার মাথায় পোকা ঢুকবে । বামুনের রক্তদর্শন শাস্তরের নিষেধ হ’তে  
পারে, কিন্তু নন্দ গয়লার বিধি, শাস্তরের বাবার ধার ধারে না । উনি বামুন



## কিশোরী

হ'তে পারেন, না খেতে দিয়ে আপন পরিবারকে মেরে ফেলতে পারেন, কামার-কস্তুর পায়ে তেল মালিশ করতে বসে, আপন কন্যাকে 'দূর ছাই' ব'লতে পারেন, ধন্ব অধন্ব সব কিছুই কদর রাখতে পারেন, কিন্তু আপন চোখে দেখে দেখে আর এই ছ'কাণ দিয়ে শুনে শুনে, মুকথা গয়লারা তা বরদাস্ত করতে পারে না।

ঈষৎ হাস্ত করিয়া দারোগা বাবু কহিলেন—কিন্তু এ তোমার গায়ে প'ড়ে ঝগড়া হচ্ছে নন্দলাল !.....

সুযোগ পাইয়া পশুপতি বলিয়া উঠিলেন—ব্যাটা গয়লার পো'কে সেই কথাটাই ভাল করে বুঝিয়ে দিন হজুর !...আমি ব্রাহ্মণ, আমার ধর্মজ্ঞান নিয়ে ব্যাটা ছোট জাত গয়লার পো কথা কইতে আসে ! বলুন হজুর !—ওকে চাবুক মেরে বুঝিয়ে দিন।

অতিরিক্ত বিরক্তির সহিত দারোগা বাবু কহিলেন—সে যা দিতে হয় দেব। আপনি এখন থানায় চলুন তো !

## তৃতীয় পরিচ্ছেদ

“হ’য়ে পথের ধুলার অন্ধ,  
এসে দেখিব কি থেয়া বন্ধ”...

পাঁচদিন পরের কথা। আবার আজ বাদল নামিয়াছে। উষার  
মৃদু চরণক্ষেপের সঙ্গে সঙ্গে বৃষ্টির মাতন সুর হইয়াছে—সন্ধ্যা হয় হয় তবু  
বিরাগ নাই!

কিশোরীর ঘরের ভগ্ন চাল বাহিয়া বৃষ্টির ধারা নামিতেছে, ঘরের  
মধ্যে এতটুকু স্থান নাই, যেখানে বসিয়া সে, তার সর্ব বিষয়ে বিপর্যস্ত  
মস্তকটাকে বৃষ্টির অত্যাচার হইতে কথঞ্চিৎ রক্ষা করিতে পারে।...হা রে  
অভিশপ্ত ভাগ্য! হা রে—সকল রকমে কাঙাল—করণা-প্রত্যাশী অন্তর!

মধ্যাহ্ন আহার শেষ করিয়াই, গয়লা বউ কিশোরীর বাড়ীতে  
আসিয়াছে। এমনি সে রোজই আসে।

ছই সখীতে অনেক সুখ-দুঃখের কথা হইতেছিল। কিন্তু সুখের  
কিছুই ছিলনা,—সবটুকুই মর্ষব্যথায় গাঁথা।

গয়লা বউ কহিল—খুড়োঠাকুরের সাজা হ’য়েচে দিদি ঠাকুরণ!

কিশোরী ক্লুণ হইয়া কহিল—ও কথা আর আমার শোনাস্নি গয়লা-  
বউ!—বাপের সাজা হ’য়েচে শুনে, কোন্ মেয়ে সখী হয়? আমি না  
খেয়ে মরি, সে-ও আমার মঙ্গল, কিন্তু বাবার পারে যেন কাটা না  
কোটেণ—জীবনে এইটুকুই আমি চেয়ে আসচি।

## কিশোরী

গয়লাবউ কহিল—তোমাকে তো আজ নতুন দেখ্‌ছিনে দিদি ঠাক্করণ! তোমার মনের খবর আমি যেমন জানি, তেমন ক'টা লোকে জানে?...কিন্তু সাজার মজাটা তো জানোনি?

কোতুহলী হইয়া কিশোরী চাহিতেই, গয়লাবউ বলিল—থানার দারোগাবাবু সেদিন এখানে এসে, সব দেখে শুনে গেল তো?...কিন্তু গিয়ে হুকুম দিয়েছে—খুড়োঠাকুর যদি আদর করে তোমাকে নিজের কাছে না নিরে যান, কিম্বা এখানে ভাল ভাবে থাকবার ব্যবস্থা করে না দেন, তা হ'লে যেমন করে হোক তাঁকে জেলে পাঠাবার ব্যবস্থা হবে। ...ছোড়দা ব'ললে—খুড়োঠাকুর রাজী হ'য়েচেন।...কিন্তু তুমি চ'লে গেলে, আমরা কেমন করে থাকবো দিদি?...সংসারে এসেছিলাম—পোড়া কপাল নিয়ে,—ছথের মধ্যে তুমিই শুধু ভাল কথা ক'রে মনটাকে তাজা ক'রে রাখো। আর তো কেউ তা পারে না ভাই।

অলক্ষ্যে চক্ষু মুছিয়া কিশোরী বলিল—তুই কি কেপে গেলি না কি? বাবাও নিতে এসেচেন, আমারও খাওয়া পরার ছঃখু গেছে, আর তোদেরও মনের কথা বলবার লোকের বনবাস হয়েছে।...হঁঃ—এ-ও কি একটা কথার কথা গয়লা বউ।...ডাইনীর মায়া কাটিয়ে, বাবা আমাকে চরণে ঠাই দেবেন।...হা রে কপাল!

গয়লাবউ কহিল—না দিদিঠাক্করণ!—এর আর এদিক ওদিক হবে না। পুলিশের হুকুম, না মানলে সত্যি সত্যি জেল হবে।...তা হোক—আমাদের ভাগ্যে কষ্ট থাকে থাক্,—তবু তুমি তো সুখে থাকবে। একখানি কাপড়, সাত জায়গায় সাত তালি এঁটে, পরণে শুকিয়ে পরচো,—চালের ক্ষুদ্রুড়ো মুন দিয়ে ফুটিয়ে খাচ্ছ, এর চেয়ে মন্দ অবস্থা

## কিশোরী

মামুষের কত বেশী হয় আমার তা জানা নেই। কিন্তু পায়ে পড়ি দিদি-ঠাক্কণ! আমাকে আর 'পর' করে রেখোনা, তোমার আশীর্ষাদে ছ'মুঠো ভাতের আধার তো আমাদের আছে ভাই!...বামুন-কস্তুর চৌটেই আহার যোগানো, সে যে ছ'শ বার জগবজুর মুখ দর্শনের চেয়েও বেশী পুণ্য!...আমাকে তা থেকে বঞ্চিত ক'রোনা দিদি!...কুদগুড়ো খাবে তুমি কি ছঃখে? আমি চল্লিশটে গাই গরুর ছধ বিক্রি করি, মহরের দশখানা দোকানে কীর ছানার যোগান্ দিই, আমার অভাব কিসের?...দিদি হ'য়ে, বোনকে ত্যাগ করবে দিদি?

কিশোরীর আঁধি কোণ্ অশ্রুভারে ভরিয়া গেছে!—কণ্ সহানুভূতির ভরে শক্তিহারা হইয়াছে! সত্যই তো, অকূল সংসারের দুস্তর পাথারে ভূগণ্ড বলিতেও যখন কেউ ছিল না,—তখন তো এই অতি আপন করা আপন জনটিই তার পাশে পাশে থাকিয়া, সকল জ্বালাকে শাস্তির প্রলেপে প্রশমিত করিয়া দিয়াছিল!...কিন্তু তবু এখনো সে দুর্বল হইয়া পড়ে নাই,—আজও নিজস্ব কুদগুড়োর সাহায্যে তাহাকে জীবনধারণের উপায় করিয়া দেয়। বতই থাক্, তবুও বিধবার সঙ্গ! গয়লা বউ যে স্বামীহারা বালবিধবা!—সারা জীবনটাই যে সুখছঃখে মাথামাখি হইয়া তাহার সম্মুখে! সবল হইয়া দুর্বলের সঙ্গকে কেন সে ভরসার চকুতে চাহিবে?

কিশোরী কহিল—দরকারের সময় আমি তোমার কাছছাড়া আর কৃকর কাছে হাত পাতবোনা গয়লাবউ! এ তুই ঠিক ভেবে রাখিস!...কিন্তু রাত হ'য়ে এলো। বিষ্টির আর বিরাম হবে না ভাই, চল্ তোকে এগিয়ে দিবে আসি।

## কিশোরী

গয়লাবউ কহিল—আমি এখন যাবো না।... বলিয়াই ঘরের চারিদিকে চাহিতে চাহিতে কহিল—প্রদীপটা কোথায় আলো না দিদি-ঠাকুরগণ!...তোমার গামছাখানা সেলাই করে দিই।

কিশোরী মাথা নীচু করিয়া জবাব দিল—আলো আমার চোখে নয়না ভাই! আজকাল আধারই বেশী পছন্দ করি।

স্নান হাসি হাসিয়া গয়লাবউ কহিল—চোখের জলটলগুলো বেশ লুকিয়ে লুকিয়ে মুছে ফেলা চলে—না?—আলো থাকলে ঘরা পড়তে হয় কেমন?...সে আমি শুন্বো না, বলো—কোথায় রেখেচ প্রদীপ?

অত্যন্ত সহজ সুরে কিশোরী বলিল—তাতে তেল নেই গয়লাবউ!... জলে ঘর সংসার ভেসে যায়, কিন্তু আলো জলে না।

গয়লাবউ কহিল—এমনি করেই বুঝি শোধ নিতে হয়? কিন্তু ব'লতে পারো দিদিঠাকুরগণ!—আমি কী মহাপাপ করেছি?.....দোষ না দেখে, বিনি দোষে সাজা দিলে তার ফলটুকুও ভোগ করতে হয়।...পোড়া বরাত আমার!...বারো বাস ঘির প্রদীপ আমি এই ঘরে জেলে রাখতে পারি—সমস্ত রাত ধরে!—এমন শক্তিও আছে আমার।...গাজলপুরের গয়লা-পাড়ায় চল্লিশটে গাইগরু ক'জনের আছে?

হঠাৎ মচমচ শব্দ পাইয়া, কিশোরী উর্কে চাহিল। গয়লাবউ কহিল—কি হ'ল?

—চালে কিসের শব্দ হ'ল না?...ধ'সে পড়বে না কি?

গয়লাবউ কহিল—ছোড়দাকে বলেছিলাম, চারটিখানি খড় চাপিয়ে দিচ্ছে। না দিলেই ভেঙে পড়বার ভয় আছে।

কিশোরী কথা কহিল না। অতি নীরবে এই মহাদান ও মহত্পকার

## কিশোরী

সে কৃতজ্ঞতার সহিত অন্তরে গ্রহণ করিল।...না করিলে বুঝি কোন মতেই আর চলেনা আজ !.....

নন্দলাল চালে খড় চাপাইয়া কখন চলিয়া গেছে—গয়লাবউ বা কিশোরী টের পার নাহি। কিশোরীর অতিরিক্ত পিতৃভক্তিটা নন্দলাল আজকাল একটুও পছন্দ করিত না, এবং সেই জন্তই তাহার সহিত কথাবার্তা কওয়া একরূপ বন্ধ করিয়াই রাখিয়াছিল।...যে বাপ, বাপ হইয়া কন্যাকে মিথ্যা দোষে দোষী সাব্যস্ত করিয়া পুলিশের হাঙ্গামায় ফেলিতে পারে, সেই রাক্ষস পিতার প্রতি ভক্তিপ্রদর্শন—স্থূলবুদ্ধি নন্দলালের মনে ক্রোধের উদ্রেক করিয়া দিত।

...রাত্রি প্রায় দশটা, তখনও গয়লাবউ উঠিবার নাম করে না। কিশোরী কহিল—আজ তোমার হ'ল কি রে? ঘরবাড়ী সব বানের জলে ভাসিয়ে দিবি না কি?...খাওয়া দাওয়ার কথাটাও মনে নেই বুঝি?

গয়লাবউ উত্তর করিল—তোমার সঙ্গে আমার ঠাট্টা-তামাসার সম্বন্ধ পাতানো নেই দিদিঠাক্করণ!...নিজের খাওয়ার সঙ্গে খোঁজ নেই, পরের খাওয়ার তাগাদা, তাতে পাপ বই পুণ্য নেই ভাই! হিসেব দাও দেখি, ও বেলাতে কি খেয়েচ, আর এ বেলাতেই বা কি খাবে?...আমি তো বিধবা, একবেলা খাই। দু'একদিন উপোস করেও থাকতে জানি।

ক্ষীণ হাসি হাসিয়া কিশোরী বলিল—ভগবান বার উপোসের ব্যবস্থা করে রেখেছেন, তার চেয়ে ভাল জানা আর কেউ জানতে পারে না গয়লাবউ! কপালের লেখা রদ্ করতে পারে,—তেমন বাহাজুর মানুষ হুনিয়ার কজন আছে—তার কর্দ দিতে পারিস? সহিতে আর কাঁদতেই বার জন্ম, তাকে স্থূথের রাজ্যে নিরে বাওয়ার সাধ, সে নিতান্তই অসাধ

## কিশোরী

গয়লাবউ ! আমার ভাগ্যে যা আছে, তা কি তুই ঠেকিয়ে রাখতে পারবি ?...তুই বাড়ী যা দিদি ! ..

গয়লাবউ চোখের জল মুছিয়া বলিল—আমি গেলে তুমি করবে কি ?  
...বসে বসে কাঁদবে তো ?

কিশোরীর মুখখানা ম্লান হাসির মলিন আভার ছাইয়া গেল । গয়লাবউএর গলা জড়াইয়া বলিল—দুঃখীর অতবড় স্রুখের সাথী আর বিশ্বভুবনে কোথাও মিলবে না দিদি ! সত্যি সত্যিই আমি কাঁদবো । নইলে বাঁচবো কেমন করে ? বলিয়াই অশ্রুমনস্ক হইয়া পড়িল । তারপর আপন মনেই বলিল—তবু বাঁচবার আশা ! অথচ আশা-তরুর মূলটুকু অবধি টুকুরো টুকুরো হয়ে গেছে !

গয়লাবউ কহিল—আমি চ'ললাম, কিন্তু একুনি একবাটা দুধ আর ছানা পাঠিয়ে দিচ্ছি । ছোড়্দা ব'সে থেকে খাইয়ে যাবে । যদি না খাও, কাল থেকে গয়লাবউ আর এমুখো পা বাড়াবে না ।...তারপর হঠাৎ হাত ডখানা যোড় করিয়া বলিল—আমার মাথার দিব্যি রইলো তাই !  
...এতে দোষ নেই কিছু ।

কুণ্ঠিত হইয়া কিশোরী বলিল—আমার ক্ষিদে নেই দিদি !...তাছাড়া খাবারটা ও বেলা থেকেই নষ্ট হচ্ছে । তারও সদগতি করতে হবে ।

গয়লাবউ বলিল—দেখি কি সোণার খাবার নষ্ট হচ্ছে ?...কোপায় ?

কিশোরী ঘরের কোণ দেখাইল ।

গয়লাবউ মাটির হাঁড়ীটার ঢাকা খুলিয়াই অবাক হইয়া গেল !—ঈ ভগবান !—পূর্ণ স্বাস্থ্যবতী তরুণীর ইহাই কি নৈশ ভোজনের আরোজিন !—এ যে পাকা তালের সামান্য একটুখানি অংশ !

## কিশোরী

গয়লাবউ হাসিবে কি কাঁদিয়া ভাসাইবে—ঠিক করিতে পারিল না। জিজ্ঞাসা করিল—তাল খেয়েই কি আজ দিনমান চ'ললো দিদিঠাক্করণ? রাতের বেলাতেও এই ব্যবস্থা? কিন্তু গাছটার আর কতগুলো আছে? ফুরিয়ে গেলে কি তালগাছের পাতা সিদ্ধ করে পেট ভরাবে? আর আমি পোড়ারমুখী দুধ খেয়ে ঘি'য়ে আচমন করবো?... আজ জান্লাম,—পর যে, সে আপন কখনো হয় না। বুকের ভেতর আঁকড়ে রাখলেও না।

কিশোরী হাসিতে হাসিতে বলিল—তুই এতবড় বোকার খাড়া?... রাগের মাথায় এ সব কি বলছিস আজ?

অভিমানাহত হইয়া গয়লাবউ কহিল—রাগ আর কার ওপর করবো দিদিঠাক্করণ! যার তার ওপর তো রাগ দেখানো মানায় না।..... কিন্তু ছ'লকবার ঘাট হ'য়েচে আমার। আজ থেকে সব কথাই ইতি করছি।..... অনেক দোষ ক'রেছি, পারো তো ভুলে যেয়ো!—বলিয়াই আর এক মিনিটও অপেক্ষা করিল না। ঘুট্ঘুটে আঁধারের ভয়াল বিভীষিকাও গ্রাহ্য করিল না।.....

বৃষ্টির বেগ মন্দীভূত হইয়াছিল বটে, কিন্তু সম্পূর্ণ ধামে নাই। কিশোরী সিন্ধু মেঝের উপর শুইয়া, লুটাইয়া লুটাইয়া রোদন করিতে লাগিল—মা! মা! ছুনিয়ায় কার ভরসার ওপর ভরসা রেখে আমার ফেলে চ'লে গেলে?...সঙ্গে নাও মা!—কোলে তুলে নাও। অনাদরে, অত্যাচারে, ভয়ে, বিপদে—নারী আমি, কেমন ক'রে বেঁচে থাকবো? যার অস্ত্রে প্রাণ, পর্য্যন্ত বিসর্জন দিবেছ, আজ তাকে কি একটুও মনে পড়ে না মা? আর যে আমার সহ্য হয় না! একা এই অকূল পাথার বেয়ে কোন্ কিনারায় আশ্রয় পাবো—আজ তার পথ ব'লে দাও মা!



## কিশোরী

...হঃখ, কষ্ট, শোক সব কিছুই পুরোভাগে, বাচিয়া থাকার ল্পর্হাই দৃঢ় হইয়া অন্তরে বাসা বাধিতে পারে ।.....সুখা তুফার কিশোরীর সমস্ত দেহটা অবসন্ন হইয়া পড়িল । অন্ধকারেই অশুমানের সাহায্যে গয়লাবউ মাটির ইঁাড়ি খুলিয়া পাকা তালের সন্ধান পাইয়াছিল, কিন্তু আনুমনা অবস্থায় ইঁাড়ির ঢাকাটা বন্ধ করে নাই ।

সত্য সত্যই প্রদীপটার তেল ছিল না । অন্ধকার ঘরের কোণে বসিয়া কিশোরী তালের ইঁাড়িটা ধুঁজিতেই, এমন একটা জিনিসের উপর তার হাত পড়িল, যাহার অঙ্গ বরফের স্তায় শীতল, এবং অত্যন্ত মসৃণ !

কিশোরী প্রবল আতঙ্কে সরিয়া আসিতেই, তাহার ডান হাতে সাংঘাতিক জ্বালা অনুভূত হইল, এবং সঙ্গে সঙ্গে ফৌস্ ফৌস্ গর্জন !... আহা রে !—অভাগিনী !.....ভাগ্যে তোর সর্প দংশনও লেখা ছিল !... বিধি লিপি !

সামান্তক্ষণ মূর্ছাহতের মতই দাঁড়াইয়া থাকিয়া, বাঁ হাতে ডান হাত ধানা চাপিয়া ধরিয়া, কিশোরী উর্দ্ধ্বাসে বাটার বাহির হইয়া পথে নামিল ।—তখনও রূপ রূপ রুষ্টি হইতেছে ।

কাছাকাছি ছিল—গ্রামের পুরোহিত সিধু চক্রবর্তীর বাড়ী ।

কিশোরী কাতর-কণ্ঠে বন্ধ দুয়ারে ঘা দিয়া ডাকিল—দাদামশায় !  
• দাদামশায় !

—কে রে ?—কেন ?

—একবারটি দোর খুলুন দাদামশায় !—আমি কিশোরী । আমাকে সার্পে কাম্ড়েচে ।...বড় জ্বালা কর্চে ।

## কিশোরী

দাদামশায় ঘরের মধ্যেই সুখশায়িত অবস্থায় জবাব দিলেন—কি সাপ ?

—তা তো দেখতে পাইনি । বড্ড জালা !—সইতে পারি না । পায়ে পড়ি—একবারটা দোর খুলুন দাদামশায় !

—যা যা !—ভাবিস্‌নি, ও ব্যাটা চোঁড়া সাপে কেটেছে ! বর্ষার দিন অলি গলি বেড়ায় ব্যাটারা !.....চুণে হলুদে লাগিয়ে নিস্‌ !..... বাড়ী গিয়ে শুয়ে পড়্‌গে যা—ভয় নেই ।

—আর যে আমি একা থাকতে সাহস পাচ্ছিনে ঘরে ।.....ভয়ঙ্কর জল্‌চে । বুকখানা থর থর ক'রে কাঁপচে । পায়ে পড়ি দাদামশায় ! দোরটা খুলে দিন । আমি গোয়াল ঘরের একপাশে প'ড়ে থাকবো ।

দাদামশায় আর কোন সাড়া শব্দ দিলেন না ।

কিশোরীর সারা অঙ্গ তখন থর থর করিয়া কাঁপিতেছিল । হার রে ! গয়লাবউ পায়ে ধরিয়া সাধ্য সাধনা করিয়াছে—তবু সে আপনার গর্ভ অক্ষুণ্ণ রাখিবার তরে, হেলার সে সাধনার মূল্য রাখে নাই । আজ উন্নত মাথাটা পথের কাঁদায় মাথামাখি হইয়া গেল,—তবু তার অপরাধের যোগ্য শাস্তি পাওনা রহিল ।

একটা জলপূর্ণ ক্ষুদ্র ডোবার কাছে বসিয়া, কিশোরী মুখখানা উর্দ্ধ আকাশের পানে তুলিয়া, যাতনা-কাতর-কণ্ঠে ডাকিল—মা ! মা !—তুমি যদি না দেখা দাও,—স্বর্গ থেকে ভগবানকে স্মরণ করিয়ে দাও—আমি । আজ অপঘাতে, অসহায় হ'য়ে বিনা শুশ্রুষায় মরতে বসেছি । যদি পথ থাকে,—উপায় ক'রে দাও মা !.....ওগো আর্ন্তের ভগবান !—ওগো বধির ! একবারও কি পাপীর কথায় কাণ দেবে না আজ ? কি

## কিশোরী

কুকাজ ক'রেছি ঠাকুর, যার অস্ত্রে আজ এমন যাতনার ব্যথা  
করলে ?.....

কথা বলিবার শক্তি এবং চলিবার শক্তিও ক্রমশঃই লুপ্ত হইয়া  
আসিতেছিল।—তবু হতভাগিনী প্রাণপণ শক্তিতে ডাকিল—ভগবান!  
ভগবান! ভগবান!—মধুহৃদন!—আলো দাও—পথ দেখাও! রক্ষা  
করো!...

রাত্রি তখন নিশীথ।

## চতুর্থ পরিচ্ছেদ

“কর্ণ দাও রুহু কোরে  
কর প্রভু অক্ক মোরে—”

অভিমানের বশে বাড়ী কিরিয়া, গয়লাবউ ঘরের মধ্যে খানিকক্ষণ  
নিঝুম অবস্থায় বসিয়া রহিল। ভাবিল—অভাগিনী কিশোরীর উপর  
রাগ করা তার সাধের অতীত। নহিলে গ্রাণ কেন মানা মানে না!  
কেন ছুটিয়া ছুটিয়া তারই হুয়ারে বাইতে সাধ জাগে!

নন্দলাল বাহিরের দাওয়ায় বসিয়া তামাক টানিতেছিল।

গয়লা বউ ডাকিল—ছোড়না!


—কেন?

—সহর থেকে কাপড় আনতে বলেছিলাম যে একজোড়া?  
এনেছ?

—হ্যাঁ।

—বেশ রাঙা পাড় চওড়া শাড়ী তো?—যেমনটি বলেছি ঠিক  
তেমনি?

—হ্যাঁ।...কিন্তু ওসব ভয়ে বি ঢালা হচ্ছে রামী। দিদিঠাকরুণ  
তেরি দান তো নেবে না।...বড়লোক বাপের বেটী, ছোট লোক গয়লার  
দান নিলে যে তার মাথা কাটা যাবে!...বাপুরে বাপু!...মেয়ের কি  
দেয়াকু! বলিয়াই সে আবার হুকায় টান শুরু করিল।





## কিশোরী

রামী—অর্থাৎ রামমণি গয়লাবউর নাম। কহিল—তুমি ভুল  
বুঝ্‌চো ছোড় দা! কিশোরী দিদি সে রকম মেয়ে নয়। সে বলে—  
যতক্ষণ ঘরে একরত্তি ক্ষুদ্রুড়ো থাকবে, ততক্ষণ সে অন্তের কাছে হাত  
পাতবে না। ফুরিয়ে গেলে, আমি ছাড়া আপন ব'লতে আর কেউ  
তার নেই—একথাটা আজ দশবার মুখ ফুটে জানিয়ে দিয়েচে। বলিতে  
বলিতে গয়লাবউ ঘর ছাড়িয়া একবারে বাহিরের উঠানে আদিয়া  
দাঁড়াইল।

...আকাশ তখনও পরিষ্কার হইয়া যায় নাই বটে, কিন্তু রষ্টি থামিয়া  
গেছে।

নন্দলাল জিজ্ঞাসা করিল—তাকিয়ে তাকিয়ে কি দেখছিস রামী?  
আবার যেতে হবে না কি?...তারপর খানিকক্ষণ কি ভাবিয়া বলিল—  
যেতে হয় যা, মেয়েটা একা থাকবে।—খুড়ীঠাকুর মারা যাওয়ার পর,  
ও বাড়ীতে সে যে কি করে একা একা রাত কাটায়, ভাবলে আমিই  
ভরে সারা হ'য়ে যাই।...

গয়লা বউ কহিল—সে সাহস তার নিশ্চয়ই আছে। নইলে ব'লতো  
আমাকে।...কিন্তু তোমাকে একটুখানি কষ্ট করতে হবে দাদা!...যাবে  
একবারটি?

রাগিয়া নন্দলাল বলিল—নাঃ।...সে ছোট লোকের বাড়ী আর  
আমার যেতে বলিসনি রামী। নন্দলাল জাত গয়লার ছেলে। এক  
রোধা তার স্বভাব। অপমানকে বড় ডরাই আমি।

স্কুককণ্ঠে গয়লা বউ বলিল—কিন্তু একথা আমার বিশ্বাস হ'লনা  
ছোড় দ্যা! ছনিয়া উল্টে যেতে পারে—এ আমার হয়তো বিশ্বাস হবে,

## কিশোরী

কিন্তু দিদি ঠাকুরণ তোমাকে অপমান ক'রেছে—মরে গেলেও বিশ্বাস করবো না।...ভুল কথা ব'লোনা ছোড় না।

নন্দলাল হাতের হাঁকাটা দেয়াল ঠেস্ করিয়া রাখিতে রাখিতে কহিল—ভুল তুইই করলি রামী!...আজ মনের কথা বলি,—দিদি ঠাকুরণকে আমি দেবতার চেয়েও বেশী ভক্তি করি ভাই।...আমি সেই বেইমান বামুনটার কথা ব'লছিলাম,—পতুপতি চাটুঘো রে,—তোমার কিশোরী দিদির বাপ!...ব্যাটা এমন পাজী!—

গয়লা বউ দাঁতে জিভ্ কাটিয়া বিষয় প্রকাশ করিল। বলিল—ব'লতে নেই ছোড় না!—হাজার হ'লেও বামুন,—কলিকালের দেবতা।

—কলির পিশাচ,—রাকস সে। সে ছাড়া ষোলআনা বামুনকে আমি পা ধুইয়ে মাথায় রাখতে পারি। কিন্তু তাকে যদি পাই কোনোদিন, লাঠির ঘায়ে মাথার ঘি বের করে ছাড়বো। কিন্তু কি ব'লছিল—কোথায় যেতে হবে?—কিশোরী দিদির বাড়ী? কেন?

গয়লাবউ কহিল—সারাদিনটাই এক রকম না খেয়ে র'য়েচে সে। একবাটা হুধ আর কিছু ক্ষীর রেখেচি,—দিয়ে এসো। খাবোনা খাবোনা করে নিতে চাইবে না। হয়তো ব'লবে—খাওয়া হ'য়ে গেছে; ...তবু দিয়ে এসো। তুমি ছাড়া তাকে আর কেউ খাওয়াতে পারবে না, নইলে আমিই নিয়ে যেতাম।

নন্দলাল যাইবার জন্ত প্রস্তুত হইয়া কহিল—আমিই যে খাওয়াতে পারবো তার প্রমাণ পেলি কোথায়?



## কিশোরী

গয়লাবউ কহিল—তোমার একপুঁয়ে স্বভাবটুকু সে ভারি পছন্দ করে।  
—আমরা দোষ দিই, সে বলে—নন্দা মানুষ নয়।

নন্দলাল আত্মপ্রশংসায় বিরক্ত হইয়া বলিল—হ'য়েচে হ'য়েচে,  
আর বিশেষ ফলাতে হবে না। বামুনদের সঙ্গে মিশে তোরও দেখ্‌চি খুব  
লম্বা লম্বা বুলি মুখস্থ হ'য়ে গেছে।...ওঃ নন্দা মানুষ নয়!...নিজে  
অভাগী কিনা, তাই সকলকে বলে হতভাগা।...জাত গয়লা নন্দলাল—  
সে মানুষ নয়!...তবে কি অমানুষ না—ভূত?...দে কোথায় তোর  
দুধ-কৌর আছে—মেয়েটাকে খাইয়ে আসি।

গয়লাবউ বাটিতে বাটিতে দুধ-কৌর সাজাইয়া একখানা থালার উপর  
তুলিয়া, নন্দলালের হাতে দিল।.....

...কিন্তু কোথায় কিশোরী? নন্দলাল দেখিল—ঘর খোলা, আঁধার  
হুম্‌কি দিয়া ভয় দেখাইতেছে,—ঘরে কেউ নাই!

—“দিদিঠাক্কণ! কিশোরী দিদি!”—অনেকবার ডাকাডাকি  
করিয়াও যখন সাড়া মিলিল না, তখন খাবারের থালাখানা হাতে  
করিয়াই নন্দলাল দ্রুত বাড়ীর দিকে ফিরিয়া আসিতেছিল,—ডোবাটার  
ধারে আসিয়াই সে একেবারে কিশোরীর সংজ্ঞাহীন দেহখানার উপর পা  
দিয়া ফেলিল।—চমকিয়া ছই পা পিছাইয়া, আবার ফিরিয়া  
দেখিল—মানুষ—কিন্তু কে, তাহা অন্ধকারে ঠাণ্ডর করিতে পারিল  
না। কুঁকিয়া অনেকক্ষণ দেখার পর, সে কতকটা বুঝিল—সম্ভবতঃ  
কিশোরীই।

খাবারের থালাটা সেখানেই ফেলিয়া রাখিয়া, সে বিনা বিধার  
কিশোরীর দেহটা তুলিয়া লইয়া অতি দ্রুত নিজেদের বাড়ীতে ফিরিয়া

## কিশোরী

আসিয়া, উঠান হইতে ডাক দিল—রামী ! রামী ! শীগ্গীর আলো নিয়ে  
আয় !—শীগ্গীর !

ব্যস্ততার সময় সচরাচর যাহা হইয়া থাকে, রামীরও তাহাই হইল ।  
আলো হাতে বাহিরে আসিবার সময় সে বার দুইতিন হৌঁচট খাইল এবং  
হাতের আলোটাও বাতাস পাইয়া নিভিয়া গেল ।

নন্দলাল অধৈর্য হইয়া বলিল—তোমার কি একটুও জ্ঞান হ'ল না  
রামী ?...ব'লুচি শীগ্গীর আয় !

রামী নিজেকে সামলাইয়া লইয়া, পুনরায় আলো জালিল, তারপর  
বাহিরে আসিয়া, কিশোরীর সংজ্ঞাশূন্য দেহটার প্রতি চাহিয়াই একটা  
অসুট আর্জনার করিয়া উঠিল ।

গায়ে মাথায় ও মুখে চোখে জলের ঝাপটা দিয়া ব্যজন করিতে  
করিতে অর্ধঘণ্টা কাটিয়া গেল তবু কিশোরীর সংজ্ঞা ফিরিল না। হঠাৎ  
সর্পদংশনের কত স্থান দৃষ্টিগোচর হওয়া মাত্রই নন্দলাল হায় হায় করিয়া  
উঠিল ।.....সর্পনাশ হ'য়ে গেছে রে রামী, আর রক্ষে নেই ।.....আসল  
কালের দংশন !...

—“অ্যা, কি ব'লছো ছোড়্ দা ?.....কালের দংশন কি ?” বলিয়া  
রামী ঝুঁকিয়া, কিশোরীর ডান হাতখানা আলোর সাহায্যে পরীক্ষা  
করিতে লাগিল ।

নন্দলাল বলিল—কেমন ক'রে কামড়ালো, কোথায় কামড়ালো,  
কিছুটি জ্ঞান্বার উপায় নেই । কিন্তু কি হবে এখন ?.....মস্ত তত্ত্ব জানা  
ওঝা এখানে কে আছে—তা তো আমি জানিনে রামী ! কাকে ডাকি  
বলতো ?

## কিশোরী

রামী চিন্তা করিতেছিল।

নন্দলাল অতিষ্ঠ হইয়া কহিল—ভাব্‌বার তো সময় নেই ভাই! রক্তের সঙ্গে .বিষটা যদি মিশে যায়, তা হ'লে স্বয়ং মনসা ঠাক্কণেরও সাধ্য নাই যে, বাঁচিয়ে রাখবে।

রামী বলিল—উত্তোরপাড়ার রূপো হাড়ীকে ডাকো ছোড়দা!..... এ গাঁয়ের মধ্যে সে-ই এসব ভাল জানে।

নন্দলাল উর্কখাসে ছুটিয়া চলিল। অন্ধকারের হুমকীকে সে একটুও ভয় করিল না।.....মা মনসা! দিদিকে আমার বাঁচিয়ে দাও! বেচারী বড় অভাগী!

এদিকে রামী, কিশোরীর সংজ্ঞাহারা দেহ কোলে তুলিয়া চোখের জলে তাহার বুক ভাসাইয়া দিতেছিল।

নিশীথ রাত্রির অন্ধত্বের সীমায় দাঁড়াইয়া শুক প্রকৃতি তখন কৌণ দীর্ঘশ্বাস ছাড়িতেছিল। বিশ্ব চরাচরে কেহ জাগ্রত নাই! শুধু স্বদূর আকাশের বৃকে নক্ষত্রের সুস্পটতা লক্ষিত হইতেছিল।

প্রবাদ আছে, ষাহারা সর্পদংশনের মন্ত্র তন্ত্র জানে, সংবাদ পাইবা-মাত্রই সহস্র প্রয়োজনীয় কার্য্য পরিত্যাগ করিয়া তাহাদিগকে ছুটিয়া আসিতে হয়, নতুবা ভবিষ্যতে মন্ত্র দ্বারা উপকার পাওয়া যায় না।

রূপনাথ হাজ্‌রা সংবাদ শ্রবণ মাত্রই ছুটিয়া আসিল এবং রোগী দেখিয়াই একটা প্রবল দীর্ঘশ্বাস মোচনাতে বলিল—কপাল! সাপের লেখা, আর বাঘের দেখা,—কপালেই সব হয়।.....কিন্তু অবস্থা ঠিক ভাল ঠেক্‌চেনা নন্দ! তারপর একটানা সুরে সমস্ত প্রাণ দিয়া সে মজ্রোচারণ আরম্ভ করিল।

## কিশোরী

পূরাপুরি একটি ঘণ্টা এইরূপ মস্ত আবৃত্তি চলিল কিন্তু কিশোরীর সংজ্ঞা পাওয়া ত দূরের কথা, নড়াচড়ার ভাবও টের পাওয়া গেল না।

হতাশ ভাবে খানিকক্ষণ বসিয়া থাকিয়া রূপনাথ বলিল—নন্দ ভাই, রাত তো ভোর হ'য়ে এলো, কিন্তু ফল পেলাম না।.....একবারটি সহরে না গেলে বোধহয় বাঁচাতে পারবো না।...খুব শীগ্গীর যেতে হবে কিন্তু, পারবে ?

নন্দলাল বলিল—পারবো কি পারবোনা সে কথা বাদ দাও রূপোদা ! —কি করতে হবে তাই বলো, সহর তো সামান্টি কথা, দরকার হ'লে আমি সংসারটা ঘুরে আসবো।

রূপনাথ কহিল—ঠাক্করণের বাপকে খবর দিতে হবে। এ ছাড়া অন্য পথ নাই।

মুখ ফিরাইয়া নন্দলাল বলিল—কিছু দরকার নেই রূপোদা ! ম'রে গেলে, সংকার করবো আমরাই। গায়ে ঢের বায়ুন আছে। তোমার আমার সঙ্গে দিদিঠাক্করণের যে সম্বন্ধ, ঠাঁর বাপের সঙ্গে তা-ও নেই। কেন হায়রণ করবে আমাকে ?

জিভ্কাটিয়া রূপনাথ বলিল—পাগল আর কি ! তুমি তো জানোনা নন্দভাই ! চাটুয়োমশায় যে আমার গুরু। এসব বিস্তে তাঁর কাছেই তো শিখে করেছিলাম। সাপের বিষ ঝাড়া মস্ত চাটুয়োর চেয়ে এ তল্লাটে 'কেউ ভাল জানে না। পাকা ওস্তাদ !

.বিস্মিত নন্দলাল ও গয়লাবউ—রামী, একসঙ্গে বলিয়া উঠিল—কে ? কিশোরী দিদির বাপ ?.....

## কিশোরী

—হ্যাঁ হ্যাঁ তিনিই ।

নন্দলাল হাতের লাঠিখানা আশু আশু বার তিন চার মাটিতে  
ঠুকিয়া কি ভাবিল, তারপর একটা কথাও না বলিয়া শরীরের সমস্ত  
শক্তি নিয়োজিত করিয়া দিল—পশুপতি চাটুয্যেকে গাজলপুরে  
আনিবার জন্ত ।

.....পূর্বাংশে শুকতারা জন্ জন্ করিতেছিল । তাহারই পানে  
চাহিয়া চাহিয়া রামী ভাবিতে লাগিল—মাতৃগর্ভ হইতে জন্মলাভ করিয়া  
এই হতভাগিনী তরুণী, বিশ্বের ছয়ারে শুধু নির্ধ্যাতনই লাভ করিয়া  
আসিয়াছে—কখনো মানুষের হাতে, কখনো বিধাতার বিধানে ! পৃথিবীর  
মুখ সে কখনও দেখিতে পায় নাই । আজ হয়তো মরণ তাহার হৃদয়  
নির্নাদে এই অভিশপ্ত আত্মার চির সদগতির জন্ত আশে পাশে  
অপেক্ষা করিতেছে, কিন্তু ইহজীবনের অপূর্ণ সাধ-আকাঙ্ক্ষা তার অপূর্ণই  
রহিয়া গেল ।

প্রাতঃকাল হইল । সিধু চক্রবর্তী সর্বপ্রথমে কিশোরীর বাড়ীখানায়  
চোখ বুলাইয়া লইয়া, গ্রামের বুড়ো বটগাছের তলায় আসর জাঁকাইল—  
ওহে সব শুনেচ ?—কিশোরী ছুঁড়ী পালিয়েছে !

সভায় হৈ চৈ পড়িয়া গেল !—তাই তো বলি ! ঐ ভাঙা ভূতো বাড়ী  
খানায় একা একা ছুঁড়িটা কোন্ সাহসে রাত্ কাটাতে !

সিধু কহিল—কাল রাত্তিরে বখন পালায়, আমি টের পেয়েছিলাম ।  
জিজ্ঞাস করলাম—এত রাত্তিরে কোথায় যাচ্ছিস্ ?.....জবাব দিলে—  
তোঁরা সাপে কামড়ে দিয়েছে, তাই রূপো হাড়ীর কাছে ওমুখ আন্তে  
যাচ্ছি।...

## কিশোরী

সকলে কহিল—উঃ—পেটে পেটে শয়তানি মতলব !

একজন বলিল—ঘরখানা বুঝি খোলা প'ড়ে রয়েছে ?

সিধু কহিল—খোলাই ছিল, আমি শিকলটা টেনে দিই এসেচি।...  
যাই থাক, একটা মাটির ভাঁড় থাকলেও সে পশু চাটুষ্যের কাজে  
লাগবে। দোষ ঘাট যা করুক—তবু পশুপতি তো এই গাঁয়েরই মানুষ  
হে !.....যাক্ ছুঁড়ী নিজের পথ নিজেই বাছাই করে নিলে। বাপে যখন  
সত্যি সত্যিই দেখলে না, তখন কি আর করে ?

একজন ভাবিতে ভাবিতে বলিল—কিস্তু চোঁড়া সাপটা কি আকলে  
কামড়ালে ?.....পশু চাটুষ্যের মেয়ে,—তার গায়ে সাপের কামড় !.....  
বাপ যার মস্তরের জোরে হাজার সাপকে নাচাতে জানে !

ইচ্চাকৈই বলে—আশ্চর্য্য ব্যাপার ! কথার শেষ রেশটুকু শেষ হইতে  
না হইতেই স্বয়ং পশুপতি চাটুষ্যে সভাস্থলে উপস্থিত হইলেন। সভাসভা  
লোক পরস্পরের মুখ চাওয়া চায়ি করিতে লাগিল।

সিধু সম্বন্ধনা করিল—কি হে পশু বাবু যে !.....এতকাল পরে পথ  
ভুলে নাকি ?.....এটা যে গাজল পুর ! এখানে এমন ভাবে হঠাৎ  
আসা—এ যে স্বপ্নেরও অগোচর !

পশুপতি কহিলেন—কি আর করি ?...মেয়েটার জন্তেই আসতে হ'ল।  
...নন্দ গয়লার মুখে খবরটা শুনেই উর্দ্ধ্বাসে ছুটে আস্চি। এখন ভালয়  
ভালয় ফিরিয়ে আন্তে পারি, তবেই মঙ্গল।...শুন্লাম সঙ্কটের অবস্থা !

—আর অবস্থা !.....দেহ পচতে শুরু হ'লে, সে অংশ বাদ দেওয়াই  
মঙ্গল। ফিরিয়ে এনে কাজ কি পশু ?...যে গেছে, তাকে যেতে দেওয়াই  
যুক্তির কথা।

## কিশোরী

পশুপতি কথার জবাব না দিয়া চলিয়া যাইতেছিলেন, সিধু বাধা দিয়া কহিল—তাকে আর এ তল্লাটে পাওয়া যাবে না পশু! বিশেষতঃ গাজলপুরের বৃকে ব'সে...আমরা থাকতে...

ইহারই মধ্যে নন্দলাল আসিয়া বলিল—এখানে ব'সে আড্ডা জমিয়েছ ঠাকুর?.....মেয়েকে নিয়ে যমে মানুষে টানাটানি হচ্ছে, আর বাপ তুমি, কতকগুলো গুলীখোরের সঙ্গে—

—চোপু...ব্যাটা গয়লা কাঁহাকার!

নন্দলাল ক্রকুটী করিয়া বলিল—অল্প সময় হ'লে হাস্তাম। কিন্তু এখন তার সময় নয়।.....নন্দ গয়লাকে আজ্ঞা বুঝতে যদি বাকী থাকে ঠাকুর, তা হ'লে ঘণ্টা খানেক সবু বরো,—কিশোরীদিদির জ্ঞান-টুকু ফিরে এলেই, আমি নিজে এসে তোমাদের সঙ্গে ভালরকম পরিচয় করবো।

সিধু কহিল—কিশোরী কোথায়? তোদের বাড়ীতে?...কোথেকে ধ'রে নিয়ে এলি?...বামুনের কাছে বিধি ব্যবস্থা না জেনে, ঘরে জায়গাই বা দিলি কেন রে—নাবালক গয়লা?

হাতের লাঠিটা অনেকখানি উঁচু করিয়া তুলিয়া, নন্দলাল বলিল—মুখে মুখে সব লাগাম দাও ঠাকুর!—আমার নাম নন্দলাল, জাত গয়লার ছেলে। লাঠি খেলার শিষ্য আমার এই বয়েসে অনেক আছে। তারপর পশুপতিকে কহিল—আসবে কি আসবে না গো? ওই ছোটলোক ভদ্র লোকগুলো দিনকে রাত ব'নিয়ে দিতে পারে। ওদের কথা যদি শুন্তে সাধ হয়, ফিরে এসে শুনো।

## কিশোরী

পশুপতি যাইতে উত্তত হইয়া মাত্র, সিধু বলিয়া উঠিল—মোচলমানের সঙ্গে বেরিয়ে গেছলো কাল।—আমি স্বয়ং সাক্ষী!

লাঠিগাছটা ঠিক সিধু চক্রবর্তীর মাথার উপর তুলিয়াই, নন্দলাল ক্রোধবেগ সম্বরণ করিয়া লইল। কহিল—ঠাকুর! সত্যি বলছি, তোমাকে ধুন করলে, জীবনের সমস্ত পাপ আমার ধুয়ে যাবে। তুমি ছনিয়ার পাক্ক শয়তান।.....ফের যদি আমার দিদিকে লক্ষ্য ক'রে, তার বাপের কাছে অকথা কুকথা কহিতে এসো, তা হ'লে ছেলে পিলে নিয়ে ঘর-সংসার করার সাধ, এই লাঠির ঘায়েই মিটিয়ে দেব।.....চলো খুড়োঠাকুর!—আগে দিদিকে আমার বাঁচিয়ে দেবে চলো।

পশুপতি কাহারও কথায় আর কর্ণপাত করিলেন না। বরাবর নিজের বাড়ীর দিকেই যাইতেছিলেন, কিন্তু নন্দলাল বলিল—ও বাড়ীতে নেই।...সে রয়েছে তার বোনের বাড়ীতে।

.....পশুপতিকে লইয়া নন্দলাল যখন বাটা পৌছিল, তাহার কিঞ্চিৎ পূর্ক হইতেই কিশোরীর সংজ্ঞা ফিরিয়াছে।

কিশোরী পিতার পদধূলি লইল। তখনো সে উঠিয়া দাঁড়াইবার সামর্থ্য পায় নাই।

পশুপতি কহিলেন—রূপনাথই ভাল করেছে।.....ভয় নেই আর। আমি তা হ'লে চ'ল্লাম। কাছারীর বেলা হ'য়ে যাচ্ছে।

কিশোরী হুহাতে মুখ ঢাকিয়া কাঁদিয়া উঠিল।...এই তার পিতা!... একটা ভৎসনার সম্ভাষণও যাহার কণ্ঠে জমা নাই।

নন্দলাল বলিল—সত্যি কথা বল ঠাকুর!—তুমি মানুষ কে? রাক্ষস?



## কিশোরী

কিশোরী কঁাদিতে কঁাদিতে বলিল—আজ বাদে কাল মাগের আমার শ্রদ্ধ করতে হবে বাবা !—তুমি তার উপায় করে দিয়ে যাও । আমার যে একটা কানাকড়িও সম্বল নেই আর !

পশুপতি কহিলেন—শাস্ত্রে আছে, বামুর পিণ্ডি দিলেও কাজ হবে । তাতে পয়সাকড়ির খরচ নেই ।

নন্দলাল তাঁর ভাষায় বলিল—দূর হও ঠাকুর ! বেড়িয়ে যাও বাড়ী থেকে ।

## পঞ্চম পরিচ্ছেদ

“জীবন যখন করেছি পণ,  
অপমানে আর কি ডরি।”.....

থানার দারোগা বাবু আপোষে মিটমাট করিয়া দিয়াছিলেন—হয় পশুপতি চাটুঘো কিশোরীকে তাঁহার সহরের বাসায় লইয়া গিয়া ষথারীতি পিতৃকর্তব্য পালন করিবেন, নতুবা গাজলপুরের বাড়ীতেই তাঁহার বাসস্থানের সুব্যবস্থা করিয়া দিবেন। কিন্তু দুঃখের বিষয় এতাবৎ পশুপতি দুইটির একটি স্তম্ভও মানিয়া চলেন নাই।.....

আজ কিশোরীর মাতৃশ্রাদ্ধ।

সিধু চক্রবর্তী পোরাহিত্য করিতে অস্বীকৃত হইয়াছেন। স্নানান্তে রামমণির দেওয়া নববস্ত্র পরিধান করিয়া, কিশোরী ভগ্নকুটারের দাওয়ার বসিয়া রোদন করিতেছিল।

গয়লাবউ রানী আসিয়া কহিল—গালে হাত দিয়ে ভাবচো কি দিদি-ঠাক্কণ? এর পর বেলা হ'লে সাম্লাবে কেমন করে? চকোস্তিঠাকুর এসেছিলেন?

‘ চোথ মুছিয়া, ধরাগলায় কিশোরী বলিল—তিনি আসবেন না.  
গয়লাবউ!

—কেন?

## কিশোরী

—আমার অপরাধ হ'য়েচে ।

—কি অপরাধ ?

—তা বলেন নি । নন্দা নাকি সব জানে । কিন্তু তুইও কি জানতে পারিস্নি গয়লাবউ ?... অপরাধ জানতে পারা যায় না, অথচ সামাজিক বিচারে আমার উচিত দণ্ড পাওনা হ'য়ে গেল ?

রামা নীরবে বসিয়া রহিল ।...ব্রাহ্মণের সামাজিক বিধান, গয়লানীর তাহাতে কথা বলিবার কি-ই বা ছিল !

কিশোরী জিজ্ঞাসা করিল—নন্দা কোথায় রে ?

—সহরে গেছে যোগান দিতে ।...কেন ?

—যদি আর কোথাও পুরুৎ পাওয়া যেত, বাবার হুকুম মত শাস্ত্রের কথাটাই পালন করতাম । অভাগী মাকে একটা বালুর পিণ্ডিও দিতে হবে তাই !.....আমার বাবার আদেশ, নিশ্চয়ই মা স্বর্গ থেকে তৃপ্তি পাবেন ।

ইহারই মধ্যে নন্দলাল আসিয়া পৌছিল ।

রামা কহিল—ব্যাপার শুনেছ ছোড়্ দা ?—গায়ের কেউ আসবে না । সিধু চক্কোত্তি পুরুতের কাজ করতে রাজী হয়নি ।

গম্ভীর হইয়া নন্দলাল বলিল—সে আমি জানতাম । কিন্তু দিদিঠাক্করণ !—তোমার আর কোনও হুকুম আছে ? পুরুৎ চাই ? চলো ঐ ব্যাটা সিধে ঠাকুরকেই গলায় গামছা দিয়ে টেনে আনি ।

ভাড়াভাড়ি কিশোরী বলিয়া উঠিল—কদাচ ও কথা মুখে এনে না দাদা ! আমি গরীব, মায়ের শ্রাকটা যেন পও না হয় । যদি হাতে পায়ের ধরলে আস্তেন, আমি তাই করতাম ।

## কিশোরী

নন্দলাল উত্তেজিত হইয়া বলিল—সে সব দিন অনেককাল চ'লে গেছে দিদি !...এখন তোমার হুকুম কি তাই বলা ।

কিশোরী বলিল—হুকুম নয় দাদা !—সাধ,—যদি বাবাকে একবারটি আনতে পারো !...মাথা গরম করবার সময় এ নয়, যেমন করে পারো তাঁকে নিয়ে এসো দাদা ! বাবা না এলে, আমার আপন ইচ্ছায় কোন কিছুই করা উচিত হবে না ।

নন্দলাল অকস্মাৎ গম্ভীর হইয়া গেল । কহিল—তোমার কপালে বিস্তর দুঃখ আছে কিশোরী দিদি ! খুড়ীঠাকুর ম'রেও খালাস পেলেন না । অত বড় মেয়ে তুমি, একটা পিণ্ডি পর্য্যন্ত তাঁকে দিতে পারলে না ?...কিছু না থাক, হাত-পা-মুখ চোখ তো ধোয়া যায় নি !...হুকুম তামিল করতে নন্দ গয়লাও যে-আজ্ঞের চাকর হ'য়ে হাজির রয়েছে !...মাঝখান থেকে বেচে অপমান নিয়ে—কি হবে তোমার ? খুড়ীঠাকুরকে আর সাধাসাধি করতে যেয়োনা, কাজ হাঁসিল হওয়া দূরের কথা, এলেই সব পণ্ড হয়ে যাবে—এ আমার সব চেয়ে সত্যি কথা ।

কিশোরী বলিল—কাজ আমার একার নয় নন্দ-দা, তাঁরও । পণ্ডই যদি হয়, তো আমারই কি একলার পণ্ড হবে ?...আমার সব চেয়ে বড় অনুরোধ,—তাঁকে যেমন করে পারো একঘণ্টার তরেও গাজলপুরে নিয়ে এসো ।

হাতের লাঠিখানা নামাইয়া রাখিয়া, নন্দলাল কহিল—রামী ! দিদি-ঠাকুরের ঘর থেকে একটুখানি তেল দে তো, মাথাটা ডুবিয়ে আসি ।

রামী কহিল—সহর থেকে ফিরে এসে মাথা ডুবিয়ে ।...ত তাড়াতাড়ি পারো ফিরে এসো গে ।

## কিশোরী

নন্দলাল ঘাড় নাড়িয়া বলিল—না না, মাথাটা এমনিতেই গরম হ'য়ে রয়েছে। যেখানে যাচ্ছি,—ঠাণ্ডা না হ'য়ে গেলে—উন্টো ফল ফলবে।... কিন্তু ভয় নেই দিদি ঠাকুর! নন্দগয়লা বোকা হলেও, কাজ পণ্ড করা তার স্বভাব নয়। যেমন করে পারি খুড়োঠাকুরকে আমি নিশ্চয়ই নিয়ে আসবো। কিন্তু খোসামুদীর পালা গাইতে গিয়ে রক্তাক্তির পালা গেয়ে না ফেলি—এইটুকুই আমার বেশী ভাবনা হচ্ছে।

কিশোরী সশঙ্কিত হইয়া বলিল—আমিও ঠিক ঐ কথাটাই ভাবছিলাম দাদা! সর্বদার জন্তে মনে রেখো—তোমাদের কিশোরীর তোমরা ছাড়া কেউ নেই, আর ত্রিসংসারে তার মতন অভাগাও কেউ জন্মায়নি। নইলে চিরজীবন জলেপুড়ে থাক হ'য়ে, মরণে শাস্তি পেলে যে মা,—সেই মায়ের উদ্দেশে একটা শ্রদ্ধার পিণ্ড দিতেও পদে পদে বাধা পাচ্ছি আজ!

নন্দলাল ভাবিতে ভাবিতে চলিয়া গেল।.....

ছইচারি পা চলিতে না চলিতেই তাহার সর্বপ্রথমে সাক্ষাৎ মিলিল—সিধু চক্রবর্তীর। কহিল—কি ঠাকুর!...ভা-রি আরাম পাচ্ছ—না? প্যাপের বুলিটা, মিছিমিছি ভা-রি করে লাভ কি হচ্ছে ঠাকুর? পরকালের ভাবনা জাত গয়লারে ঢের থাকে, কিন্তু বামুন পণ্ডিতদের কি মোটেই থাকতে নেই?...স্বর্গবাস বুঝি তোমাদেরই একদম একচেটে?...পাপই কর আর চুরিডাকাতি খুন-জখমই কর, তোমাদের বুঝি সাতখুন মাপ?

সিধুঠাকুর সান্তিশয় বিরক্ত হইয়া কহিল—সকালবেলায় বাজে কণার দরকার নেই।.....যেখানে যাচ্ছি।

## কিশোরী

নন্দলাল লাঠিখানা বাঁহাত হইতে ডান হাতে ধরিয়া বলিল—ই্যা বাচ্ছি,...দাঁড়াবার আমার মোটেই সময় নাই। বাচ্ছি পশুচাটুঘোর কাছে। কিন্তু তোমার সঙ্গেই আমার বেণী দরকার ঠাকুর !.....ফিরে এসে যেন দেখতে পাই—খুড়ীঠাকুরের ছেরাদ-শাস্তির মাঝামাঝি শেষ হ'য়ে গেছে।...কিশোরী দিদি তোমার জন্তেই ব'সে রয়েছে, শীগ্গীর যাও—হাতাহাতি উষাগ পস্তর সেরে ফেলো গে। ষতই হোক, দিদি-ঠাকুরের কতই বা বয়েস।

ফুলের সাজিটা ডানহাত হইতে বাঁ হাতে লইয়া, ডান হাতখানা নাড়িতে নাড়িতে সিধু কহিল—মুখখানায় মহা ব্যাধি হবে। পচে থসু থসু ক'রে চামড়াগুলো খুলে যাবে।...ব্যাটা ছোট লোক, ষত বড় মুখ নয় তত বড় কথা !

নন্দলাল অকস্মাৎ বিনীতভাব ধারণ করিল। কহিল—পা'র ধুলো চাটতেই তো এই ছোট জাতের জন্ম হ'য়েচে চক্কোত্তি মশায় ! খালি তোমরাই মাঝে মাঝে মাথা ধারাপ ক'রে দাও, নইলে জাত গয়লা নন্দলালের সাধি। কি যে সিধুঠাকুরের স্নুখে লাঠি হাতে দাঁড়ায় ! কিন্তু আর তো আমার দাঁড়াবার অবকাশ নেই, সহর থেকে একুনি ঘুরে আসতে হবে।...তা হ'লে দয়া করে যেয়ো ঠাকুরমশায় ! কিশোরীদিদি তোমাদেরই তো আপনার লোক...

সিধু চক্রবর্তী আপন মনেই বকিতে বকিতে চলিয়া যাঠতেছিল—গীয়ের বুকে ব'সে যা ইচ্ছে তা-ই করবে,—আমি পা ধুতেও যাবো না সেখানে। এ কি যেমন তেমন দোষ না কি ?

নন্দলাল আরক্ত মুখে ফিরিয়া বলিল—ভগবান তার বিচার করবেন।

## কিশোরী

তুমি আমি কে ?.....একটা শেষ কথা তোমায় ব'লে যাচ্ছি ঠাকুর ! যদি না যাও, ফিরে এসে কিশোরী দিদির বাড়ীতে যদি তোমায় না দেখি, তা হ'লে ঐ বেলের মত মাথাটা ভাঙতে গিয়ে আমার এতকালের পাকা লাঠিখানাও যদি ছুটুকরো হয়—তবু ছঃখু ক'রবো না। বস্—এই আমার পট্টাপট্টি কথা রইলো।...বলিয়াই আর সে অপেক্ষা করিল না।

পথের মাঝখানে দাঁড়াইয়া দাঁড়াইয়া সিধুচক্রবর্তী ভাবিল—এই মূৰ্খ অপদার্থ নীচ জাতিটার উচ্ছেদসাধন করিতে হইলে কিরূপ অস্ত্রের প্রয়োজন !...অস্ত্রাশ্রয় সহযোগীর সহিত পরামর্শ করিবার জন্ত ভাবিতে ভাবিতেই সে বাটার দিকে চলিয়া গেল।

\* \* \* গ্রামের ব্রাহ্মণদলের এই অযথা কটুক্তির জন্ত কিশোরী এতটুকু মূশ্ড়িয়া পড়ে নাই। সে যেন আপন চরিত্র-মহিমায় আপনি উন্নত। বাহিরের প্রচণ্ড কোলাহলকে সে গ্রাহ্যের সীমায় আনিতে চাহে না। শতছিন্ন বসনে লজ্জা নিবারণ করিয়া, আপন জীর্ণ কুটিরের মাঝে অনশনে থাকিয়া, তিলে তিলে, বিন্দু বিন্দু শোণিতক্রয়ে সাধ-কামনাময় জীবনের ভীষণ অবসান করিয়া দিবে সে, তবু স্বার্থলোলুপ অবিখ্যাসীজনের কপট স্নেহ-ছায়ায় আশ্রয় মাগিবে না !...

রামমণি আজ ভোরবেলা হইতেই কিশোরীর সঙ্গ ছাড়ে নাই। গ্রামের লোকের এই অতি বড় অন্ত্রায়ের বিরুদ্ধে কিরূপ প্রতিবাদ করা যায়— তাহারই পরামর্শ চাহিবার জন্ত, যখন সে কিশোরীর নিকট প্রসঙ্গ উত্থাপন করিল, তখন স্থিতমুখে শাস্তভাবে আনিয়া কিশোরী বলিল—তাদের কাজ তার ককক্, আমার পথ থেকে আমি কিছুতেই স'রে যাবো না ভাই। আমি শুধু একটা কথা জানি,—মনের বলই সবচেয়ে বড়। আমি

## কিশোরী

ম'রবো, জগৎ থেকে লুপ্ত হ'রে যাবো, তবু পরের দোরে হাত বাড়ারো না, পরের তরে ভীত হবো না।

রামী ক্রম হইয়া বলিল—কিন্তু আমাকে আর পর ভেবোনা দিদি-ঠাক্করণ! আমার তো আপন ব'লতে ভূ-ভারতে কেউ বেঁচে নেই। বলিতে বলিতে রামীর ছটা চক্ষু অশ্রুর কুহেলীতে ঝাপসা হইয়া আসিল।

স্নান হাসি হাসিয়া কিশোরী বলিল—তুই এমন বোকা!...হাঁরে কতদিনই তো ব'লেচি,—আপন ব'লতে তধু তোরাই রয়েছিস।...আজ কেন, বরাবরই ভেবে রেখেচি, সাহায্য যদি নিই তো তোদের কাছ থেকেই আমি আপন মুখে চেয়ে নেব। এই তো কত জিনিসই তোরা দিচ্ছিস। ...সে দিন সাপের কামড়ে মরতে ব'সেছিলাম—কে আমার বাঁচিয়েছিল? ওরে রামী! ভগবান যদি দীনের বন্ধু হন, তা হ'লে তোদের মধ্যেই তিনি দীনবন্ধু হ'রে আমার সামনে র'য়েচেন।

উদয়ের কথাবার্তার মাঝখানে, চার পাঁচজন গয়লা ভারে ভারে ছধ ও ক্ষীর ছানা মাখন ইত্যাদি লইয়া হাজির হইতেই, বিস্মিত কিশোরী বলিয়া উঠিল—এসব কি গয়লাবউ?...জানিস আজ কত কচি ছেলে না খেয়ে কেঁদে কেঁদে সারা হবে? কত আকিঞ্চোর হাই তুলে তুলে 'মরণ হোক তো বাঁচি' ব'লে তোকে অভিসম্পাত দেবে? এ তোর অস্তায় হ'য়েচে, রামী! নিরে যেতে বল। শ্রদ্ধ করবার পুরুৎ নেই, ছধ ছানার কি দরকার?

গয়লাবউ কখন যে গয়লাদের বাইতে ইঙ্গিত করিয়াছে—কিশোরী তাহা মোটেই টের পার নাই। সে দেখিল—পাড়ার ছ পাঁচটি ছেলেরে



## কিশোরী

এবং ছুধ ছানার হাঁড়িগুলিই প্রাচ্যনে বর্তমান। দাওয়ার বসিয়া শুধু  
সে নিজে এবং তার ছুধ-সজিনী রামী।

গয়লাবউ কহিল—চলো দিদিঠাক্করণ, ছ'জনে হাতাহাতি হাঁড়িগুলো  
ঘরে তুলি।... বামুনের ভোগ হবে, যদি কিছুতে মুখে ঠেকিয়ে ফেলে!...

ক্ষীণ হাসিয়া কিশোরী বলিল—বামুনের ভোগ তো হবেনা রামী,  
যদি হয় তো, যারা বামুন নয় তাদেরই হবে। এখানকার বামুনদের মাঝ  
বজায় রাখতে আমরা যে জানিনে ভাঙ!

কিছু ভোগ কাহারও হইল না। নিয়তিই সকল সমস্তার সমাধান  
করিলেন :—

পাড়ার চার পাঁচটি ডাঙ পিটে ছোকরা খানকতক লাঠি হাতে ছুটিয়া  
আসিয়া মাতীর পাত্রগুলি ভাঙিয়া দিল। তাহাদের দ্রুত পলারনের সঙ্গে  
সঙ্গে সমস্ত প্রাঙ্গণটা তখন ছ'গুর স্রোতে সাদা হইয়া গেছে!

কিশোরীর মুখখানার ঈষৎ ভাবান্তর হইল মাত্র, কিন্তু রামমণি  
উত্তেজিত হইয়া উঠিয়া দাঁড়াইল। কহিল—তোমার থাকবার ঘর নেই,  
জল খাবার ভাঁড় নেই, লজ্জা ঢাকবার একখানা হেঁড়া বাকল অবধি  
নেই, তাই তোকে পথের কুকুরে কামড়াতে আসে। কিন্তু আমি এ সইবো  
না কিশোরী, আমার কিসের অভাব? আর কিছু না থাক—যতদিন  
ছোড় দা আছে, ততদিন আমার সব আছে; আমি দেখবো—এ কান্দ  
কেন করলে।

কিশোরী হাত ধরিয়া রামীকে নিকটে বসাইল। শান্ত অথচ  
দৃঢ়ভাবে কহিল—ওরে রামী!—ছোড় দা কি খালি তোমাই একার?—  
আমারও সে দাদা হয়। কিন্তু কপালের লেখা!—এর আর ধওন নেই

## কিশোরী

ভাই! যার অমন বাপ, বেঁচে থাকতে চোখের দেখা দেখলে না,—  
তার চেয়ে পোড়া বরাত কার হ'তে পারে? আমার চোখের জলে দরিয়া  
তৈরী হচ্ছে,—ওরা সেই দরিয়ার বুক মনের সুখে সাতার দিচ্ছে,—  
ভগবান বুঝি এইটুকুই চেয়েছেন।... বলিতে বলিতে সহসা কিশোরী দুটি  
হাতে মুখ ঢাকিয়া অন্তঃ আর্তনাদ করিয়া উঠিল—উঃ বাগো—আর  
কত সয়? কত সহিতে বলো আর?

রামী তখন উচ্চ চীৎকার শুরু করিয়াছে,—গাঙ্গলপুর ধু ধু করে  
জলবে!—আমার ভিটে-মাটি উচ্ছন্ন থাকুক—তবু আমি দেখবো—কত  
লোকের কত ধনদৌলত আছে!

কিশোরী কথা কহিল না। বোধ হয় তাহার আর্ত ব্যথাহত অন্তর,  
বিশ্বনিয়ন্ত্রার দরবারে অসুযোগ করিতেছিল—হে জগদীশ্বর! সমুদ্রের  
মাঝে বিছানা পেতে রেখেচি,—শিশির-কণায় আমার কতটুকু ভয়?  
সুবিচার যদি না কর,—বিচারপ্রার্থী হ'য়ে বিচারকের বিরুদ্ধে কি  
করবো আজ?

## ষষ্ঠ পরিচ্ছেদ

“তোমায় নেয় না কেন ধম”.....

সমস্ত রাত্রির মধ্যে প্রায় পাঁচ ফ্রোশ পথ হাঁটাইয়া, তোমার দিকে পশুপতি চাটুযোর গাঢ় নিদ্রা আসিয়াছিল।

আজ তিন দিন যাবৎ সৌরভী বাসায় নাই। সহর হইতে চার পাঁচ মাইল তফাতে, তাহার মায়ের বাড়ী চলিয়া গেছে,—চাটুযো তাহাকে ফিরাইয়া আনিবার জন্য সমস্ত রাত্রিটাই হাঁটাইয়া করিয়াছেন। একবার যাওয়া, পুনরায় ফিরিয়া আসা, সেখানে বসিয়া বসিয়া কৰ্মকাণ্ড-উদ্ভিতার পদনেবা করা—বড় যেমন তেমন ব্যাপার নয়।...ক্রান্তিতে অবসন্ন হইয়াই এই প্রগাঢ় নিদ্রা।...বাড়ীখানা রৌদ্রে জাসিতেছিল।

নন্দলাল সদর দরজায় ধাক্কা দিয়ে ডাকিল—খুড়োঠাকুর! শীগ্গীর দোর খুলে দাও।

কিন্তু খুড়োঠাকুরের ঘুম ভাঙিল না।.....বার কতক ধাক্কা দিয়া ডাকাডাকি করার পর, নন্দলাল অতিষ্ঠ হইয়া দরজার অর্গলটা ভাঙিয়া ফেলিল।.. কিশোরী আজ সত্যসত্যই বিপন্ন, এ ছেন বিপদে সহানুভূতি দেখাইবার শক্তি শুধু পশুপতিরই আছে, সুতরাং নন্দলাল বিলম্ব সহিতে না পারিয়াই এই ব্যবস্থা করিয়াছে।

বন্ধ কক্ষদ্বারে আঘাতের পর আঘাত করিবার ফলে, পশুপতি জাগ্রত হইলেন এবং ঘরে থাকিয়াই ব্যস্ততার সহিত কহিলেন—কে

## কিশোরী

সৌরভী ?...এই যে খুলচি দাঁড়াও !.....তারপর দরজা খুলিতেই সম্মুখে  
কালান্তক যমের মত নন্দলালের বিশাল আকৃতিটার পানে চাহিয়াই  
হুই পা পিঁছাইয়া আসিলেন । তারপর সংযতকণ্ঠে কহিলেন—ও—  
নন্দলাল !.....কেন বল তো ?—এত সকালে কি মনে করে ?  
নন্দলালের এত বেশী ক্রোধ হইতেছিল—ইচ্ছা করে—হাতের লাঠিখানা  
পশুপতির মাথায় বসাইয়া দেয় !.....স্ত্রীর শ্রদ্ধের কথা কি এই স্বধর্ম  
ভ্যাগী কাপুরুষের এতটুকু স্মরণ নাই ! কহিল—একুণি আমার সঙ্গে  
গাজলপুর যেতে হবে । হৈরী হও !

দারোগাবাবু শাসাইয়া দেওয়ার পর হইতে, পশুপতি নন্দলালকে মনে  
মনে যথেষ্ট ভয় করিতেন, এবং বাহিরেও অনেকখানি সংযত ও ভদ্রভাবে  
কথা কহিতেন । বলিলেন—হঠাৎ গাজলপুরে !—কেন ? কিশোরী ভাল  
আছে তো ?

নন্দলাল আরো রাগিয়া গেল । কিন্তু সংযত হইয়া বলিল—কিশোরীর  
আর থাকা থাকির নাম কি আছে খুড়োঠাকুর ! মাথার ওপর ঘাট  
লাখোলাখ সাপে ছোবল দিতে শুরু করেছে, তার বেঁচে থাকবার  
ভরসা কোথা ? পরাণটুকু গলার কাছে ধুক্ ধুক্ করছে,—তুমি বাপ  
—যেহেতু হুঁচিরে দাও গে । টুটিটা জোরে টিপে ধরলেই হতভাগীর  
সকল জালা জুড়িয়ে যাবে ।.....এখন মুখ ধুয়ে, চলো—আমার দাঁড়াবার  
সময় নেই ।

মুখখানা আঁধার করিয়া পশুপতি বলিলেন—আমারও যে মহাবিঃম  
নন্দলাল !.....দেখ্‌চো না—বাড়ীঘর খাঁ খাঁ করছে ? আজ তিনচার  
দিন সৌরভী রাগ করে যা'রের বাড়ী পালিয়েচে । কাল সারারাত

## কিশোরী

হাঁটাইটি করেও তাকে আন্তে পারি নি।.....আজ আর কাছেরী  
'বাবো না,—একুণি রওনা হ'তে হবে।

—কোথা ?

—সৌরভীর মায়ের বাড়ী। আজকে আসবে ব'লে কথা দিয়েচে।  
যদি না যাই, তা হ'লে রেগে আশুন হ'য়ে উঠবে।

নন্দলাল উদ্বেজিত হইয়াই, যুক্ত মনোভাব সংবরণ করিয়া লইল।  
বলিল—রাগ ভাঙানোর চের সময় পাবে খুঁড়োঠাকুর, কিন্তু আর মাথাখুঁড়ে  
যরলেও আজকের দিনটুকু ফিরে পাবে না। কিশোরী দিদি শুধু তোমার  
শরসাতেই এখনো বেঁচে আছে।

পতুপতি ঈষৎ বিরক্ত হইয়া কহিলেন—কিন্তু আমার তো  
এখন সময় হবে না বাপু! যে লোকের পরে আমি দশজনের  
কাছে দাঁড়াতে পারি, সেই সৌরভী যদি রাগ করে এ মুখো না হয়,  
তাহ'লে আমার তো বা হবার তা হবেই, ভবিষ্যতে কিশোরীও খেতে  
পাবে না। তা ছাড়া বরেন্দ্র হ'ল কত,—এর পর তার বিয়ে খা  
দিতে হবে।

নন্দলাল গম্ভীর হইয়া কহিল—তবু তোমার আক্কেল আছে ঠাকুর!  
—এখনো ভুলে যাও নি যে, মেরের বিয়ের ভাবনা, বাপুকেই ভাবতে  
হয়।.....কিন্তু আজ যে খুঁড়োঠাকুরের ছেরাফ—সে কথাটা মনে নেই  
বুঝি?.....লোকে বলে সৈরভী কামায়ের মেরে, কিন্তু আমার মনে হয়  
সে যোছলমান। তা নইলে—ইঁহর চাল চলনটুকুও তোমাকে  
ভুলিয়ে ছেড়েচে!.....নাও—চলো!—বেলা হচ্ছে।

পতুপতি বলিলেন—তোমরা তো পাঁচজনে রয়েচ নন্দলাল! যাতে

কিশোরীকে ।

যা.হয় করো। আমি এখানেই কামিয়ে মাথা ডুবিয়ে আসবো।.....  
সৌরভীর না আসা পর্যন্ত আমি একটুও স্থির হ'তে পারবো না। মন  
ভাল না থাকলে কি কোথাও যেতে ভাল লাগে বাবা ?

নন্দলাল বলিয়া উঠিল—সৈরভী তোমার সাতপুরুষের ইষ্টি গুরু।...  
পদ্মিনীকে তো না খেতে দিয়ে খেতে মারলে, একটা পিণ্ডি পেলে  
যদি পরকালে তার গতি হয়,—তা-ও তোমার সময়ে কুলোয় না! কিন্তু  
নন্দগয়লার পষ্ট কথা শুনে রাখো ঠাকুর!—যেখানেই যাও, আর  
চামাড়-মেথর-বাগদী-মোছলমান যাকেই ইষ্টি গুরুর মতন মাথায় করে  
ব'য়ে বেড়াও, আজ কিন্তু গাজলপুরে তোমাকে যেতেই হবে।—না  
গেলে দিদি আমার বাঁচবে না।—আমি জোর গলায় তাকে বুঝিয়ে  
রেখে এসেছি—যেমন করে পারি—খুড়োঠাকুরকে আন্বোই।...এখন  
বলো কি করবে ?

পদ্মপতি চিন্তাশ্রিত হইলেন।

নন্দলাল বলিল—দারোগাবাবুর হুকুমটাও অমনি মনে করে দেখ।  
তিনি যা ব'লেছিলেন—একটা কথাও মান্তি করনি। আজ যদি না  
যাও, আমি থানায় গিয়ে বিধি চাইবো। তোমার ধম্মে না হয়, দারোগা-  
বাবুর ধম্মে নিশ্চয়ই বিচার পাবো।

পদ্মপতি বলিলেন—আচ্ছা,—তাই হবে। তুমি এগিয়ে যাও,  
কিশোরীকে গিয়ে বলো—আমি আস্চি।

নন্দলাল হঠাৎ পদ্মপতির পায়ের গোড়ায় হাত রাখিয়া বলিল—  
মাপ করো খুড়োঠাকুর!—তোমার চরণ ছুঁয়ে দিব্যি করছি,—আমি  
একভিলও তোমাকে বিশ্বাস করিনে। জাত গয়লা নন্দলালের যদি

## কিশোরী

নরক বাস হয়, হোক,—আপন ইচ্ছের না যেতে চাইলে, তোমার হাত-  
পা বেঁধে, কাঁধে চাপিয়ে নিয়ে যাবো।

পশুপতির বলিবার মত, সাফাই গাহিবার মত কোন কিছুই আর  
পুঁজি ছিল না। বিশেষতঃ দারোগাবাবুর নামে তাঁর মনের মধ্যে  
এতটুকুও চাতুরী খেলিবার শক্তি আসিল না। বলিলেন—চলো যাচ্ছি।  
কিন্তু তুমি আজ আমার মহা সর্বনাশ করে চ'ললে বাপু!.....আমাকে  
ধনে প্রাণে মেরে দিলে।

হাসিয়া নন্দলাল কহিল—অপরাধ নিয়োনা ঠাকুর!—তোমার না  
বাঁচাই মঙ্গল। এতকাল ধ'রে যা করে এসেচ, আজ তার যা কিছু  
পারো প্রাশ্চিন্তি করো। আনি মুখ্য গয়লায় ছেলে, তবু বলি—জেনে  
রেখো—মাথার ওপর একজন আছে।...তোমাকে খোসামুদী করবার  
এতটুকু লোভ নেই আমার। আজ থেকে, কিশোরী দিদির ওপর  
বাপ হ'য়েও যদি দরদ না দেখাও, তাহ'লে খাতির করা চুলোর যাক,  
—খুন করতেও পেছ পা হবো না আমি। এতদিন খালি কিশোরী  
দিদির কথাতেই কিছু বলিনি। এবার থেকে তার কথাও আর  
শুনবো না। যদি শুনি, তাহ'লে ছশোবার আমার অধম্য হবে।


যাইবার জন্ত প্রস্তুত হইয়া, পশুপতি কহিলেন—কিন্তু সৌরভী  
আমার ভাগ্যলক্ষী, তার বরাতেই—

—চোপু!.....

পশুপতি ভীত হইয়া উঠিলেন। বলিলেন—আচ্ছা বাবা! চলো!—  
কিন্তু বিকেল বেলাতেই আমার ফিরে আসতে হবে। ঘর-বাড়ী সব  
প'ড়ে রইলো। গিন্নী নেই—

## কিশোরী

—আবার !.....গিন্নী নেই.....তোমার শান্তি হচ্ছে—তলে কাঁটা  
ওপরে কাঁটা দিয়ে মাটিতে জ্যাস্ত পুঁতে ফেলা। বলিতে বলিতে হঠাৎ  
কিশোরীর পিতৃভক্তির কথা স্মরণে আসিল। অমনি নরম হইয়া  
নন্দলাল পশুপতির পদধূলি লইতে লইতে বলিল—বামুনকে কুকথা  
বলার দোষ, এই ক'রেই খণ্ডন করলাম।...এইবার চলো খুঁড়োঠাকুর !...  
তার পথ চেয়ে ব'সে রয়েছে।





## সপ্তম পরিচ্ছেদ

“সহিতে দহিতে জনম মম

কে আছে অভাগী আমারি সম...

বাড়ীতে ধুমধাম,—লোকজনের আসা-যাওয়ার বিরাম নাই। সিধু-ঠাকুর পুরাদমে মঙ্গ পড়াইতেছিল। কিশোরী মাতার শ্রদ্ধ করিতেছে।

নন্দলালের পশ্চাতে পশ্চাতে অবিকল চোরের মতই পশুপতি চাটুষ্যে তাঁহার আপন গৃহপ্রাঙ্গণে পদার্পণ করিলেন। যৌবনের প্রথম সন্ধিক্ষণে যে অভাগিনী নারীর সকল ভার মাথা পাতিয়া লইবার সময় জলন্ত হোমানলে আছতি দিয়া মন্ত্র উচ্চারণ করিয়াছিলেন—‘যদি-দং হৃদয়ং মম তদিদং হৃদয়ং তব’—আজ সেই মহাবাক্যের কতটুকু মর্যাদা তিনি পালন করিতে পারিয়াছেন,—এই অনুশোচনার বিকাশ অন্তর মধ্যে আসিয়াছিল কি না,—তাহা তাঁর অন্তর্যামীই বলিতে পারেন না!—অর্দ্ধাঙ্গিনী, সহধর্মিণী—সুখদুঃখভাগিনী যে নারী, আজীবন শত দুঃখের মাঝেও হাসিমুখে স্বামীর মঙ্গল ছাড়া ভগবৎপদে দ্বিতীয় প্রার্থনা জানায় নাই, আজ তাহারই শ্রদ্ধবাসরে হাজির হইয়া পশুপতির প্রাণে আত্মানি আসিল কি না—সে খবর কে বলিবে ?

স্বামী ছিল সকল দিকের সকল রকম তার মাথায় করিয়া। পশুপতিকে

## কিশোরী

দেখিতে পাইয়াই, সে তাড়াতাড়ি পা ধুইবার জল ঠিক করিয়া দিল।  
দাওয়ার বসাইয়া বাতাস করিতে লাগিল।

সিধুঠাকুর অনেক ভাবিয়া, সকলের সঙ্গে যুক্তি-পরামর্শ করিয়াই  
শ্রদ্ধে পৌরহিত্য করিতে আসিয়াছে। না আসিলে যে সর্বনাশ  
হইতে পারে,—ইহাও সে এবং গ্রামের অনেকেই নিশ্চিত জানিত।  
যে হেতু নন্দলালের গোড়ামীকে অবিশ্বাস করিবার উপায় নাই,  
বিশেষতঃ স্বয়ং রামীও চীৎকার করিয়া জানাইয়াছিল—গাজলপুর ধু ধু  
করে জলবে।.....

মন্ত্র পড়াইতে পড়াইতেই এক ফাঁকে সিধু কহিল—পশুপতির কি  
ক্ষৌরকর্ম হয় নি?...সে কি হে?...যাও শীগ্গীর! ছি ছি এ আক্কেলটাও  
রাখতে হয়.....

পশুপতি বাস্তবিকই এইবার অপ্রতিভ হইলেন। সিধুঠাকুরের  
কথার উত্তর না দিয়াই তিনি ঘানের ঘাটে ঘাইবার জন্ত প্রস্তুত  
হইতেছেন দেখিয়া, নন্দলাল কহিল—দাঁড়াও খুড়োঠাকুর!...আমাদের  
বাড়ীখানা একবার দেখে এসেই তোমার সঙ্গে যাবো।

সিধু কহিল—তুমি যাওনা বাড়ী। ও ততক্ষণ কাজ সেরে ফিরে  
আসবে।

তাড়াতাড়ি নন্দলাল বলিল—না না,—ফিরে আসবে কে ব'ললে?...  
খুড়োঠাকুর পালিয়েনা যেন। একলা আজ কিছুতেই ছাড়বো না তোমাকে।

সমাগতদের অনেকেই হাসিয়া উঠিল।

তখন কিশোরীর দুটি চক্ষু অশ্রুর ভারে টলমল করিতেছিল। হাজার  
হোক—তবু সে কণ্ঠা, আর পশুপতি তার জন্মদাতা পিতা।

## কিশোরী

; ...নন্দলাল কিন্তু সত্যসত্যই পশুপতিকে একলা ঘাটে বাইতে দিল না। সে নিজে উপস্থিত থাকিয়া তাঁহাকে যথা কর্তব্য সম্পাদন করাইল।

\* \* \* রামী ও নন্দলালের ঐকান্তিক যত্ন-পরিশ্রমে গ্রামের সকলেই পরিতৃপ্তির সহিত মধ্যাহ্নভোজন সমাপনান্তে গৃহে ফিরিলে, রামী পশুপতির আহারের ঠাই করিয়া দিয়া, কিশোরীকে খাবার দিতে বলিল। তখনও পাড়ার কেহ কেহ উপস্থিত ছিল।

নন্দলাল কহিল—গাজলপুর থেকে সহর তো বেশী দূর নয় খুড়ো-ঠাকুর, তুমি সহরের বাসা উঠিয়ে দাও। কাল থেকে কিশোরী দিদি কাছারীর ভাত রন্ধে দেবে, দিব্যি আরামে খেয়ে, আন্তে আন্তে য়ে।

আহারে বসিয়া পশুপতি বলিলেন—যা হয় হবে।...কিন্তু বিকেলের ঝোঁকে একবারটি বাড়ীখানা দেখে আসবো। জিনিষপত্র প'ড়ে রয়েছে।

নন্দলাল কহিল—থাক না। আমিই দেখে আসবো এখন। যদি ছকুম করো—বরং রাস্তিরটাও সেখানে হাজির থেকে, তোমার জিনিষপত্রের পাহারা দেবো। কিন্তু সত্যি কথা বল্চি,—তোমাকে আর সে মুখো হ'তে দিচ্ছি নি ঠাকুর! এ আমাদের তিন ভাইবোনের এক যুক্তি।

পাড়ার যাহারা উপস্থিত ছিল, তাহারাও একবাক্যে নন্দলালের যুক্তিটাই সমীচিন বলিয়া সিদ্ধান্ত করিল। কিন্তু ভবি ভুলিবার নয়, পশুপতির সেই এককথা—‘বিকলে একবারটি যেতেই হবে।’

কিশোরী একান্ত নম্রভাবে বলিল—তাই নেয়ো বাবা!.....ব'কে ব'কে তোমার খাওয়া হ'ল না যে। বলিতে বলিতে কাছে বসিয়া পিতাকে বাতাস করিতে লাগিল।

পশুপতি আপন মনে আহার করিতেছিলেন, পিতৃগত-প্রাণা জন্ম-

## কিশোরী

কাঙালিনী কন্ঠার প্রত্যাশী মুখখানায় যে কি ভীষণ ঝড় বহিতেছিল,—  
একবার চাহিয়াও দেখিলেন না।

সন্ধ্যার পূর্বে, নন্দলালের একান্ত অনিচ্ছায়, কিশোরী বলিল—  
স্বাস্থিরে কি এ বাড়ীতে থাকবে না বাবা? সহরে যেতেই হবে?

পশুপতির মনটুকু কন্ঠার স্নেহমত্তা লক্ষ্য করিয়া দ্রব হইয়াছিল  
কি না,—সঠিক জানা গেল না। কিন্তু নম্রভাবেই তিনি বলিলেন—  
ঘরবাড়ী খাঁ খাঁ করছে মা!.....যদি চোর ডাকাতির নজর পড়ে, তা  
হ'লে সর্বনাশ হ'য়ে যাবে।

কিশোরী হাতের নখ খুঁটিতে খুঁটিতে মাথা নত করিয়া বলিল—কাল  
সকালেই আবার আসবে তো?.....তারপর ধরা গলাটা পরিষ্কার করিয়া  
লইয়া পুনরায় কহিল—আমার আর ভুভারতে কেউ নেই বাবা! যতদিন  
মা বেঁচে ছিল, যা হোক করে চ'লে গেছে, কিন্তু এখন থেকে.....

পশুপতি কন্ঠার মাথায় হাত রাখিয়া বলিলেন—ভয় কি মা!  
নন্দলাল থাকতে তোমার কোনো বিপদ হবে না। ওকে যেন চটিয়ে  
দিয়ো না। তা ছাড়া আমিও আসবো।

কিশোরী খুব ভয়ে ভয়ে ভয়ে কহিল—কাল সকালেই এসো বাবা!...  
আমাকে আর পারে ঠেলে দূরে রেখ না। আমি বড় হতভাগী।...যখন  
সাপের কামড়েও মরণ হয়নি, তখন বুঝতে পারছি—সহজে মরবো না।  
কিন্তু বাঁচতে গেলে খাওয়া-পরা-ভয়-ভাবনাকে তো ছাড়লে চলে না,  
বাঁবা!.....তা ছাড়া বাপু থাকতে, মেয়ে হ'য়ে, কেমন ক'রে রোজ  
রোজ রামীর কাছে সাহায্য চাইবো?.....তোমার মেয়ে হ'য়ে, তিক্কের  
ঝুলি কাঁধে বেকলে কি তোমারই মাথাটা উঁচু থাকবে বাবা?

## কিশোরী

পশুপতি ভাবিতে ভাবিতে বাটীর বাহির হইয়া গেলেন। কস্তার অস্তুর বেদনার কথা চিন্তা করা দূরের কথা,—তার বিষণ্ণ মুখখানাও একবারটি লক্ষ্য করিয়া গেলেন না।

নির্জন প্রান্তনের ধূলায় লুটাইয়া কিশোরী অপমানাহত বুকখানাকে দাবিয়া বড় কাপাটাই কাঁদিল। ধনজন-বৈভবপূর্ণ বনুক্রুরার বৃকে, আজ সে সকল রকমে কাঙাল—একান্তই অনাথা! পথ-ভিখারীর চেয়েও রিক্ত!

অভিশপ্ত অদৃষ্টের কথা ভাবিতে ভাবিতে অলক্ষ্যে কখন সন্ধ্যা নামিয়া আসিয়াছে, কিশোরী একটুও টের পায় নাই। যখন টের পাইল তখন অনেকখানি রাত্রি হইয়া গেছে।—আজ আর সন্ধ্যাদীপ জ্বালিতেও তার ইচ্ছা হইল না। কিসের জগুই বা জ্বালিবে?—অন্ধকারের অস্তুরে যে জমাট বাঁধা অশ্রুর ভাঙার গোপন করা ছিল, আজ সবটুকুই নিঃশেষে যেন তাহারই চোখের কোণে জমায়িত হইয়া গেছে! মনোমন্দিরের সোপান-চত্বরে ভবিষ্য-ভ্রুংখের দামামা বাজিতেছিল,—অসুখ্যামী দেবতা মানুষের অত্যাচারে অর্জ্বরিত হইয়া রোদন করিতেছিলেন—এই যে খেদ-সমুদ্রের উত্তাল তরঙ্গের মাথায় মাথায় গরলের উৎস উখিত হইয়াছে,—এমন চিরসহিষ্ণু সদাশিব কে আছে,—যে বিশ্বের শিব-কামনার, কণ্ঠায় কণ্ঠায় তাহা পান করিয়া বিশ্ববাসীকে অমৃত উপহার দিতে পারে?

কিশোরীর কণ্ঠ ঠেলিয়া রোদনের সাড়া আসিতেছিল—বাবা! বাবা!—জন্য দিগেছিলে, আজ পালন করার ভার নিলে না কেন? চরণের তলায় আমি এতই কি অপরাধ করেছি, নয়নাশ্রুতে লক্ষ্য দরিয়া তৈরী করলেও তার মার্জনা পাবো না?...ওগো নিষ্ঠুর জনক! ওগো

## কিশোরী

মমতাবিহীন দেবতা!—অযুত জনমের লক্ষ লক্ষ পুণ্যবিনিময়ে,  
আজ দীনা তনয়াকে স্নেহ-ভিক্ষা দাও! একবিন্দু স্নেহ—এতটুকু!  
তোমার স্নেহহারা হ'য়ে একদণ্ডও বেঁচে থাকার সাধ নেই  
আজ!

ইহারই মধ্যে আকাশে মেঘ জমিয়া, ঝুড়ি ঝুড়ি বৃষ্টি নামিয়াছে—  
কিশোরী লক্ষ্য করে নাই। যখন টের পাইল, তখন সর্বাস্ত তার  
অর্ধসিক্ত হইয়া গেছে।.....

উঃ কী ভীষণ ঘুট ঘুটে আঁধার!—ভগ্ন গৃহ-প্রাক্ষণের কাদায় দেহখানা  
মাখামাখি হইয়া গেল—তবুও কিশোরীর একবিন্দু সামর্থ্য নাই যে উঠিয়া  
যায়। সমস্ত দিনের অনাহার, দারুণ দুশ্চিন্তার জ্বালা—দুর্বল মস্তিষ্কে  
শক্তিহীন করিয়া দিয়াছে—আজ আর বিশ্বনাথের দরবারে মৃত্যু ব্যতীত  
অন্য কিছু চাহিবার আকাঙ্ক্ষা নাই।

একটা হারিকেন লণ্ঠন হাতে রামী আসিয়া আঙিনাতেই কিশোরীকে  
লুপ্তিত দেখিল। সাধুনা দিবে কি,—বেচারী নিজেরই কথা কহিতে পারে  
না!.....নারায়ণ!—ভাঙারে তোমার যত দুঃখ কষ্টের স্তূপ সঞ্চিত ছিল,  
সবই কি এই অভাগিনীর অভিশাপ-দগ্ধ অদৃষ্টের জন্ত? ব্রহ্মাণ্ডের  
বিধাতা হইয়া, এ তোমার কী সুবিধান?

স্নেহমিশ্রিত ভৎসনার সুরে রামী কহিল—ঘরে কি একগাছা  
হেঁড়া দড়িও তোমার ছিল না কিশোরী?—গলার বেঁধে মরতে পারিস নি?  
এর চেয়ে যে মরণই মঙ্গল ছিল।

কিশোরী উঠিয়া বসিল। কহিল—হয়তো তাই ছিল রামী! কিন্তু  
কি আশ্চর্য্য ভাই! হাড় কথানা রেণু রেণু হ'য়ে ধুলোর মিশে যাক—তবু



অক্ষতমসচ্ছন্ন রজনাত্রে—কিশোরী !  
( পিতার অসুস্থ সংবাদ পাইয়া ) ।





## কিশোরী

সইখ, কিন্তু মরবার সাহস সকল সময় মাহুবের আসে না। তবে মরতে পারলেই আজ বেঁচে যেতাম রামী!...এ যে বড় আলা! • সহ্য করি কেমন করে?

রামী অল্প কিছু না বলিয়া, কিশোরীর হাত ধরিয়া টানিতে টানিতে কহিল—নাও ওঠো! মন বোঝে না তাই ঘুরে ঘুরে তোমার কাছেই মরতে আসি!...সারাদিন পেটে জলবিন্দু পড়েনি, মরবারই তো দাখিল হ'য়ে রয়েচ। ঘরে চলো—

কিশোরী রামীর কাঁধে ভর দিয়া, ঘরের মধ্যে প্রবেশ করিল এবং একটিও কথা না কহিয়া ভূমি-শয্যার লুটাইয়া পড়িল। আহার অপেক্ষা স্নানবিড় বিশ্রামেরই প্রয়োজন তার অধিক হইয়াছে।

কিন্তু রামী কোন মতেই ছাড়িল না—আহারের জন্ত পীড়াপীড়ি করিতে লাগিল।

কিশোরী কাঁদিতে কাঁদিতে বলিল—কতদিন এমনিভাবে চ'লবে রে?—বাবা পারে ঠেলে ফেলে চ'লে গেলেন, তোরা আর কতদিন খাইয়ে পরিয়ে বাঁচাবি আমাকে? পিপাসা পেলে থাকে জল খাওয়ার জন্তে ঘাটে ছুটতে হয়, তাকে বাঁচিয়ে রাখার ভার নেওয়া তো যেমন তেমন ব্যাপার নয় গয়লাবউ!...আমার কপাল নিয়ে আমিই ভুগ'বো, কাল থেকে তুই আর আসিস নি রামী! নন্দ দা'কেও বারণ করে দিস।

রামী কহিল—এ আর নতুন কথা কি ব'লছো দিদিঠাকরুণ! তনিয়ার নিয়মই এই। পর কি কখনো আপনার হ'তে পারে? নইলে তোমার পা ছটো চোখের জলে ধুইয়ে দিয়ে কত দিনই তো ব'লেছি—রামী গল্পলানীর অভাব কিসের? তার তিন কুলে আছেই বা কে?...

## কিশোরী

বামুন-কণ্ঠের একমুষ্টি পেটের ভাত, সে কি এতই অভাব হবে দিদি?...  
বেশ তোমার যুক্তি তোমারই থাক্। যদি বারণ করো, কেন আসবো?  
—ছোড়দাই বা ঘণ্টায় ঘণ্টায় অপমান সহিতে কি জন্মে হাঁটাইটা  
করবে? মন বোঝে না ব'লেই তো—বেহারার মতন আসি যাই!  
নইলে আমাদের কি?... বলিতে বলিতে রামী কাঁদিয়া ফেলিল।

কিশোরীর মুখে, শত দুঃখের মাঝেও, ঘন অন্ধকারে বিজলী চমকের  
মতই এক টুকরা হাসি দেখা দিল। কহিল—দে তাই দে!—কি  
খাওয়াবি দে! সত্যিই আমি অবুঝ রামী, নইলে বাপ কখনও পারে  
দ'লে পালিয়ে যায়?...কত কথাই না জান্তাম, কিন্তু বাবাকে বুঝিয়ে  
বলবার মত কোন কথাই আমি শিখতে পারি নি দিদি!

তখনও অন্ন অন্ন বৃষ্টি পড়িতেছিল। উঠানে দাঁড়াইয়া সিধু চক্রবর্তী  
হাঁকিল—পণ্ডপতি কি করছো হে? খাওয়া হ'য়েচে?

কিশোরী তাড়াতাড়ি বাহিরে আসিয়া বলিল—বাবা তো নেই  
দাদামশায়! বিকেল বেলাতেই চ'লে গেছেন।

সিধু চক্রবর্তী বাস্তবিকই বিস্মিত হইল। কহিল—বলিস কি রে?  
চ'লে গেছে? তুই কেন বলিনি—আমাকে কার কাছে রেখে যাচ্ছে?  
...ছি ছি...নেহাৎ পণ্ড!

কিশোরী বলিল—দরকার আছে, তাই থাকতে পারলেন না।  
কাল বোধহয় আসবেন। সেখানকার ঘর বাড়ীও দেখা চাইতো?

একটা তীব্র শ্লেষের ভঙ্গীতে সিধু বলিল—কামারের মেরেকে ণক্ষী  
সাজিয়ে যে সংসার তৈরী, তা বাড়ী-ঘরই বটে! কিন্তু তুই আর বাপের  
ভরসা রাখিসনি দিদি!...মা গেছে, বাবাও তোর যাওয়ার মধ্যেই—

## কিশোরী

... তাঁর ভৎসনার সুরে কিশোরী বলিল—রাত ছপুয়ে গালাগালি দেবেন না দাদামশায়! বাবা ছাড়া আমার যে কেউ নেই আর।... আশীর্বাদ করুন—বাবা আমার সুরে থাক।

সিধু নাক সিটকাইয়া, ঘরের মধ্যে ঢুকিল। বসিবার আসন ছিল না, একখানি চ্যাটাই পাতিয়া দিয়া, কিশোরী বলিল—রামী আছে, নন্দ দাদা আছে, আপনারা রয়েছেন, আমার ভাবনা কিসের দাদামশায়! ...বাবাকে দোষ দেওয়ারটা আমি পছন্দ করবো না কিন্তু।

সিধু বিরক্ত হইয়া বলিল—তুমি তো পছন্দ করবেই না। বাপের আদরের ছালা কী-না! কিন্তু দেশের লোকজন যে মোটেই তা মানতে চাইবে না।...পশুপতিকে ব'লে পাঠাস কিশোরী!—ভাদ্র-আশ্বিন-কার্তিক—এই তিনটি মাস পরেই যেন তোর বিয়ে থা দেয়। নইলে গাঁয়ে ঘরে অনাচার চ'লে আমরা তা সহজে পারবো না।...পাড়ায় অনাধার মতন বাস করিস, মমতা হয় ব'লেই সময় অসময় মানিনে—ভাল কথা শুনিয়ে দিই।

রামী গাজলপুরের বধু, স্ততরাং সিধু চক্রবর্তীর সহিত মুখোমুখী কথা কহিল না। নতুবা এই সময় ছ কথা শুনাইয়া দিবার অদম্য বাসনাকে সে কোন রকমেই দাবিয়া রাখিতে পারিত না।

সিধু বলিতে লাগিল—ভুলিস নি কিশোরী, বাপকে ব'লে পাঠাস—বিয়ে না দিলে পড়গাঁয়ের বাস উঠিয়ে তোকে যেন সচরবাসী করে। ...ঘরে ঘরে অনাচার—এ কি ভাল? আর পশুপতি যদি গায়ে না করে, তা হ'লে আমরাই পাঁচজনে কিছু কিছু টাকা তুলে শুভকাজ শেষ করে দেব।...এ তো মন্দ কাজ নয়, বাবুনের কস্তাদার।

## কিশোরী

এমনি সময় হাজির হইল—নন্দলাল ।

সিধু ঠাকুরের শেষ কথাগুলি সে শুনিতে পাইয়াছিল । বলিল—  
কস্তাদার পরের কথা, আগে পেটের দায় থেকে নিশ্চিন্তি হোক ঠাকুর ।  
জোর জুলুম কি যখন তখন মানায় চকোস্তি মশায় ?

সিধু ঠাকুর নন্দলালের ভয়েই কিশোরীর সঙ্গে আত্মীয়তা দেখাইতে  
আসিয়াছিল । ঐ বে সে দিন রামী উঁচুগলায় জানাইয়াছিল—‘গাজল  
পুর ধু ধু ক’রে জলবে’—তখন থেকে তাহার মনে শাস্তি ছিল না ।  
চট্টকে সকল লোকেই দূর হইতে নমস্কার জানায় । তক্তি ভালবাসা না  
থাক্ ততটুকু যখন তখনই মনের মাঝে খোঁচা দিয়া যায় ।

নন্দলালের কথার জবাবে সিধু চক্রবর্তী কহিল—জোর জুলুম কোথায়  
আবার নন্দলাল ? হিত তাকালেও যদি জোর জুলুম তাবো, তা হ’লে  
আর আসবো না ।...বিয়ে না হ’লে সমাজ শুন্বে কেন ?

চটিয়া নন্দলাল বলিল—দেখ ঠাকুর ! আমি জাত গয়লা, ঘোল  
আমার ঘরে হাঁড়ি হাঁড়ি মজুত থাকে, ফের যদি ভণ্ডামী শুরু করো,  
তা হ’লে মাথা মুড়িয়ে ঘোল ঢালবো । সমাজ !.....সমাজ আবার কি  
আছে তোমাদের ?...

এবার সিধু চক্রবর্তী ভয়ানক রাগিয়া উঠিল । ডান হাতখানা নন্দ-  
লালের মুখের কাছে নাড়িতে নাড়িতে কহিল—তুই ব্যাটা গয়লার  
পো, বায়ুনের সমাজ বুঝিস্ ? তোর অধিকার কি—এই নিয়ে কথা  
কইবার ? জানিস পাপ হবে ?

নন্দলাল লাঠি ছাড়া এক পা চলে না । বা হাতের লাঠি ডানহাতে  
লইয়া বলিল—পাপ-পুণ্যের ধার ধারিনি আমি । কিন্তু অন্ডায় দেখলেই

## কিশোরী

লাঠির ঘায়ে আক্কেল দিয়ে দেব ।...তা বেশ তো চকোস্তি মশায়,—দিদি ঠাক্করণের বিয়েটা যদি তোমাদের বোগাড়ে সমাজ থেকেই হ'ল ষায়—তাব লাগিয়ে দাও না। যদি দিতে পারো, তা হ'লে ছশোবার স্বীকার করবো যে, তোমাদের বামুন জাত বিধি ব্যবস্থা জানে। কিন্তু মনে রেখ ঠাকুর !—পশুপতি চাটুঘোর মতামত চাইলে চ'লবে না।

সিধু কহিল—আরে বাপু! লাফাচো কেন? এই তো রাথু ঘোষাল কিশোরীর আশে হাঁ ক'রে চেয়ে রয়েছে। 'হ' করলেই টোপর মাথার ঠাজির হবে। বাঙলাদেশে, মেয়ের বিয়ে নিয়ে মাথা ঘামায় কে? ... তুমি বাপু একটুখানি বুঝে-সুঝে, তোমার ঐ দিদিঠাক্করণটিকেও ভাল ক'রে বুঝিয়ে দিয়ে। মোট কথা কিশোরী যদি মত দেয়, আমি পশুপতির নাম মুখেও আনবো না। নিজে মাথা হ'য়ে দাঁড়িয়ে শুভকাজ শেষ ক'রে দেবো।

নন্দলাল বলিল—রাথু ঘোষাল?—সে তো কাণা!—ছটো চোখই কাণা! বাঁ পা খানা বাতে পজু হ'য়ে গেছে!

সিধু কহিল—কিন্তু ব'য়েস কম। মোটে ত্রিশ কি বত্রিশ।

নন্দলাল জিজ্ঞাসা করিল—ঘোষাল মশায় বিয়ে ক'রে, বউকে কি খাওয়াবে?.....রোজ তো দেখি পেমা বাগ্‌দীর কাঁধ ধরে ধরে আমাদের গোয়ালবাড়ী থেকে একসের আধসের দুধ চাইতে আসে। বলে—চা খাবো বাবা!.....আরে মশায় গয়লা হ'লেই কি তাকে নিরকোঁধ ব'লতে হবে? এক সের দুধের চা?.....কিন্তু একটা কথা শুনে রাখো চকোস্তি মশায়!—তোমরা পাঁচজনে কিশোরী দিদিকে যে দস্তর মতন ভাল বাসো আমি তা মেনে নিলাম, কিন্তু বেশী দরদ দেখিয়েনা। রাথু ঘোষালের

## কিশোরী

যদি টোপর মাথার দিতে সাধ হ'রে থাকে, তো সে অশ্রু জারগায়,  
এখানে নয়।

সিধু কিশোরীকে জিজ্ঞাসা করিল—কি রে তোরও কি এই কথা ?

কিশোরী কঠোর হইয়া উঠিল। বলিল—আমি দেশের লোকের কী  
করেছি যে, সময় নেই অসময় নেই—আপনারা যখন তখন অপমান করে  
যাবেন ?.....এখনো তো হাতঘোড় করে ঝুলি কাঁধে ভিক্ষের বেকুইনি।

সিধু ক্রুদ্ধ হইল না। গম্ভীর ভাবে বলিল—ঐটুকুই শুধু বাকী  
আছে। কিন্তু বুঝে দেখ্ এর চেয়ে ঝুলি কাঁধে নিলে বিন্দুমাত্র মান যায়  
না। গয়লা বাড়ীর ভাতে পেট ভরানোর চেয়ে, বামুনের মেয়ের ঝুলি  
কাঁধে ভিক্ষে করার ঢের বেশী ইজ্জৎ থাকে।

হঠাৎ রামী মুখের ঘোমটা খুলিয়া, সিধু চক্রবর্তীর সামনে দাঁড়াইয়া  
বলিল—আপনারা তো র'য়েছেন, ক'দিন খোঁজ নিতে আসেন ? সাপের  
কামড়ে মরতে ব'সেছিল, ঘরে নোর দিবে শুয়েছিলেন, একবাটি বেরিয়ে  
এসেও 'আহা' ব'লতে পারেন নি ! উন্টে কতকগুলো বিক্রী কথা রটিয়ে  
পাড়ার লোকের কাণভারি ক'রে মজা দেখেছিলেন। গয়লাদের কপাল  
মন্দ তাই কিশোরী দিদি তাদের সাহায্য পারে ঠেলে দেয়। নইলে  
দেখতে পেতেন,—আপনাদের মত দু'দশজনকে ও একহাতে কিন্তে  
বেচতে পারতো।...কিন্তু মিছিমিছি কথা বাড়িয়ে লাভ নেই। বাজে  
কথাকে গুরুতর করতে গেলে গয়লারা তা সহবে না। কিশোরীকে  
অনাথা ভেবে, আর কোন দিন যদি দরদ দেখাতে আসেন, তা হ'লে  
দরদী হ'য়েও অপমানিত হবেন।

সিধু কি একটা বলিতে বাইতেছিল, নন্দলাল বাধা দিয়া কহিল—

## কিশোরী

কথা বাড়িয়েনা ঠাকুর ! জানোই তো—স্বভাবে আমার চোরের লক্ষণ—  
অতি ভক্তি নেই । একটু আগে রাখু ঘোষালের নাম করলে না ?—  
ঠিক তার মতই কাণা করে ছেড়ে দেব । পা ছুটো লাঠির ঘায়ে—

কাণে আঙ্গুল দিয়া সিধু উচ্চারণ করিল—রাম রাম রাম ! উচ্ছ্বসে  
যা ব্যাটা গয়লা ! নরক হোক ! নরক হোক !

তা-হা শব্দে নন্দলাল উচ্চ হাস্য করিয়া উঠিল ।

রামী কহিল—মুণ খামাও ছোড়দা ! নইলে সত্যি সত্যিই নরক  
হবে । যতই হোক—বামুন তো ।

খিনতির সুরে কিশোরী বলিল—আপনার পায়ে পড়ি দাদামশার !  
—আর না খুব হ'য়েচে, এইবার বাড়ী যান ।

সিধু সত্য সত্যই চলিয়া গেল কিন্তু ষাইতে ষাইতে বলিল—কপালে  
তোয় বিস্তর দুঃখ আছে কিশোরী ! সম্মুখে চলিস । সিধু চকোত্তি দশ  
খানা গাঁয়ের পূজো পেয়ে আস্চে, সে ছোট লোক গয়লার অপমান  
হজম করবে না ।

## অষ্টম পরিচ্ছেদ

—“কেন এসেছিলে—কেন চ’লে গেলে,  
য়েখে গেলে—এঁকে চরণ রেখা !”

ভোর হইতে না হইতেই নন্দলাল রোজকার মত কিশোরীর সংবাদ লইতে আসিয়া নির্জন বাড়ীর প্রাঙ্গনে মাথার হাত দিয়া বসিয়া পড়িল। হায় হায় আজ তাহাদের সর্বনাশ হইয়া গেছে!—তাহাদের বড় আপনার কিশোরী দিদি আজ কোথায় গেল? তাহাদের সকলের প্রাণঢালা স্নেহ-মমতা-ভালবাসার বাধন হেলায় ছিন্ন করিয়া, হতভাগিনী আজ কোন্ পুরীতে শাস্তির আশায় ছুটিয়া পলাইল? পাথরের তৈরী শস্ত এই বুক-থানার মাঝে, মহা মূর্খ নন্দলাল এ দুর্কিসহ শোক কেমন করিয়া সহিবে আজ? মার পেটের বোন্ একান্ত স্নেহাশ্রিতা রামীর চেয়ে কিশোরীকে যে একতিলও ছোট করিয়া তাবে নাই সে!—ভগবান! ভগবান! এ কী বজ্রাগ্নির ব্যথা আলিলে আজ!

বাহুজ্ঞান ছিল না, নন্দলাল চোখের জলে বুক ভাসাইয়া রোদন করিতেছিল। নিত্যকার অভ্যাসমত রামীও কিশোরীর বাড়ীতে আসিয়া, কিশোরীকে দেখিল না, দেখিল—সর্বহারা কাঙালের বেশে আঙিনায় গড়াগড়ি দিয়া কাঁদিতেছে—তাহার ছোড়দা—নন্দলাল!

রামীকে দেখিয়া নন্দলাল চীৎকার করিয়া উঠিল—নাই রে, সে আর



## কিশোরী

নাই ! বড় জানিনি, আদর করতে শিখিনি, তাই বুঝ দিদি আমার অভিমানে পালিয়ে গেছে। ওরে রামী, নন্দগয়লা এমন করে তো কারকে মারা দেখায় নি, তবু কেন দিদি আমার না ব'লে পালালো ?

রামী কিন্তু একবারও কাঁদিল না, একবিন্দু চোখের জল ফেলিল না। চোখ দুটি তার শুক—যেন আগুন ফুটিয়া বাহির হইতেছে !... কিছুক্ষণ নীরবে অপেক্ষা করিয়া বলিল—কৈদে কৈদে তো তাকে পাবে না ছোড়দা ! উঠে আমার সঙ্গে চলো। আমি আজ দেখবো—গাজলপুরের লোকে কত বড় শয়তানি শিখেচে ।...এ আর কারুর কাজ নয়, সিধু ঠাকুর পাণ্ডা সেজে, গাঁয়ের লোক দিয়ে তার সর্বনাশ করেছে। তরতো মেরে কোন্ পুকুরের জলে ডুবিয়ে ফেলেচে।

কিন্তু কোন স্থানেই ঘাইতে হইল না। আসামী সিধু চক্রবর্তী নিজেই আসিয়া হাজির হইল।

নন্দলাল হুকার দিয়া উঠিল—বামুনের দেবতাগিরি আর মান্‌বা না ঠাকুর ! একের পাপে দশজনে ভুগ্বে। গাজলপুর পুড়িয়ে ছারখার করবো—আমি ছীপান্তরে যাবো। নইলে শীগ্‌গীর বলো—কিশোরী দিদিকে কোথায় লুকিয়ে রেখেচ ?—সে বেঁচে আছে কি না—

সিধু অতিশয় বিস্ময়ের সুরে বলিয়া উঠিল—কি ব'লছো তুমি নন্দলাল ?—কিশোরী কোথায় ? ভগবানের দিবিয়া, আমি কিছু জানিনে।

নন্দলাল উত্তেজিত হইয়া বলিল—ভগবানের নাম মনে আছে ঠাকুর ? এখনো তার নাম তোমার মুখ দিয়ে বেরুচ্ছে ? বলো তাকে কোথায় লুকিয়ে রেখেচ ?

## কিশোরী

সিধু হাতে যজ্ঞোপবীত জড়াইয়া কাতরকণ্ঠে কহিল—দিবি্য করছি বাবা নন্দলাল ! গরীব বামুন আমি, কিছুটি জানিনে ।

রামী কিন্তু মোটেই বিশ্বাস করিতে পারিল না । কহিল—ভাঙা ঘরের কোণে, হেঁড়া আঁচল বিছিরে, পেট কোলে করে প'ড়ে থাকতো, তবু পরের দোরে হাত পাততে যেত না । এত বড় উঁচু স্বভাব তার ! তাকে বেঘোরে মারলে শাস্তির বোঝা যেমন তেমন হবে না ঠাকুর !...আর যদি একবারে শেষ করে ফেলে থাকে, তা হ'লে এখন থেকে খুলে বলো—অভাগীর মরা দেহটা নিয়ে এসে সংকার করি । বলিতে বলিতে হঠাৎ উচ্ছ্বসিত রোদনের সুরে কহিল—দিদি আমার ! জীবনে একটা দিনও সুখ পাসনি । শেষকালে প্রাণটাকেও বেঘোরে হারালি ভাই !.....ওরে কিশোরী ! কেন কথা শুন্লি নি ? কেন জেদ বজায় রাখতে গিয়ে আপন সর্বনাশ আপুনি ডেকে আন্লি ?

অত্যাচারী শাসকের দণ্ড ধরিয়া সিধু চক্রবর্তী কিশোরীর বিরুদ্ধে দাঁড়ায় নাই, দাঁড়াইয়াছিল—তার স্বভাবের ক্রুরতা লইয়া । পাষণের বন্ধেও আঁচড় লাগে, হিংস্র ব্যাধের মর্মেও কারুণ্যের প্রস্রবণ বহে ! আজ রামীর হৃদয়ভেদী হাহাকারের ছন্দহারা গান, নিয়তির ইঙ্গিতে সিধুর মর্মস্থান স্পর্শ করিল । আহা ! সত্যই তো !—কিশোরীর মত হতভাগিনী এ জগতে কে আছে ? লক্ষ বিশ্বাসীর হ্রসবে দাঁড়াইয়া যে কণামাত্র করুণার প্রত্যাশায় অঞ্জলী বাড়াইয়া আছে, মানুষ হইয়া সে দীন আশ্রয় প্রতি কোন পরাণে নিৰ্ম্মমতা পুরস্কার দিতে বসিয়াছিল ! যে কাঁদিয়া কাঁদিয়া, অস্তুর-ব্যথা উজাড় করিয়া চরণতলে ঢালিতে

## কিশোরী

আসিয়াছিল, সহানুভূতির বদলে তিরস্কার দানে, সমাজনেতা হইয়া সমাজের উপকারার্থে কী সে করিয়াছে!

শুণ্ড-অভিসন্ধির কথা সিধু চাপিয়া রাখিল না। বলিল—নন্দলাল! বাবা! কপালের লেথায় মানুষ কষ্ট পায়, কিন্তু উপলক্ষ্য হ'তে হয় মানুষকেই। কিশোরীর কথায় আমার ভয়ানক রাগ হ'য়েছিল; তাকে জব্দ করবার জন্তেই—

—“টুকরো টুকরো করে কেটে ফেলোচ ?...ঠাকুর! ঠাকুর! তোমরা কি সত্যিসত্যিই বামুন? দয়াময়া হীন—তবু তুমি দশখানা গায়ের পূজো পাও?” বলিতে বলিতে রামী সিধু ঠাকুরের পার তলার মাথা ঝুঁজিয়া কাঁদিতে লাগিল।

সিধু অপ্রতিভের একশেষ হইয়া গেছে তখন। কহিল—অতবড় অপবাদ দিস্নি মা!—যতই করি, খুন করবার প্রবৃত্তি আমার কখনো হবে না। তা কি পারি মা? মানুষ হ'য়ে মানুষের জীবন নেওয়া, একি হয় কখনো?

কাঁদিয়া কাঁদিয়া রামমনি বলিতে লাগিল—তোমার পারে পাড় বাবা-ঠাকুর! কোথায় রেখেচ তাকে বলো।...সে যে বড় অসভ্য, বড় অনাথা! মানের ভয়ে সে যে পাকা তালের আঁটি চুষে খেত!.. কেন তাকে তাড়ালে? এই এত বড় গাঁ খানায়, এতটুকু ঠাই নিয়ে সে কপালের সঙ্গে লড়াই করছিল, কেন তার অমন সর্বনাশ করলে?

নন্দলাল অতিষ্ঠ হইয়া উঠিল। কহিল—পেঁচিরে কথা বলো না ঠাকুর! পষ্ট বলো—কিশোরী দিদি কোথা? আমি এক ব্যাটাকেও আন্ত রাখবো না আজ! দেখি কার বুকে কতখানি সাহস আছে। না

## কিশোরী

হর জীবনটা ছাপাতরেই কাটিয়ে দেব। জাত গরলা নন্দলাল প্রাণের  
মমতা রাখে না। বলো শীগ্গীর।

সিধু ভয়ে ভয়ে কহিল—রাগের মাথায় অশ্রায় হ'য়ে গেছে নন্দলাল!  
তার কল্লো মাপ চাচ্ছি। একুনি সহরে যাও, নিশ্চয়ই কিশোরীকে তার  
বাপের বাসায় দেখতে পাবে।...পশুপতির খুব ব্যারাম,—এই মিথ্যে  
খবর দিয়ে আমি তাকে সহরে পাঠিয়েছি। যে লোকটা খবর দিতে এসে-  
ছিল, সে আমাদেরই লোক, কিন্তু গাজলপুরের নয়। কিশোরী তাকে  
চেনে না, তবু বাপের কলেরা হ'য়েচে শুনে, কাঁদতে কাঁদতে অচেনা  
লোকের সঙ্গেই চ'লে গেছে।

নন্দলালকে আটকাইয়া রাখে—এখন সাধ্য রামনির নাই, বেচারী  
মহাবিপদে পড়িল। নন্দলাল তখন হাতের লাঠিখানা উঁচু করিয়া  
তুলিয়াছে, আর রামী দুই হাতে লাঠি ধরিয়া উদ্বিগ্নকণ্ঠে বলিতেছে—  
পায়ের পড়ি ছোড় দা! কাস্ত হও। বামুন যে!.....আমাদের সর্বস্ব উড়ে  
পুড়ে যাবে—দোহাই তোমার থামো।

হঠাৎ নন্দলাল লাঠিখানা দশহাত দূরে ছুঁড়িয়া দিয়া, উপর হইয়া  
সিধুঠাকুরের পায়ের তলার শুইয়া পড়িল। কাঁদিতে কাঁদিতে বলিল—  
বাবাঠাকুর! দেবতা হ'য়ে একাজ কেন করলে? তোমার বুকের  
ভেতর মায়া দয়া কি একটুও নেই? মেয়েটার মুখের পানে একটা  
দিনও কি চোখ চেয়ে দেখনি?

সিধুর ছুটি চক্ষু দিয়া শ্রাবণের ধারা গড়াইতেছিল! আজ সত্য  
সত্যই শ্রাবণের বৃকে শ্রাবণ ছুটিয়াছে। সিধু কহিল—সে আমার  
মিনতি ক'রে যা বলেছিল, আমি তা তিরস্কার ভেবে উল্টো বুঝেছিলাম

## কিশোরী

নন্দ ! আমি বুঝিনি যে, বেচারী অধিকারের দাবীতে আমার কাছে অমুগ্রহ চেয়েছিল । তার কথা বলবার ভঙ্গীটা আমি ভালোভাবে নিতে পারিনি ।...কিন্তু হাতের টিল্ হাত থেকে চ'লে গেছে, আর জেঁ ধরবার উপায় নেই বাবা ! এখন যত শীগ্গীর পারো পশুপতির বাসাটা ঘুরে এসো গে ।

রামী জিজ্ঞাসা করিল—এ খবর আর কেউ জানে ? না আপনিই নিজের মনে ক'রেছিলেন ?

সিধু কহিল—এক। আমি নয়, গাঁয়ের অনেকেই জানে । কিন্তু আজ বজ্রোপবীত ছুঁয়ে দিবি করলাম মা ! আর কোনদিন তাকে অনাদর করবো না । সে আমাদেরই একজন হ'য়ে থাকবে ।

মান হাসি হাসিয়া রামী কহিল—যদি বেঁচে থাকে, তবেই তো ! নইলে আপনাদের কীষ্টিটাই চিরকাল আমরা মনে রাখবো । আর সে আবাগী মরণের পরেও ভুলবেনা যে, মানুষ হ'য়ে মানুষকে তোমরা কতখানি ছোট দেখেছিলে !...তা হ'লে মিছিমিছি দেয়ী ক'রো না ছোড় দা ! ' হতভাগী আছে কি ম'রেছে—একবারটি খোঁজ নিয়ে এসো ।

বলিষ্ঠ সুদীর্ঘ দেহটা যেন আর তুলিতে পারে না, নন্দলালের এমনি অবস্থা ! দীর্ঘনিশ্বাস ছাড়িয়া, উঠিতে উঠিতে কহিল—জীবন পণ,—তবু আমি সহজে ছাড়বো না । দেখি—গাজলপুরের মাতব্বর বাবুরা কি রকম শরতানি জানে ।...দিদিকে আমার পাই আর না পাই, থানাটা ঘুরে আসতে ভুলে যাবো না—এ তোমরা ঠিক জেনে রেখো ঠাকুর ! লোকের ভাল তো দেখতেই পারো না, মন্দ দেখাও কি তোমাদের স্বভাবের বাইরে ?...কিশোরী দিদির চেয়ে মন্দ কপাল তো হুনিয়ার আর কাকর

## কিশোরী

নেই বাবাঠাকুর! তবে কি জন্তে তার ভাঙাকুঁড়ের বাস উঠিয়ে ছাড়লে? .

উৎকণ্ঠিত হইয়া রামী কহিল—আর কথা বাড়িয়ে না ছোড় দা! যদি বাপের বাসায় না গিয়ে থাকে, তা হ'লে কোথায় গেছে খোঁজ করতে হবে না?

নন্দলাল লাঠিখানা হাতে করিয়া মূর্ত্তকাল কি ভাবিল, তারপর হঠাৎ সিধুচক্রবর্তীর পা তলার মাথা নোয়াইয়া বলিল—আশীর্বাদ ক'রো বাবাঠাকুর!

\* \* \* \* \*

কিশোরীর বাটী হইতে নিজের বাটী আসিবার পথেই রামমনি সংবাদ পাইল—গ্রামের মধ্যে কথা চলিতেছে—কিশোরী একলা নিশিরাতে ঘরের বাহিরে পা দিয়াছে, পুত্ররাং সামাজিক বিধানে সর্ব্বাংশে সে পরিত্যক্তা!...গ্রামবাসীর বাহাছরী!...

\* \* \* নন্দলাল ষত্থানি দ্রুত হাঁটিয়া সহরে পৌঁছিল, তত্থানি দ্রুত চলা সাধারণ মানুষের শক্তিতে কুলাইয়া উঠে না। বেলা নয়টার কাছাকাছি, সে পশুপতির বাসায় আসিয়া সদর দরজার উপর মাথায় হাত দিয়া বসিল। কি সর্ব্বনাশ! বাড়ীর দরজার প্রকাণ্ড একটা তাল খুলিতেছে!...হার! হার! তবে সিধু ঠাকুরের কথা সর্ব্বৈব মিথ্যা! কথার জাল বুনিয়া আজ সে নন্দলালকে এমন করিয়া আবদ্ধ করিল!

নন্দলাল কাঁদিয়া ফেলিল।—দিদিরে! তবে সত্যিসত্যিই তোকে জগত পেকে সরিয়ে দিলে!...অপরাধ নাই, তবু তোকে হত্যাকারীর সাজা ভোগ করতে হ'ল!

## কিশোরী

অনেকক্ষণ নিঝুমের মত বসিয়া থাকিয়া, নন্দলাল যখন গা ঝাড়া দিয়া উঠিল—তখন মধ্যাহ্ন। প্রতিবেশীদের মুখে সংবাদ পাইল—কিশোরীর মতই একটি মেয়ে অধিক রাত্রে পশুপতির গোজ লইতে আসিয়াছিল, এবং পশুপতি সৌরভীর বাড়ীতে গিয়াছে এই সংবাদ পাওয়া মাত্রই, চলিয়া গিয়াছে। কিন্তু কোথায় গিয়াছে কেহ জানে না।

নন্দলাল অনেক জিজ্ঞাসাবাদ করিয়াও সৌরভীর বাপের বাড়ীর গোজ পাইল না। সহরের বুকে নিয়তই কত ব্যাপার ঘটিয়া যায়, কে কত তার হিসাব নিকাশ রাখে?

নন্দলাল পাগলা কুকুরের মতই টলিতে টলিতে অস্থির চরণে গ্রামের পথ ধরিল। একবার সে দেখিবে—সিধুঠাকুর কলিকালের কত বড় জাগ্রত দেবতা।



## নবম পরিচ্ছেদ

.....“আমারই শ্রাণ—তোমারই দান  
তুমি ধন্য ধন্য হে !”.....

কৃষ্ণপক্ষের একাদশী নিশি ! জমাটবাঁধা অন্ধকার পৃথিবীর বুক-  
খানাকে ছাইয়া ফেলিয়াছে !

প্রশস্ত জনমানবহীন প্রান্তরের মাঝে, জঙ্গলঘেরা এক পুষ্করিণীর  
কিনারায় দাঁড়াইয়া সাথের লোকটী বলিল—আমি আর যেতে পারবো  
না ঠাক্কণ ! তুমি পারো—যাও । বাপের কালে ঢোলপুকুর গাঁ চোখে  
দেখিনি । এই ঘুট্‌ঘুটে আঁধারে আমি পারবো না যেতে ।

কিশোরী ধমকিয়া দাঁড়াইল । বাপের সাংঘাতিক পীড়ার সংবাদ  
বহিয়া যে তাহাকে পিতৃসকাশে লইয়া যাইতে আসিয়াছে,—সে-ই বলে—  
“ঘুট্‌ঘুটে আঁধারে আমি যেতে পারবো না !” কহিল—যেতে পারবে না  
তবে এসেছিলে কেন ? তেপান্তর মাঠে, রাতের বেলায় আমি একা  
কেমন করে যাবো ?

লোকটি কহিল—আমার সঙ্গে তো ঢোলপুকুর যাওয়ার বন্দোবস্ত  
হয়নি বাছা ! আমি সহরে যেতে হুকুম পেয়েছিলাম ।

কিশোরী যেন আকাশ হইতে পড়িল ! অতিরিক্ত বিশ্বয়ের সুরে  
বলিয়া উঠিল—কে তোমার হুকুম দিয়েছিল ? আমার বাবা নয় ?



## কিশোরী

লোকটি বলিল—অতশত জানিনে বাপু! সিধুঠাকুর আমার যেমন যেমন শিখিয়েচে, আমি তেমনি তেমনি ব'লেছি। তোমার বাবার বাসটা জান্তাম, তাই সেখানে যেতে কষ্ট হয়নি। কিন্তু ঢোলপুকুর তো চিনিনি।...আচ্ছা ঢোলপুকুরেই যে তোমার বাবা বেয়ারাম নিরে প'ড়ে আছে, এ খবর কোথায় পেলে?...

কিশোরী সৌরভীর পিত্রালয় যে ঢোলপুকুরে, ইহা অনেক দিন হইতেই জানিত। বলিল—পাড়ার লোকেই তো ব'লে। ঢোলপুকুর তারা না জানলেও আমি জানি। বেশী দূরের পথ নয়। একটুখানি কষ্ট করে আমার পৌছে দাও, ডবল মজুরি পাবে।

—হুঃ তোমার মজুরি! মজুরির মুখে ছ'শো পয়সার মারি। বাচলে তবে তো মজুরি ভোগ করবো?...এই তেপান্তর মাঠে, বনের ধারে, যদি বাঘ ভাঙ্গুক তাড়া করে—

কিশোরীর বুকখানা কাঁপিয়া উঠিল। ভয়ে ভয়ে বলিল—কিন্তু আমার যে বড় বিপদ! বাবার অমুখ, তিনি কেমন আছেন খবর না পেলে আমি তো নিশ্চিত হ'তে পারবো না বাপু!...

উপহাস ও ঘৃণার সঙ্গে লোকটি বলিল—দেখ ঠাকুরণ! তোমার অমন বাপ, থাকার চেয়ে না থাকাই ভাল। অন্ধের আবার রাতদিন কি আছে?—যে বাপ মেয়ের মুখ দেখে না, সে বাপের খোঁজ নিতে মেয়ে হ'রেও তোমার সাধ হয়?.....পশুপতি চাটুঘ্যেকে আমি খুব জানি,—ব্যাটা ছোট লোক—

কিশোরী ব্যথিত হইয়া বলিল—তোমাকে যেতে হবে না বাছা!

## কিশোরী

আমি একা একাই পথ চিন্তে পারবো। তুমি যেখানে খুসী চলে যাও।  
আমিও আমার পথ দেখি।

লোকটি কহিল—বেশ তো যাও না! আমিও তো তাই চাচ্ছি।

কিশোরী বলিল—যদি কথায় কথায় আমার বাবাকে গালাগাল দাও,  
তা হ'লে সত্যি সত্যিই তোমার গিয়ে কাজ নেই। বতই করুক, তবু  
তিনি আমার বাবা।

“—আহা মরিরে!—অনন বাবার মুখে আশুণ”—বলিতে  
বলিতে লোকটি যখন বিপরীত পথ ধরিল, তখন কিশোরীর প্রাণে বিদ্-  
মাত্রও আর ভরসা রহিল না। তথাপি তাহার বিশ্বাস হইতে ছিল না যে,  
এই নির্জন জঙ্গলের মাঝে, নিশীথরাত্রে, যত নির্দয়ই হোক—তবু মানুষ  
তো সে—কখনই তাহাকে পরিত্যাগ করিয়া পলাইবে না।

কিন্তু মাথের লোক সত্যসত্যই তাহাকে পরিত্যাগ করিয়া গেল।

কিশোরী তখন একা! পথের মাঝে একা, সংসারের মাঝেও একা!  
—হঠাৎ মনে হইল, ঢোলপুকুর বাইবার পথ সে কখনো জানে না,  
বাহাকে সঙ্গে লইয়া এতখানি অগ্রসর হইয়াছে সে-ও তো বলিয়া গৈছে—  
জানে না, তবে কোন্ ভরসায় সে এই একান্ত অজানা পথে পা বাড়াইয়া  
রহিল?...আজ এই নির্জনতার মাঝে যদি একটা হিংস্র জন্তুরও সাক্ষাৎ  
যেলে, তবুও যেন কিশোরীর প্রাণে বল আসে।...মানুষ যখন সকল  
রকমে অসহায় হইয়া পড়ে, তখন অসহায় অবস্থাকেই সহিয়া লইতে সে  
বাধ্য হয়। কিশোরী ভীতিসঙ্কুল স্থানেই নির্ভয়তা আনিয়া পথ চলিতে-  
ছিল। পারে কাঁটা ফোটে, চামড়া কাটিয়া রক্ত ছুটিতে থাকে, তবু  
জাহাকে চলিতেই হইল। এ যেন অসীমদেশের যাত্রী,—অসীম তার পারে

## কিশোরী

চলার পথ, সে পথের আর শেষ সীমা নাই ।.....সাথের সাথী ঘোর  
অন্ধকার !

একটা গাছের ঊড়িতে কপাল চুকিয়া কিশোরী—‘মাগো’ বলিয়াই  
আছাড় খাইয়া পড়িল । সংজ্ঞা হারাইলে ভালই হইত, দাবদফ সংসারের  
জালা হয়তো কিছুক্ষণের জন্ত ভুলিতে পারিত, কিন্তু তাহা হইল না ।...  
ইহাও বুঝি ভাগ্যেরই বিড়ম্বনা ।—কপাল কাটিয়া দরদর ধারে রক্ত  
ঝরিতেছে, যাতনায় প্রাণ যায় !—কিশোরী হাতে মাথাটা চাপিয়া ধরিয়া  
সেখানেই শুইয়া রছিল ।...মন আঁতুচীৎকারে বলিতে চাহে—বাবা !  
বাবা ! এখনো কি তুমি জানতে পারনি বাবা !—আমি তোমাকে  
কত ভালবাসি ?

একখানা গরুর গাড়ী বাইতেছিল—ঠিক পাশের বড় রাস্তা দিয়া ।  
অন্ধকারে কিশোরী এ পথের সন্ধান আনিতে পারে নাই । একটু  
আগে যে হিংস্র জন্তুরও সাক্ষাৎ মাগিতেছিল, এখন গাড়ীর সাড়া কানে  
আসিতেই, যাতনা-কাতর কণ্ঠে ডাকিল—ওগো ! কে যাও,—আমাকে  
রক্ষা করো !

কিন্তু কাহারও সাড়া পাওয়া গেল না । কিশোরী আবার ব্যাকুল কণ্ঠে  
ডাক দিল—ওগো ! গাড়ীতে কে আছে,—আমি ম’লাম আমাকে বাঁচাও !

গাড়ী থামাইয়া গাড়োয়ান লঠন লইয়া খুঁজিতে খুঁজিতে কিশোরীর  
নিকট আসিল, কিশোরী দুইহাত দিয়া তাহার দুই পা চাপিয়া ধরিয়া  
কঁদিতে কঁদিতে কহিল—তুমি কোথায় যাচ্ছ বাবা ?.....আমি মরছি,  
প্রাণ যায় !...আমাকে বাঁচাও ।...টোলপুকুরে আমাকে পৌঁছে দিবে  
এসো । তোমার তো গাড়ী আছে, আমি তাড়া দেব ।

## বি নী

গাড়োয়ান কহিল—আমি তো আর ঢোলপুকুর বাবো না বাপু!—  
সেখান থেকে আস্চি, বাবো রামপুর। গাড়ীতে আমার লোক র'য়েচে।  
সেখানে সোয়ারী পৌছে দিয়ে, ফিরতে আমার সকাল বেলা হ'য়ে যাবে।  
বলিতে বলিতে অকস্মাৎ কিশোরীর কপালে রক্ত দেখিয়া, গাড়োয়ান  
শিহরিয়া উঠিল। ব্যথিত হইয়া কহিল—আহারে! কেমন ক'রে লাগলো  
মা! বড্ড কেটে গেছে তো!

ওদিকে গাড়ীর আরোহী উষ্ণকণ্ঠে ডাক দিল—কি হ'ল রে?—যাবি  
না কি?...কে ও?...

গাড়োয়ান ব্যস্ত হইয়া বলিল—বাবু তাড়া দিচ্ছে মা! লোকটা বড়  
সুবিধের নয়, নইলে এক্ষুণি তোমায় গাড়ীর মধ্যে তুলে নিতাম।

কিশোরী নীরবে কপাল টিপিয়া বসিয়া রহিল। আজ আর ছুট  
লোকের কবলে পড়িতে তার ইচ্ছা নাই। মৃত্যু বরণ ভাল, হিংস্র জন্তুর  
কবলিত হওয়াও লক্ষ্যশূণ্যে বাঞ্ছনীয়, তবু মানুষের চক্রান্তে পড়িবার সাধ  
মনের কোণেও আসা উচিত নয়।...চক্রান্তের আবর্তে পড়িয়াই আজ সে  
বিতীর্ণিকার মাঝে গুমরিয়া মরিতেছে!

গাড়োয়ান চিন্তা করিতেছিল। আরোহীর বিরক্তিকে সে গ্রাহ্য  
না করিয়া কহিল—উঠে এসো বাছা!—আমি তোমায় নিয়ে বাবো, কিন্তু  
ঢোলপুকুরে কার বাড়ী যাবে?

কিশোরী উঠিবার চেষ্টা করিয়াও উঠিতে পারিল না। মাথা ঘুরিয়া  
পড়িয়া গেল। গাড়োয়ান কহিল—আহা রক্তে মুখখানা যে ভেসে গেল  
মা!—আমার কাঁধে ভর দিয়ে চলো। বলিয়াই কিশোরীর হৃদয় ধরিয়া  
উঠাইল। তারপর আর কোন কথাবার্তা না কহিয়া, অতি

## কিশোরী

সম্বর্ণনে তাহাকে গাড়ীর কাছে লইয়া গিয়া, হাতের লঠনটা নামাইয়া রাখিল।

গাড়ীর আরোহী তীব্রস্বরে বলিলেন—ও আবার কে ?

কিশোরী ব্যগ্রভাবে বলিয়া উঠিল—কে—কে কথা কইলে ? আমার বাবা ?...বাবা !

আরোহী—পশুপতি চাটুয্যো । কঙ্কার আর্তস্বর শুনিয়া বিরক্তির সুরে বলিয়া উঠিলেন—ভাল আপদ !...তুই আবার কোথেকে এসে পড়লি ?

কিশোরী দৈহিক যাতনা ভুলিয়া গেল । কপালের রক্ত চোখ দুটিকে ঝাপসা করিয়া দিয়াছে, তবুও সে ব্যাকুল হইয়া বলিল—বাবা ! বাবা ! তুমি কেমন আছো বাবা ?...আমি যে তোমার অসুখ শুনে ছুটে এসেছি বাবা !

পশুপতি আন্তে আন্তে গাড়ী হইতে অবতরণ করিলেন । কিশোরী তাঁহার পদতলে বসিয়া এক হাতে কপালের রক্ত মুছিতে লাগিল, অপর হাত পিতার পায়ের উপর রাখিয়া কাঁদিয়া কাঁদিয়া কহিল—পথ ভুলে বড় কষ্ট পেয়েছি বাবা ! দেখনা কপালটা ফেটে রক্ত ছুটছে । মনের লোক ফেলে পালিয়েছে । কিন্তু তুমি ভাল আছ তো বাবা ? অসুখ সেরে গেছে তো ?

গাড়ীর ভিতরে অন্ধশয়নাবস্থায় থাকিয়া সৌরভী অবজ্ঞার সুরে বলিল—ও আমার বাছারে ! মেয়ের চুঁ দেথে আর বাঁচিনি...সেরে গেছে তো বাবা ! ওঃ বাবার কথা ভেবে ভেবে মেয়ের আর হৃৎকের শেষ সীমা নেই !...পাজী নছার মাগী !...গাড়োয়ান ! গাড়ী ছাড়ো । রাত ভোরে শয়তানি চুঁ ভাল লাগে না । তারপর পশুপতিকে লক্ষ্য করিয়া

## কিশোরী

বলিল—কিগো! মেয়ের ওপর বড্ড যে দয়দ দেখতে পাচ্ছি।...বলি  
যাবে, না গাড়ী ঢোলপুকুরে ফিরে নিয়ে যাবো?

পশুপতি 'হাঁ-না' কোন কথাই না কহিয়া, গম্ভীরভাবে কিশোরীর  
পানে চাহিয়া ছিলেন।

স্তিমিত লণ্ঠনের আলোকে কিশোরী দেখিল—সে মুখে স্নেহ-মমতার  
বিন্দুমাত্র আভাষ নাই, আছে—বিরক্তির চিহ্ন স্পষ্ট! কহিল—  
আমার ওপর রাগ করেছ বাবা?...সিধুঠাকুরের মুখে তোমার অসুখ  
তুনেই আমি চ'লে এসেছি। রামী বা নন্দ দাদা কারকে ব'লে আসবার  
সময় পাই নি।...সত্যি তোমার অসুখ হ'য়েছিল বাবা?

পশুপতি গম্ভীর হইয়াই কহিলেন—মরণ হয় নি কেন—তাই ভাবচি  
কিশোরী! চিরকালটাই কি তোরা আমার জালিয়ে মারচি?...ছি ছি!  
মেয়ে হ'য়ে বাপের উঁচু মাথাটা এমনি করেই কি নীচু করে দিতে হয়?

ফ্যাল ফ্যাল করিয়া চাহিতে চাহিতে কিশোরী কঁাদ কঁাদ হইয়া  
কহিল—এ তুমি কি ব'ল্চো বাবা?...আমি এসে কি অন্তায় করলাম?...  
তুমিই তো আসতে লিখেছিলে। যে লোক আমার সঙ্গে এসেছিল, সে  
ব'ললে—সিধুঠাকুর তাকে আসতে ব'লেছে।...তুমি কি সিধুঠাকুরকে  
ব'লে পাঠাও নি?

পশুপতি ক্রুদ্ধ হইয়া বলিলেন—দেখ, কিশোরী! কেলেঙ্কারী বা  
করেছিস, তাতে হয় তুই মর, না হয় আমি মরে জালা জুড়োই।...যদি  
কখনো গাজলপুরে আমায় যেতে হয়, তোর জন্তে সেখানে এতটুকু মুখ  
পাবো না। ছি ছি!...হাঁ রে আমার মেয়ে হ'য়ে তোর এতদূর অধঃপতন  
হ'ল কেন' করে?

## কিশোরী

কিশোরী গভীর হইয়া গেল। সানাত্তকণ নীরব থাকার পর, কহিল—  
—একথা তোমার কে বললে বাবা?...কি অধঃপতন হ'ল আমার?

পশুপতি কহিলেন—সে তুই নিজেই তো বুঝতে পারছিস।...সিধু-  
ঠাকুর সমস্ত কথা বিস্তারিত লিখে, আমার কাছে লোক পাঠিয়েছিল।  
মন বড্ড বেশী ধারাপ হ'ল বলেই না ঢোলপুকুরে চ'লে এসেছিলাম।  
নইলে অশুখ অবস্থার সৌরভীকে কি জোর করে নিয়ে আসতাম?  
বেচারী বাতের ব্যথায় সারা হ'য়ে যাচ্ছে, তবু জলকাদার রাস্তা দিয়ে  
বর্ষার ঠাণ্ডায় ওকে গরুর গাড়ী করে নিয়ে যেতে হচ্ছে!...নইলে জালা  
জুড়োই কেমন করে!...ছি ছি দড়ি কলসী কিন্বার একটা ছুটো পরসাত  
কি তোর ঘরে ছিল না রে?

কিশোরী মাথায় হাত দিয়া পথের মাঝেই বসিয়া রহিল। আজ  
আর কৈফিয়ৎ দিবার জন্ত তাহার কণ্ঠে একটা ছোটখাটো ভাষাও ফুটিয়া  
উঠিল না। ঘৃণায়, অপমানে সর্বান্ন তার জলিয়া পুড়িয়া বাইতেছিল।

সৌরভী কহিল—উঠে আর মিন্‌সে! আর বাপুগিরি ফলাতে হবে  
না। ঘর ছেড়ে যে পথে বেরিয়েচে—তাকে আবার ঘরে নেওয়া!  
লোকে বলবে কি?

কিশোরী মুখখানা তুলিয়া উত্তেজিত ভাবে বলিয়া ফেলিল—আর  
যে বলে বলুক, অস্ততঃ তোমার মুখে একথা মানার না। আমার  
বাবা আমার দশবার লাথি ঝাঁটা মারতে পারেন, কিন্তু তুমি তার  
জবাব দিবার কে?...বাপ-মেয়ের কথার মাঝখানে তুমি কেন কথা  
কইতে আসবে?...

সৌরভী বলিল—ওরে আমার মেয়ে—

## কিশোরী

ডানহাতখানা বাড়াইয়া শাসাইবার ভঙ্গিতে কিশোরী বলিয়া উঠিল—  
—চুপ্! খবরদার!...এখন থেকে সাবধান করে দিচ্ছি।

সৌরভী ক্রিপ্তার স্তায় পশুপতিকে সম্বোধন করিয়া কহিল—  
ই্যারে হাড় হাবাতে অলপ্পেয়ে চামাড় মিন্‌সে!—বলি শুন্‌চিস্‌?

কিশোরী উঠিয়া দাঁড়াইয়া চীৎকার করিয়া বলিল—চোপ্! পাঞ্জী  
ছোটজাত কাঁহাকার!...আমার বাবাকে যা-তা বলিস্‌? বেইমানী.....

আশ্চর্য্য ব্যাপার!—সৌরভী তার বাতের অসহ ব্যথা ভুলিয়া গেল।  
তাড়াতাড়ি গাড়ীর ভিতর হইতে নীচে নামিয়া, পশুপতির পিঠের উপর  
কিল মারিতে মারিতে বলিল—এক—দুই—তিন—চার.....বেহন্দ  
বেহায়া মুচি মুদফরাস—অজাত মিন্‌সে!...দাঁড়িয়ে দাঁড়িয়ে আমার  
অপমান শুন্‌বি?...তারপর দুইতিন ধাক্কা দিয়া বলিল—তবে পায়ে ধ'রে  
সেধে কেঁদে আন্‌লি কেন রে হাড়ি ডোম্‌ মেথর চণ্ডাল? ওরে—ও  
নির্কংশে!—কেন আমার মাথায় করে ব'য়ে আনতে গেছলি?

উত্তমের বাক্য জালা মৃত্যু তুল্য হয়,

পদাঘাতে অধমের কিছু নাহি ভয়।

কিশোরী সৌরভীর মুখের তোড় সাম্‌লাইতে পারিল না। অতিরিক্ত  
লাহুনার ভয়ে, নীরব হইয়া পিতার আচরণ লক্ষ্য করিতে লাগিল।

পশুপতি বলিলেন—ওরে! আগে ভাগে গালমন্দ করা তোমর উচিত  
হয় নি কিশোরী!

কিশোরী পিতার পাদস্পর্শ করিয়া শুষ্ককণ্ঠে কহিল—রাত্ৰিকাল,  
আকাশের তারা, পৃথিবীর জল-বাতাস-লতা-গাছ-ফুল সব সাক্ষী,—তুমি  
অম্মদাতা আমার, এই চরণ ছুঁয়ে, আমার মাকে স্মরণ ক'রে শপথ করছি



## কিশোরী

—আমি কোন দোষে দোষী নই। সিধু ঠাকুর মিথ্যে রটিয়ে তোমাকে চিঠি লিখেছিল, নইলে ব'লতে পারো বাবা! দোষী হ'য়ে, তোমার অন্তঃকরণে এই রাত দুপুরে একা আমি ঐ ছোটলোক মাগীর বাড়ী যেতে পারি কখনো? তুমি আমার ইচ্ছাকালের দেবতা, পাছে সেবায় বঞ্চিত হই, এই ভয়েই না ঢোলপুকুর যাবার সাধ ক'রেছিলাম। নইলে—সে তো আমার কাছে নরক। এই যে বিনা দোষে, মেয়ে হ'য়েও বাপের স্মৃতিতে ও আমার অপমানের একশেষ করলে—আর বাপ হ'য়ে, তুমি সমস্ত স্ত্রীতেও, উল্টে আমাকেই দোষ দিচ্ছ—একি কম কষ্ট আমার? আমি সতী মায়ের মেয়ে, আমার মা অনাহারে মরেছে, তবু অদৃষ্ট ছাড়া ভুলেও একদিন তোমাকে দোষ দিয়ে যায় নি।...আমিও সেই মায়ের মেয়ে!... আমি সব সহিতে পারি, কিন্তু ছোটলোক ঐ মেয়েটা যে আমারই স্মৃতিতে তোমাকে অকথা কুকথা ব'লবে, এ আমি কখনো বরদাস্ত করবো না। যদি তোমার অভিধানে পড়ি তবুও না। আজ তুমি বিচার করো বাবা! ওর নয়, আমার দোষের বিচার ক'রো।...

পূর্ব আকাশে ভোরের তারা জ্বলিতেছিল। জঙ্গলের পাখী প্রভাতীর সুর ভাঁজিতেছিল। ধানের ক্ষেতে ভোরের বাতাস পরশ বুলাইতে শুরু করিয়াছিল।

পশুপতি আনমনা হইয়া গেছেন। অতীতের সুর হারা বীণাটা আজ যেন মর্শ্ববেদনায় গুমরিয়া উঠিতেছে—স্ত্রী অনাহারে মরেছে, তবু অদৃষ্ট ছাড়া ভুলেও একদিন স্বামীর দোষ দেয়নি!...হার রে! ভাগ্যের চাকটা ঘুরিয়া ঘুরিয়া আজ কোন্ স্থানে আসিয়া পড়িল।

সৌরভী উষ্ণ হইয়া গাড়োয়ানকে ভৎসনা করিল—তুই ভাড়া নিবি,

## কিশোরী

না 'এম্‌নি এম্‌নি ষাচ্ছিসরে ? হাঁ করে চেয়ে রয়েছিস্‌ যে ! যেতে হবে না ?

গাড়াওয়ান বলিয়া উঠিল—যেখানেই বাই, এ মেয়েটিকে আমি গাড়ীতে তুলবো ।... যদি আপত্তি থাকে, তোমরা গাড়ী ছেড়ে দাও, এক পরমাণু আমি ভাড়া চাইনে।

সৌরভী তো অর্থাৎ !... ব্যাটা ছোটলোক বলে কি ? কিন্তু রাগটা সম্পূর্ণভাবে পড়িয়া গেল—কিশোরী ও পশুপতির উপরে। কিশোরীকে বলিল—দেখ, এই চামাড় মিন্‌সেই যদি তোর বাপ হয়, তাহ'লে আমার ভাড়া করা গাড়ীতে পা দিস্‌নি ।... তারপর পশুপতিকে বলিল—উঠে আর ছোটলোক মিন্‌সে !... স্তম্ভে দাঁড়িয়ে যা নয় তাই ব'লে গাল দিলে,— এম্‌নি তুই অমানুষ, যে, একটা শাসনবাক্যও ব'লেতে পারিনি ? ওঃ... মেয়ে !... ঠাঁর সাতপুরুষের মেয়ে ! ওর চেয়ে বাজারের বেবুশেরও কদর আছে।

—“মুখ সামলে কথা ক'য়ো বাচ্চা ! ঢের স'য়েচি, আর সইবো না কিন্তু।” বলিয়াই কিশোরী বাপের পানে চাহিল। দেখিল—পশুপতি সৌরভীর দিকে চাহিয়া আছেন। তাহার এই অতিবড় অপমানেও তাঁর তরফ হইতে কিছুমাত্র সাড়া মিলিবার সম্ভাবনা নাই।

সৌরভী এইবার চরম করিবার জন্য কিশোরীর চুলের মুঠি ধরিয়া টান দিল। কিশোরী উত্তেজনার আধিক্যে কাঁদিয়া ফেলিল। কাঁদিতে কাঁদিতে বলিল—তোমার কি মায়া দয়া নেই বাবা ? স্নেহ-মমতা না করো, কিন্তু মেয়ে ব'লে চরণেও কি ঠাঁই দিতে পারোনা ? জানে কখনো অপরাধ করিনি, যদিই করে থাকি, কিন্তু তারও কি মার্জনা নেই ?

## কিশোরী

—“চুপ্ কর হাড়হাতি ছোটলোকের মেয়ে!” বলিয়া সৌরভী গাড়োয়ানকে কহিল—গাড়ী ফিরিয়ে নে, আমি ঢোলপুকুরেই ফিরে যাবো।

পশুপতি গম্ভীরকণ্ঠে বলিলেন—সেই ভাল। আজ আর তোমার গিয়ে কাজ নেই। কিন্তু মেয়েটা তো হাঁটতে পারবে না। বড় জখম হ'য়ে গেছে। গাড়ীখানা আমাদের চাই।

ঝঙ্কার দিয়া সৌরভী বলিল—তোমার বাবার গাড়ী—বটে ?

হঠাৎ গাড়োয়ান্ বলিয়া উঠিল—তোমারও তো বাবার গাড়ী নয় বাচ্চা! মেয়েটাকে আমি 'মা' ব'লেছি, মাকে আমি আসল জারগায় পৌঁছে দিয়ে আসবো।

—আর আমি ?

—তোমার বা খুসী ক'রো।

—ভাড়া কে দেবে ?

—ভাড়া ? আমি পোড়াই কেয়ার করি। চাইনে ভাড়া।

সৌরভী চাহিয়া দেখিল—পূব্ আকাশ ফাগের রঙে রাতা! উষার আলোকে চারিদিক ছাইয়া গেছে। পশুপতি কহিল—দেখ বামুনঠাকুর! একটুখানি পথ আমি পারে হেঁটেই যেতে পারবো। ঐ তো ঢোলপুকুর দেখা যাচ্ছে। কিন্তু ব'লে রাখি—তোমার সঙ্গে আজ থেকে আমার জন্মের মতন ছাড়াছাড়ি হ'য়ে গেল। কেঁদে মাথা খুঁড়ে মরলেও সৌরভী আর সহর মুখো পা বাড়াবে না।

কন্টার বাতনামলিন রক্তাক্ত মুখখানার পানে চাহিয়া পশুপতি বলিয়া উঠিলেন—আজ একযুগ পরে আমিও তাই চাচ্ছি সৌরভী। যদি না-ই

## কিশোরী

বাঁও, পশুপতি চাটুযো মাথা খুঁড়ে কাঁদতে বসবে না—এইটুকুই জেনে রেখো। শনির দৃষ্টি চিরকাল থাকে না। বামুনের ছেলে হ'য়ে মেয়ের সামনে অনেক গাল মন্দ তোমার সহ ক'রেছি। আর হয়তো পারবো না।

মৌরভী হয়তো এতখানির আশা করে নাই। নরম হইয়া বলিল—বেশ ভাল কথাই। আমিও কিছু সহজে ছাড়বো না। আইন আদালত ক'রে হোক, জোর জবরদস্তিতে হোক, যেমন করে পারি—ধোরপোষ আদায় হবেই হবে।...জাত ধম্ম খুইয়েচি—তোমারই জন্তে, সহজে ছাড়বার মেয়ে নই আমি।

পশুপতি মৃদুস্বরে কহিলেন—জাতধর্ম্ম আগেই খুইয়ে ব'সেছিলে, আমার কপাল মন্দ তাই অলেয়ার পেছনে ধাওয়া ক'রেছিলাম। এখন তুমিও বাঁচো আমিও বাঁচি।...মেয়ের সামনে বেশী কথা আর ব'লবো না। এখন কি করবে বলো? সতিাই ঢোলপুকুরে ফিরে যাবে তো?

মৌরভী আন্তে আন্তে গাড়ীর মধ্যে ঢুকিয়া বলিল—ফিরে যাবার জন্তেই বুঝি কেঁদে কেটে আমার বাড়ী থেকে নিয়ে এলে?...আমি যাবো না।

পশুপতি শুদ্ধভাবে কিছুক্ষণ অপেক্ষা করার পর, কিশোরীকে বলিলেন—আর মা! গাড়ীতে উঠ'বি আর!

কিশোরী কহিল—আমি হেঁটে হেঁটে যাবো বাবা! একগাড়ীতে ওর আমার ঠাই না হওয়াই উচিত।

পশুপতি লজ্জিত হইলেন।...এ লজ্জা এতদিন যে কোথায় লুকাইয়াছিল, আজ সেই কথাটাই ভাবিয়া পাইলেন না। মিনতিভরা দৃষ্টিতে কন্তার দিকে চাহিয়া বলিলেন—আর মা! আর!...ওরে যতই ক'রে থাকি, তবু আমি তোমার বাপ।...আর! উঠে আর!

## দশম পরিচ্ছেদ

“সুধা ভ্রমে আজি গরল ভ'খেচি,  
সব হ'য়ে গেছে কালা।”...

সহরের বাসায় পৌঁছিয়াই কিশোরী বলিল—আমাকে গাজলপুরে  
রেখে এসো বাবা ! এ বাড়ীতে আমি থাকবো না।

পশুপতি কহিলেন—এ তো তোরই বাড়ী মা ! থাক্বিনে কেন ?...  
ঘর সংসার দেখে শুনে বুঝ নে। বিয়ে হ'য়ে গেলেও তোকে আর  
কাছ ছাড়া করবো না মা !...ভেমনি ব্যবস্থা করেই আমি সবকিছু দেখছি।  
বলিয়াই বাহিরে চলিয়া গেলেন।

কিশোরী দেখিল—সৌরভী একে একে সকল ঘরগুলি তালাবন্ধ  
করিতেছে। জিজ্ঞাসা করিল—ঘরে চাবি দিচ্ছ কেন ? আমাকে থাকতে  
হবে না ?

সৌরভী রান্নাঘর বাদে সমস্ত ঘরগুলি বন্ধ করিয়া উত্তর দিল—থাকতে  
তো বারণ করিনি। যেখানে খুসী থাকো। তারপর জোরে জোরে  
হাঁকিল—কোথায় গো ! বাজারে যেতে হবে না ?

কিশোরী কহিল—বাবা বেরিয়ে গেলেন।  
ক্রুর হাসি হাসিয়া সৌরভী কহিল—তা জানি।  
—তবে আবার ডাক্‌চো কাকে ?

## কিশোরী

—“তোমার বমকে ।” বলিয়া সৌরভী চাবি ছড়া, আঁচলে বাধিল, তারপর কহিল—ঘরদোর সব রইলো । জিহ্বা দিয়ে বাচ্ছি ।

কিশোরী কথা কহিল না । অতিরিক্ত গভীর হইয়া রান্নাঘরের স্রমুখে বসিয়া পড়িল ।...সৌরভী তখন চলিয়া গেছে ।

পশুপতি ফিরিয়া আসিলেন—বেলা দশটায় । দেখিলেন—রান্নাঘরের মেঝের আঁচল বিছাইয়া কিশোরী পড়িয়া আছে, চোখের কোণ বহিয়া তার অশ্রু গড়াইতেছে ! জিজ্ঞাসা করিলেন—এখানে প’ড়ে আছিস কেন মা ?...ঘরে শুতে হয় ।

কিশোরী কথা কহিল না । পশুপতি বলিলেন—আয় ! তোর জন্মে ভাল ঘরখানা ঠিক করে দিচ্ছি । বলিয়া কিয়ৎকুর ষাইতেই বিস্মিত-ভাবে ফিরিয়া বলিলেন—ঘরে চাবি দিলে কেন ?...সে কোথায় ?

কিশোরী মাথানত করিয়া জবাব দিল—সে-ই চাবি লাগিয়ে স’রে পড়লো । কোথায় গেল তা বলেনি ।

পশুপতি ক্রুদ্ধ হইয়া কহিলেন—এমনি বলা কওয়া নেই, ঘরে ঘরে চাবি এঁটে স’রে পড়লো ?...ঝগড়া করেছিলি বুঝি ? গালাগালু দিয়েছিলি ?

ক্রুদ্ধ অভিমানে ফুলিয়া ফুলিয়া কিশোরী জবাব দিল—আমি তো অনেককণ আগে ব’লেছি বাবা ! যে, আমি সতী মায়ের মেয়ে । মায়ের পুণ্যে অন্তায়ের সঙ্গে আমার পরিচয় নেই । আমি শুধু তোমারই হুকুমে এখনো দাঁড়িয়ে আছি, নইলে জানো তো বাবা ! কতদিন আমাদের মা-ঝির জল গিলে পেট ভ’রেচে, তবু তোমার দোরে হাত পাততে আসিনি ।

পশুপতি আনু্যন্য হইয়া পড়িলেন । আজ তিনি আপন মনশ্চকুর

## কিশোরী

সাধাৰ্ণে স্পষ্টই দেখিতে পাইলেন—ছন্দ নিকুঞ্জ শুষ্ক ভীষণ শ্মশানসম  
হইয়া গেছে !—অস্তদেবতা কপালে করাঘাত করিয়া, ভয় ঘর্ষবেদী-মূলে  
রোদন করিতেছেন !—অশ্রু প্রবাহে লক্ষ দরিয়ায় জোয়ার আসিয়াছে !

কিশোরী বলিল—চলো বাবা ! এবার থেকে আমরা গাজলপুরেই  
থাকবো । রাত ভোরে উঠে আমি তোমার কাছারীর ভাত বেঁধে দেব ।  
তোমার একটুও অসুবিধে হবেনা বাবা !...চলো আজই চ'লে যাই ।

পশুপতি পূৰ্বেই অশ্রুমনকতা লইয়াই জবাব দিলেন—তা-তো  
ষাবিৰে, কিন্তু সে মাগী গেল কোথায় ?...রাগের মাথায়—

কিশোরী বলিল—রাগতো তার হয়নি বাবা !...

পশুপতি বলিলেন—কি জানি, বড় বদমাগী মানুষ । একদিন  
ছদ্ম নর কিশোরী, আজ দশবছর তাকে দেখে আসচি ।—বড় একশুঁয়ে  
স্বভাব ।

বাপের অন্তরের অভিপ্রায় কিশোরীর বুদ্ধিতে বিলম্ব হইলনা ।  
সৌরভীর সঙ্গ পরিত্যাগ করিতে তিনি যে একান্তই অক্ষম, ইহা আজ সে  
স্পষ্ট ভাবে জানিতে পৰিল । বলিল—সে ফিরে এলে, আমি তাকে  
বুঝিয়ে ব'লবো বাবা !...যাতে আর একশুঁয়েমী না করে—

পশুপতি কথার মাঝখানেই বলিয়া উঠিলেন—কিন্তু তোকে 'পর'  
ক'রে এই যে ঘর দোরে চাবি দিয়ে গেল,—এর সাক্ষাৎ সে আমারই  
হাতে ছোঁগ করবে কিশোরী ! তাকে বুঝিয়ে দেব—আমার অবর্তমানে—  
যা কিছু সব আমার মেয়ের ।...শয়তানি সে, তাই ভালর নাগাল ধরতে  
শিখলে না ।

এমনি সময় সময় দোরে শব্দ হইল । পশুপতি অগ্রসর হইয়া কহিলেন

## কিশোরী

—এসেচে। দাঁড়া, না ব'লে যেখানে সেখানে বেরিয়ে যাওয়াটা তাকে  
খিয়ে দিই—

কিশোরী তাড়াতাড়ি বাধা দিতে যাইবে, কিন্তু পশুপতি তখন দরজা  
খুলিয়াই চীৎকার করিয়া বলিতেছেন—বেরো শয়তানি!—দূর হ'য়ে যা  
আমার বাড়ী থেকে। বলিয়াই এমন জোরে ধাক্কা দিলেন যে, নারী হইয়া  
বেচারী সে প্রবল ধাক্কা সহ্য কুরিতে পারিল না। রাস্তার ড়েনে পড়িয়া  
গিয়া অক্ষুট আর্তনাদে কাঁদিয়া উঠিল—“মাগো!”

কিশোরী অসীম বিশ্বাসে চাহিয়া দেখিল—সে সৌরভী নয়, তার  
সোদরাধিক মেহমরী গরলাবউ!

আলুথালু বেশে কাঁদিতে কাঁদিতে রামমনিকে কোলে তুলিয়া কিশোরী  
বাটার ভিতর আনিল। ব্যগ্র মিনতি জরা কণ্ঠে কহিল—একজ কেন  
করলে বাবা?...আমি যে এদের দরতেই বেঁচে ছিলাম এতকাল।

পশুপতি তখন হতভম্ব! মুখ দিয়া বাক্ সরে না! মাথাটা লজ্জ ও  
অসুতাপে মাটির সঙ্গে মিশিয়া যাইতে চাহে!

রামী উঠিয়া বলিল। সলজ্জ হইয়া কহিল—আমাকে লাগেনি  
সিঁদিঠাক্করণ!...কিন্তু আমি তো কোন দোষ করিনি তাই!

পশুপতি অস্থতপ্ত কণ্ঠে কহিলেন—আর আমাকে লজ্জা দিয়োনা মা!  
আমি লোক চিন্তে পারিনি। আর একজনকে ভেবে—

—“কেলেঙ্কারীর এক শেষ ক'রেছ!”—বলিতে বলিতে সৌরভী  
আসিয়া দাঁড়াইল! উৎসনার সুরে বলিল—খুব কীত্তি রাখলে যা হোক!  
...আমার দেহ ভাল নয়, মেজাজ তাই সকল সময় ঠিক থাকে না।  
কখন কি ব'লে ফেলি, জানতে পেরে প'ন্তে সারা হই।...ছি ছি—



কিশোরী



শ্রদ্ধাবাড়ীর প্রাঙ্গন ।  
( সিধু চক্রবর্তী ও কিশোরী ) ।



## কিশোরী

মেয়েটার এমনি খোয়ার করে !...কিশোরী ! জল দে তো মা ! রামু গা ধুয়ে ফেলুক । কাপড় ছাড়ুক ।

মুখ তুলিয়াই কিশোরী অবাক হইয়া গেল !—সৌরভীর পশ্চাতে শাস্ত মূর্তিতে দাঁড়াইয়া আছে—নন্দলাল । সে বুঝিয়া উঠিতে পারিল না সৌরভী হুকুমজারী করিতেছে আর নন্দলাল শাস্ত হইয়া দাঁড়াইয়া আছে কিসের মোহিনী মায়ার ! রামীকে হাত পা ধুইবার ঠাই দেখাইতে বাইবার সময় নন্দলাল বলিল—ব্যস্ত হ'রোনা দিদিঠাক্কণ, রামীর বেশী কিছু হয়নি । কিশোরী কথা কহিল না ।.....

...ঘণ্টাখানেক বিশ্রমের পর, নন্দলাল বলিল—আমি বাড়ী চ'ললাম দিদিঠাক্কণ ! রামী এখন তোমার কাছেই রইলো । ওবেলা এসে নিরে যাবো ।

কিশোরী কিছু না বলিতেই, সৌরভী বলিল—না না, তোমারও এ বেলা যাওয়া হবেনা । বাসুনঠাক্কুরকে বাজারে পাঠিয়েচি, রান্নাবান্না হোক ; খেয়ে, জিরিয়ে, ভাই বোনে এক সঙ্গে য়েয়ো । তার পর কিশোরীকে বলিল—মা মা ! আর দেরী করিস নি, কুয়োথেকে জল তুলে, নেয়ে নে । রামু তুমিও যাও । আমি উমুন ধরিয়ে রাখচি ।

নন্দলাল বলিল—খুড়োঠাক্কুর এত গুলো লোকের তরিতরকারী ব'য়ে আনবে, আর আমি বাড়ী ব'সে আরাম করবো ?...নাঃ তোমরা সব যোগাড় পত্তর করো, আমিও বাজরে চ'ললাম । বলিয়াই আর সে অপেক্ষা করিল না ।...

কিশোরী ও রামী স্থান করিতে গেলে, সৌরভী ঘর দোরের চাবি খুলিয়া দিল এবং রান্নাঘর সাফ করিয়া উমুনে আশুন দিল ।

## কিশোরী

ঘণ্টা খানেকের মধ্যেই পশুপতি নন্দলালের সঙ্গে তরকারী ও মাছ লইয়া বাটী কিরিলেন। মহা ধুমধামের সহিত সকলের মধ্যাহ্ন আহার শেষ হইল বখন, তখন বেলা তিনটা বাজিয়া গেছে। পশুপতির সেদিন কাছারী যাওয়া ঘটয়া উঠিল না।

অপরাত্নে নন্দলাল বখন রামীকে গাঙ্গুলপুর ঘাইবার জন্তু তাগিদ দিল, তখন সে কিশোরীর কপালের কতস্থানে জলপটী বাধিতেছিল। নন্দলাল পূর্বে লক্ষ্য করে নাই, দেখিয়াই বিস্মিত হইয়া জিজ্ঞাসা করিল—কি করে কাটলো দিদি?...অনেকখানি কেটেছে যে!...ওঃ ফুল উঠেচে!

রামী বলিল—কাল রাতের বেলায় অন্ধকারে প'ড়ে গেছলো।

নন্দলাল চিন্তিতভাবে বলিল—ঘা হবে হয়তো।...নাঃ রামীর আর গিয়ে কাজ নেই। কাল সকালে যোগান দিতে এসেই নিয়ে যাবো। কিন্তু সৈরভী গেল কোথা? তাকে তো দেখ্‌চিনে!...

রামী জিজ্ঞাসা করিল—থুড়োঠাকুর কোথায়?

—তিনি তো উকীল বাবুর বাসায় গেছে। যাবার সময় দশবার করে বলে গেল—রাতটুকু আর রামমণিকে নিয়ে যেনো না নন্দ! ও থাকলে কিশোরীর মনটা তাজা থাকবে। বতই হোক নতুন ঠাই তো! ...তা হ'লে তুই থাক্‌ রামী। ঘর দোর ফেলে ছজনকার তো থাকা চ'লবে না। আমি আসি তা হ'লে।...

\* \* \* নন্দলাল চলিয়া যাওয়ার পর প্রায় একঘণ্টা অতীত হইয়া গেল, তথাপি সৌরভীর দেখা নাই। কিশোরী বলিল—নন্দাকে এমন করে—সৌরভী বশ করে ফেলল!...আমি তো আশ্চর্য্য হয়ে যাচ্ছি।

## কিশোরী

রামী হাসিখা বলিল—আমিও তাই। আমরা গাড়ী থেকে নাম্‌চি, সম্মুখেই সৌরভী ছিল দাঁড়িয়ে। ছোড়দা জিজ্ঞাসা করলে—খুড়োঠাকুর কোথা আছে, দিদিঠাকুরগ কোথা আছে শীগ্‌গীর বলা, নইলে পুলিশ ডাকবো। মজার কথা এম্‌নি, সৌরভী অত্যন্ত নরম হ'য়ে ব'ললে—তোর মুখ দিয়ে কি ভালকথা বেরোয় না বাবা? মেয়েটা আমার 'মা' ব'লতে অজ্ঞান! কাল থেকে কত যত্ন ক'রে তাকে কোলে নিয়ে র'য়েচি। তবু তোরা আমাকে গাল মন্দ না দিয়ে ছাড়বিনি? বাস! আর কি ছোড়দার রাগ থাকে? গ'লে জল হ'য়ে গেল। সৌরভী তখন আমাকে ব'ললে—আর মা! বাড়ীর ভেতর যাবি আর! তোরা দিদি-ঠাকুরগ মা হারিয়েচে বটে, কিন্তু মা-হারানোর ছঃখ আমি তার নিশ্চয়ই ভুলিয়ে দেব।...

কিশোরী আপন অন্তরের কথা এবং গভীরত্বের প্রকৃত ঘটনার কথা একটুও প্রকাশ করিতে ইচ্ছা করিল না। যাহারা দিবানিশি তাহার সুখ সুবিধার জন্ত আপন স্বার্থ বিসর্জন দিয়াছে, তাহাদের সরল মনের মধ্যে দুশ্চিন্তার গরল ঢালিতে সে কুঠাবোধ করিতেছিল।

রামী বলিল—কাল সকালেই আমি বাড়ী যাবো, কিন্তু আমার গা ছুঁয়ে দিব্যি করে তাই! এখানে তোমার মন টিকবে তো? সৌরভীর সঙ্গে যদি বনি-বনাও না হয়, তা হ'লে গাজলপুরে ফিরে যাওয়াই তোমার অত্যন্ত উচিত।...খুব ভেবে চিন্তে সকল দিক ঠিক রাপ্তে হবে।

. অকস্মাৎ সম্মুখে আসিয়া পশুপতি বলিলেন—সৌরভীর সঙ্গে যদি ওর বনি বনাও না হয়, তাহ'লে সৌরভীই তার নিজের গাঁয়ে ফিরে যাবে। কিশোরীর আপন বাড়ী, ওর অধিকার ঘোচায় কে?...'

## কিশোরী

মাথা নীচু করিয়া রামী বলিল—সৌরভী কিন্তু অনেকক্ষণ থেকে বাড়ী নেই। কোথায় গেছে ব'লে যায় নি।

পশুপতি বিস্মিত হইলেন, জিজ্ঞাসা করিলেন—কখন গেছে?—  
খাওয়ার পর?

—হ্যাঁ, আপনি খাওয়ার পরেই।

—ষাক্‌গে—যেখানে খুসী। কিন্তু এতখানি দেবী তো কখনো হয়না।  
যেখানেই ষাক্—সন্ধ্যার মধ্যেই ফিরে আসে। ষাক্‌গে মক্কক্‌গে!...হ্যাঁ,  
তারপর কাজের কথা বলি। ক'লকাতার খবরের কাগজে, ছ'টাকা খরচ  
করে একটা বিজ্ঞাপন পাঠালাম। উকীল বাবুই যুক্তি ব'লে দিলেন।...

রামী জিজ্ঞাসা করিল—সে আবার কি? তাতে কি হবে?

পশুপতি হাসিয়া বলিলেন—তোমার দিদিঠাক্কণের বিয়ে হবে,  
বড়লোক জামাই হবে, পরসাকড়িও লাগবে না।

রামী প্রকাশ্যে আর কিছু জিজ্ঞাসা করিল না বটে, কিন্তু তাহার  
অস্তর সততই প্রার্থনা করিতেছিল—আহা জন্ম হতভাগীর জীবন সফল  
হোক, দেবচরণে তার ঠাই মিলুক।...

অনেক রাত্ৰিতে, সকলের আহারাদি শেষ হওয়ার পর, সৌরভী  
বাটা ফিরিল। পশুপতি অত্যন্ত গভীরভাবে চাহিলেন, কিন্তু কথাবার্তা  
কহিলেন না।

কিশোরী বলিল—খাবে চলো। সব টাকা দিয়ে রেখেছি।

সৌরভী বিরক্তির সুরে বলিল—কিঁদে নেই, খাবো না।

পশুপতি গভীরভাবেই জিজ্ঞাসা করিলেন—কোথায় যাওয়া হ'য়েছিল?

—যেখানে খুসী। অত কৈফিয়ৎ দিতে পারবো না।

## কিশোরী

পশুপতি ঈর্ষৎ রাগিলেন। কহিলেন—কিন্তু মনে রেখ—অতখানি স্বাধীন হওয়াটা আমি পছন্দ করি নে।.....

অবজ্ঞাতরে সৌরভী বলিল—না করো, না করবে। আমার সঙ্গে যদি না বনে, জবাব দাও, একুনি চ'লে যাচ্ছি।

—এই দশবছরের ভেতর একথা তো অনেক দিন শুন্লাম, কিন্তু চ'লে যেতে তো একদিনও দেখলাম না।

ঝঙ্কার দিয়া সৌরভী বলিয়া উঠিল—ওরে হাড়হাৰাতে বাহাঙুরে বুড়ো, এই কামারের মেয়ের পা পূজো করে তোর চোদপুরুষ উদ্ধার হ'য়ে গেল—তা মনে পড়ে না?...ছোটলোক কিনা!

গালে হাত দিয়া রামী, কিশোরীর পানে অবাক্ বিষয়ে চাহিয়া রহিল। যে কিশোরী গত রাত্ৰিতে সৌরভীর কণ্ঠে পিতৃ-অপমানসূচক কথা শুনিয়া বিদ্রোহী হইয়া উঠিয়াছিল, আজ রামীর সম্মুখে এত ব্যাপার ঘটয়া গেল—তথাপি তার মুখ দিয়া একটা কথাও উচ্চারিত হইল না।

কিন্তু মানুষের চামড়া গায়ে দিয়া, লক্ষ পাপের পাপী হইয়াও, আজ পশুপতি, কণ্ঠা ও রামীর সম্মুখে দাঁড়াইয়া এই তীব্র অপমান নির্কিঁচারে পরিপাক করিতে পারিলেন না। সৌরভীর হাতখানা ধরিয়া, একটা প্রবল ঝাঁকানি দিয়া বলিলেন—মুখে লাগাম দিয়ে কথা বলিস্!...তোমার বড় বড় বেড়েচে। পাজী মেয়েমানুষ কোথাকার...


সৌরভীর বলিবার ভঙ্গী ও কণ্ঠস্বর সীমা ছাড়াইল। চীৎকার করিয়া বলিল—বটে রে নির্কিঁংশে বেহায়া ছুঁচো বায়ুন! মেয়ে এসেচে বলে আমার এত বড় অপমান!...বলিতে বলিতে কিশোরীর সম্মুখে এমন

## কিশোরী

একটা কটকট করিল যে, কিশোরী ও রামমণি উভয়েই অসঙ্কুভাবে বলিয়া ফেলিল—মুখ সাম্লে বলো !

—“তোদের ডরিয়ে বাস করবো নাকি ?...ওঃ সতীমান্নের সতী-কণ্ঠে ! যেমন মা তেমনি মেয়ে !”—বলিতে বলিতে রাগে ফুলিতে লাগিল ।

পশুপতি কিন্তু এত ব্যাপারের পরেও অতিরিক্ত রাগ দেখাইলেন না । গভীরভাবে কহিলেন—আজকের রাতটুকু কাটলে, কাল তোমার বেলাতেই তুমি অল্প পছা দেখো সৌরভো । এখানে আর তোমার ঠাই হবে না । আমি ঢের স’রেচি ।





## একাদশ পরিচ্ছেদ

.....“যেথা আছে শুধু ভালবাসাবাসি

সেথা যেতে প্রাণ চায় মা !”.....

হুই সখীতে শয্যাশ্রয় করিয়া, সুখহঃখের কথা হইতেছিল। সুখের কথা কি ছিল তাহা তাহারাই জানে, কিন্তু হঃখের মর্ম্মগাথাই যোলআনা। কিশোরী কহিল—একটা কথা বিজ্ঞেস করবো, ঠিক জবাব দিস্ রামী! আমার এখন কর্তব্য কি?

রামী বলিল—বাপের কাছে থেকে, তাঁর সেবা করা।

—সে সুযোগ কপালে ঘটে তবে তো?

—কেন? সৌরভী কাল সকালেই চ’ল্লো যে?

—পাগল!...বাবার মেজাজ তুই জানিস্‌নি!...আমি ঠিক জানি, ডাইনীর মায়ী থেকে তিনি কিছুতেই মুক্তি পাবেন না।

চিন্তা করিয়া রামমণি বলিল—আমার কথা যদি শোনো দিদিঠাক্করণ, তাহ’লে বলি, নইলে মিছি মিছি মুখ নষ্ট করবো না।...তারপর দিদি-ঠাক্করণের তরফ হইতে উত্তরের তরঙ্গ না করিয়াই কহিল—ছোড়না আস্বামাত্ৰই কাল হ’বোনে ‘শ্রীহরি’ করা যাক্।...এখানে পাকা তোমার কোন রকমেই উচিত নয়। খুড়োঠাক্কুর যদি গাজলপুরে বাস করেন, ভালই। নইলে তোমার বরাত তোমাকেই পথ দেখিয়ে দেবে।

হঠাৎ সদর দরজায় খুট খুট শব্দ হইতে, হুইজনেই উৎকর্ণ হইয়াছিল। কিশোরী খুব আন্তে আন্তে জানালার পাশে বসিয়া পুনরায় শব্দ

## কিশোরী

হয় কিনা লক্ষ্য রাখিতেছিল, দেখিল—সৌরভী সদর দরজা খুলিয়া দিতেই বাহির হইতে জনৈক অপরিচিত ব্যক্তি ভিতরে ঢুকিল। তারপর পার্শ্বের ছোট্ট দালানটুকুতে দাঁড়াইয়া হু'জনে ফিস্ ফিস্ করিয়া কি সব কথা হইল বোঝা গেল না।

রামী ও কিশোরী জানালার পাশ হইতে নড়িল না। কিন্তু এমন একটা অভাবনীয় ব্যাপার ঘটয়া গেল যে, বাহাতে এইরূপ নীরব হইয়া বসিয়া থাকাটা হু'জনের একজনেরও কর্তব্য বিবেচিত হইল না। হু'জনেই দেখিল—সৌরভী তাহার শয়নঘর হইতে প্রকাণ্ড প্রকাণ্ড দুইটি বাক্স বাহির করিয়া দিল, এবং লোকটি অপর এক ঘুটের মাথায় উক্ত বাক্স দুইটি চাপাইয়া দিয়াই, তাহাকে পলায়নের ইচ্ছিত করিলি। সৌরভী পুনরায় ঘরে ঢুকিল, অপরিচিত ব্যক্তিও তাহার সঙ্গে সঙ্গে আসিল।

পশুপতি অস্ত্র ঘরে ছিলেন। কিশোরী অতি সন্তর্পণে পা টিপিয়া টিপিয়া পিতার গৃহ সম্মুখে আসিয়াই, দারুণ বিষয়ে হতবুদ্ধি হইয়া গেল। পশুপতির গৃহদ্বার বাহির হইতে তালাবদ্ধ।

অস্বস্তি বিষয়-ব্যাকুলচিত্তে কিশোরী ডাকিল—বাবা! বাবা!...

পশুপতির তরফ হইতে সঙ্গে সঙ্গে সাড়া মিলিল না, কিন্তু সৌরভী নবাগত ব্যক্তিকে বাহির করিয়া দিয়া একটা তীক্ষ্ণ বুদ্ধির চাল চালিয়া বসিল। কিশোরীর চুলের মুঠি ধরিয়া টানিতে টানিতে, পশুপতির ঘরের খোলা জানালাটার পাশে লইয়া আসিয়া চীৎকার করিয়া উঠিল—ও বামুনঠাকুর! ওগো! শীগ্‌গীর ওঠো!

পশুপতি ধড়মড় করিয়া বিছানার উঠিয়া বসিলেন। সৌরভী তখন কিশোরীকে একহাতে এবং রামীকে এক হাতে ধরিয়া চীৎকার করিতেছে

## কিশোরী

—ভদ্র লোকের মেয়ে হ'য়ে তোদের এই কাজ ?...বল হতভাগী, ঘরের চাবি কোথায় রেখেচিস বল !...ওঃ কি আমার ভালবাসার কল্লো গো ! বাপ ব'লতে ঘণ্টায় ঘণ্টায় অজ্ঞান হচ্ছিলেন !.....এখন বুকে বসে দাড়ী তুলতে চাও বটে !.....সৌরভী বেঁচে থাকতে তা হবে না।...ছোটলোকের মেয়ে ! চোর কোথাকার ! চাবি দে শীগ্গীর !—বামুনকে ঘর থেকে বের করে তোর চাতুরীটা চোখে আঙুল দিয়ে দেখিয়ে দিই ।

গৃহমধ্যে থাকিরাই পশুপতি বলিলেন—কি হয়েছে ?—চীৎকার করছো কেন ?

সৌরভী বলিল—হ'য়েচে তোমার সাত হুণ্ডনে চৌষটিপুরুষের ছেরাদ্দ । তোমার আদরের রাজকল্লো আর তার এই ছোটলোক সখী, দুজনে যুক্তি করে, তোমাকে ঘরের ভেতর চাবি দিয়ে আটকে রেখে, জিনিসপত্র নিয়ে সরে পড়ছিল । ভাগিয়াস্ আমার ঘুম ভেঙে গেল,... হাতে হাতে ধরে ফেলেচি ।

ক্রুদ্ধ সিংহের মত গর্জন করিয়া পশুপতি হাঁকিলেন—দোর খোল শীগ্গীর ! নইলে পুলিশে দেব ।.....

রামী অত্যন্ত ঘৃণার সহিত বলিল—ঐটুকুই শুধু বাকী আছে ।

পশুপতি বলিলেন—তালাটা ভেঙে ফেলো সৌরভী ।.....বেটাকে খুন না করে আজ আর খালাস নেই আমার ।

কিশোরীর মুখ দিয়া ছোটখাটো প্রতিবাদের শব্দও বাহির হইল না । যেন সে সহজেই অপরাধ স্বীকার করিয়া লইয়াছে । রামীও আর কথা কহিতে ইচ্ছা করিল না । ঘৃণা ও লজ্জার তাহার সারা অঙ্গ জলিয়া বাইতেছিল । সৌরভী বলিল—চল কোথায় চাবি রেখেচিস দেখাযি চল !...বলিতে

## কিশোরী

বলিতে ছজনকেই ধাক্কা দিয়া ঠেলিতে ঠেলিতে, দরজার পাশে টানিয়া আনিয়া, তারপর নিজের আঁচল হইতে চাবি লইয়া দ্বার খুলিয়া দিল।

শিঞ্জরাবন্ধ নির্যাতীত সিংহ, শিঞ্জর হঠতে ছাড়া পাইলে যেমন ভীষণ হিংস্র হইয়া উঠে, পশুপতি ভেমনি ভাবেই ছুটিয়া আসিয়া কিশোরীকে আক্রমণ করিলেন। পদাঘাতে কণ্ঠকে ভূতলশায়ী করিয়া, স্বেচ্ছায় পিতা এমন প্রবল প্রচার শুরু করিলেন যে, খানিকক্ষণ পরে ভীত হইয়া পৌরভীই বলিয়া উঠিল—ম'রে যাবে যে! খুনের দায়ে পড়তে হবে, আর কেন? ছাড়ে!

চঠাৎ রামী পশুপতির পা ছুইটা জড়াইয়া ধরিয়া ভীত স্বরে বলিয়া উঠিল,—খুন করতে আর বাকী রেখো না ঠাকুর! মেরে ফেলে আজ ওকে এ জন্মের মতন রেহাই দিয়ে দাও! বেচারী বড় আশায় বড় কষ্টে তোমার কোলে আশ্রয় নিতে এসেছিল যে!...তাকে আজ মেরে ফেলে বাঁচার সুখটুকু লাভ করতে দাও। নইলে তোমারই অধর্ম হবে।

পশুপতি রাগের মাথার রামীকেও বাদ দিলেন না,—পদাঘাতে তিনচার হাত দূরে ফেলিয়া দিয়া বলিলেন—কেলেঙ্কারী করার আর ঠাই পাওনি?...দূর হ'য়ে যা—পাজী নচ্ছার মাগী!.....

রামী আর্জুনাদ করিয়া উঠিল—মেরে ফেলে গো! কে আছে রক্ষা করো!

কিশোরীর কপালের রক্ত দিয়া দরদর ধারে রক্ত ছুটিতেছিল। বৃকে পিঠে অসহ্য ব্যথা অনুভব করিয়া সে কোন রকমেই খাড়া হইবার শক্তি পাইল না। কাঁদিতে কাঁদিতে বলিল—বড় আশায় সুখের আশ্রয় ছেড়ে তোমার কাছে ছুটে এসেছিলাম বাবা! আজ তার খুব শান্তি লাভ হ'ল আমার!.....আমি মরি কতি নেই, কিন্তু রামীকে আর কষ্ট দিয়ো না বাবা! ওদের দয়াতেই আমার সব গিয়েও সর্বস্ব যায় নি। জীবনের কোন

## কিশোরী

সাধই তো আমার মিটলো না বাবা !...আজ শুধু এই সাধটি মিটতে  
দাও ! রামীকে মেরো না !.....

পশুপতি রামীকে ছাড়িয়া দিয়া, কিশোরীকে বেদম্ ঐহার লুক  
করিলেন। নির্ঘাতিতা চির অভাগিনী মুখ বুজিয়া সে প্রহার সহ করিল,  
তবু আর্ন্তনাদের শব্দ তাহার কণ্ঠ হইতে বাহির হইল না।

সৌরভী মনে মনে প্রমাদ গণিল। পাছে নিজের হিত করিতে  
গিয়া, এ চাতুরীর খেলার পুলিশের হাতে খুনী আসামী সাজিতে হয়—  
এই আশঙ্কায়, সে পশুপতিকে জোর করিয়াই থামাইয়া দিল।

রামী দেখিল—কিশোরীর জ্ঞান নাই ! উদ্বেগ ও আশঙ্কায় সে  
কাঁদিয়া ফেলিল। বলিল—এ কাজ কেন করলে ঠাকুর ! দোষ করলেও  
ও যে তোমার মেয়ে ! সংসারে তোমা ছাড়া আপন বলতে ওর যে আর  
কেউ বেঁচে নেই ! ষতদিন মা বেঁচেছিল,—নিজে না খেয়ে, ওকে থাইয়ে-  
পরিয়ে বড় করেছিল, তোমার দোরে একদিনও দয়া চাইতে আসে নি।  
অভাগী মা হারিয়ে, বাপকেই সর্ব্ব স্ব ভবে,—তোমার পায়ের তলা সার  
করেছে আজ, তবু তোমার দয়া হয় না ঠাকুর ! মায়াদয়া ব'লে কোন্  
কিছুর সঙ্গেই কি তোমার পরিচয় নেই ?

সৌরভী নাসিকা কুঞ্চিত করিয়া বলিল—ওমা !.....গয়লার মেয়ের  
কথাগুলি তো বেজায় লম্বা লম্বা দেখ্‌চি। বলি কোন্ গাঁয়ের কোন্  
টোলে বিদ্যে শিখেছিলে গো ? পাশ ফাস্ দিয়েছ নাকি ?

রামী চটিল না। জবাব দিল—তোমার সঙ্গে আমি কথা কইনি  
মা !.....ছটি পায়ের ধরি—তুমি এর মধ্যে কথা ব'লতে এসো না। বাপ-  
মেয়ের কথার মাঝখানে তোমার কথা বলবার কেনো অধিকার নেই।

## কিশোরী

সৌরভী মুখখানা বিকৃত করিয়া বলিল—অধিকার আছে কিনা দেখ্‌বি? ছোটলোক মাগী!...গলায় হাতদিয়ে বাড়ী থেকে দূর করে দেব—জানিস?

রামীর তখন ঝগড়া করিবার সময় নহে। একান্ত মনোযোগ দিয়া সে কিশোরীর শুক্রবা করিতেছিল।...পশুপতিকে ডাকিয়া সৌরভী বলিল—ঘরে চলো!—ঠাণ্ডা হ'য়ে খানিক না যু্মলে কাল আবার মাথার অস্থখ বেড়ে যাবে। বলিয়াই পশুপতির হাত ধরিয়া ঘরে ঢুকিল। এবং দরজাটাও ভিতর হইতে বন্ধ করিয়া দিল।.....

ভোর হইয়া গেছে। ধীরে ধীরে রামী আসিয়া বাহির হইতে ডাকিল খুড়োঠাকুর! কিশোরী তো বাঁচবে না আর! এখনো জ্ঞান হল না যে!...দয়া করে একবারটি—

সৌরভী বলিল—অজ্ঞান হ'লে তবে তো জ্ঞান হবে আবার? ওর হ'য়েচে কি?...ভণ্ডামী করে চোখ বুজে প'ড়ে রয়েছে। খুড়োঠাকুরের দেহ ভাল নয়—সে যেতে পারবে না।

কিন্তু পশুপতির বুকখানার কোন্‌ নিভৃততম স্থান হইতে বিবেকের ক্ষীণরশ্মি জাগিতেছিল।...হায়রে! যথাসর্বস্ব যার একান্ত করতলগত—আজ সেই ই মৃত্যু-কবলিত হইতে বসিয়াছে—তবু তাঁর হিয়ার পরতে পরতে এতটুকু মানির রেখাপাত হয় না! পশুপতি ধীরে ধীরে উঠিয়া দাঁড়াইলেন; সৌরভী জিজ্ঞাসা করিল—উঠ্‌ছা কেন?

পশুপতি বলিলেন—সত্যিসত্যিই বেঘোরে মরবে? গৌর ডাক্তারকে নিয়ে আসি।

সৌরভী বলিল—নিজের পায়ে নিজেরই কুড়ুল মারতে যদি সাধ হ'য়ে থাকে, তাহ'লে যাও!...খুন করেছ—একথা ডাক্তারেই সাক্ষী

## কিশোরী

দেবে ।...সৌরভীর নিজের দিক দিয়াও ভীত হওয়ার প্রচুর কারণ ছিল, এবং সেই জন্যই সতর্ক করিতে লাগিল ।

অস্তরের নিদাক্ষণ ঘাত প্রতিঘাতে পশুপতি বড়ই দমিয়া গেলেন । মেয়ের প্রতি মমতা অপেক্ষা আপন প্রাণের ও ধনের মমতাই তাঁর বেশী বোধ হইল । আবার তিনি ধীরে ধীরে বসিয়া পড়িলেন ।

রামী দোরের কাছেই দাঁড়াইয়া ছিল । সৌরভী বলিল—বেলা হ'লে, একটুখানি গরম দুধ এনে দেব । দু'চার ঢোক পেটে পড়লেই সেরে যাবে । ভাবনা কিসের ? কিছু হবেনা, যাও !

রামী টলিতে টলিতে আবার কিশোরীর কাছে ফিরিয়া আসিল । তাহার সংজ্ঞালুপ্ত দেহটা কোলে তুলিয়া মুখের কাছে মুখ রাখিয়া অবিরল চোখের জল ফেলিতে লাগিল । অস্তরের মাঝে দিনে দিনে দণ্ডে দণ্ডে কতই যে জমাট বাধা অশ্রু গোপন করা ছিল ! আজ গলিয়া গলিয়া সংসার-তাপদগ্ধা কিশোরীর মূর্ছিত মুখের উপর ঝরিতে লাগিল !—যে রামী, কিশোরীর মঙ্গল কামনায় উচ্চ রোলে একদিন জানাইতে পারিয়াছিল—গাধলপুর ধু ধু করে জ'লবে,—আজ সেই রামীর মুখের কণ্ঠ কিশোরীকে মরণাপন্ন দেখিয়া মুক হইয়া গেছে !

পশুপতির তখন তন্দ্রা আসিয়াছে । কিন্তু সৌরভী চিন্তাধিতা ! .....সকাল হইয়া গেছে ! অন্ধকার ঘরখানা আলোয় ভরিয়া উঠিয়াছে । পাশ ফিরিয়া কিশোরী কণ্ঠে উচ্চারণ করিল—মা !

রামী তখন কিশোরীর কণ্ঠলগ্না । তাহার গলাটা জড়াইয়া একান্ত স্নেহের সুরে বলিল—দিদি আমার !...কেমন আছে। দিদি...বলিয়াই রামী কাঁদিয়া ফেলিল ।

## কিশোরী

কিশোরী রামীর বুকের কাছে মুখ রাখিয়া বলিল—চিরকালটাই তোরা আমাকে কষ্ট দিলি গয়লা বউ !...আমার আগে যদি তোর মরণ হ'তো, আমি বাঁচতাম ।...আমি ম'রে গেলে—তোর বুকেই যে বেশী বাজবে দিদি !...ওরে ! এত ভাল তুই বেসেছিলি ? তারপর कहিল—একটা দিবি্য কর রামী !...আমার মরণ কালের অমুরোধ ।

রামীর কথা कहিবার শক্তি ছিলনা । তবু বলিল—ওকথা আর বলো না দিদিঠাক্কণ !...আমার অতটুকু সহ্য করবার শক্তি নাই ।

—তবু ব'ল্বেো !...মিনতি করি দিদি !...আমি তো বাঁচবনা, কিন্তু নন্দাকে বুঝিয়ে বলিস্ ;—আমি চলে গেলে, আমার বাবার উপর যেন তোরা সুবিচার করিস ।...তাঁর মতন অভাগা ছনিয়ায় আর কেউ নেই রামী । রাক্ষসীর মায়া-মুক্ত হওয়ার সূচনাটুকু যেন আমার মৃতুই তাঁকে দেখিয়ে দিতে পারে ।

রামী कहিল—কিন্তু তুমি যাকে সুবিচার ব'ল্ছো দিদিঠাক্কণ, সে তো সুবিচার নয়, অবিচার । কিন্তু ভাল হ'য়ে তুমিই একদিন সুবিচার কোরো তাই !

ক্ষীণ হাসি হাসিয়া কিশোরী বলিল—আর ভাল হবো !...বুকের ক'ল্জেটা ফেটে চৌচির হ'য়ে গেছে গয়লাবউ !—সেখানে আর জীবনী-শক্তির ঠাই নেই ।.....

\* \* একবাটী গরম দুধ হাতে করিয়া সৌরভী ঘরে ঢুকিল । কিশোরীকে কথা कहিতে শুনিয়া, বলিল—কেমন আছিস মা ?...তোরা বাবাকে ডাক্তারের কাছে পাঠালাম ।...এক্ষুনি সব সেরে যাবে । তারপর রামীর হাতে দুধের বাটীটা দিয়া, বলিল—একটু একটু করে



## কিশোরী

নয়, একচুমুকে খাইয়ে দাও। গায়ে বল পাবে। ঐ বুধি ডাক্তার এলো।

কিন্তু ডাক্তার আসার শব্দ নয়, আসিয়াছিল—নন্দলাল।

একচুমুকে দুধটুকু খাইয়া মুখখানা অত্যন্ত বিকৃত করিয়া কিশোরী বলিল—একটা কথা ব'লবো রামী!—কাককে ব'লবিনি তো? খুব গোপন কথা কিন্তু। আমার শেষ অনুরোধ তাই!—

রামী বাঁ হাতে দুধের বাটীটা ধরিয়া, ডানহাতে কিশোরীর মুখখানা মুছাইয়া দিতে দিতে বলিল—বলো কি ব'লবে?

কিশোরী কহিল—কিন্তু শপথ করলি—কেউ যেন না শোনে!—

—আচ্ছা আচ্ছা কেউ শুনবে না—বলো।

—দুধের মধ্যে কিছু মিশিয়ে রেখেছিল। বড় তেঁতো লাগলো!... রামী ভীত অশ্রুট চীৎকার করিয়া উঠিতেই কিশোরী বলিয়া উঠিল—কিন্তু শপথ করেছিল রামী! আমার বাবাকে বাঁচিয়ে দে! আমি তো গেলামই, বাবা যেন না যায়! একের জীবনে অন্যের জীবন নিয়ে কোন ফল হয় না ভাই! পরকালের জবাব তো তুই-আমি দিতে যাবোনা রামী। ওকেই তা দিতে হবে।...কিন্তু বুকখানার মাঝে অসহ্য জ্বালা। জ্বলে গেল গয়লাবউ!...বেশীক্ষণ আর কথা কহিতে পারবো না।—আবার ব'লে-রাখি—আমার বাবা রইলো!—বড় অশ্রাগা—বড় দুঃখী বাবা আমার। তাকে তোরা সকল দিক থেকে রক্ষা করিস।

কিশোরীর কণ্ঠস্বর কীণ হইতে কীণতর হইয়া আসিল। এমনি সময় নন্দলাল ও সিধুঠাকুর ঘরে ঢুকিল। নন্দলাল উচ্চ রোদনে বাড়ী মুখরিত করিয়া বলিল—তোরা কপালে এত কষ্টও লেখা ছিল কিশোরী

## কিশোরী

দিদি !...বাপের কাছে আস্তে যে লক্ষ্যের তাকে বারণ করেছিলাম—  
তবু—

ইঞ্জিতে কিশোরী, নন্দলালকে নীরব হইতে বলিল। পশুপতি  
আসিয়া বলিলেন—ডাক্তারকে তো পাওয়া গেলনা !...ঘণ্টাখানেক পরে  
আসবে।

কিশোরী সিধুঠাকুরের পদধুলির জন্ত হাত বাড়াইল। সিধু কাছে  
আসিয়া, কাঁদিতে কাঁদিতে বলিল—হঠাৎ কি হ'ল দিদি ?...আমি যে  
তোকে বাপের কাছে সুখী হ'রে থাকবার ব্যবস্থা করতে এসেছিলাম।

কীণ অথচ সুস্পষ্ট কণ্ঠে কিশোরী বলিল—বাবাকে তোমরা ভাল  
বেসো দাদামশায় !—বাবা আমার ছনিয়ার ভাল বাসার কাঙাল !  
তারপর পশুপতির ছুটি পায়ের কাছে হাত রাখিয়া বলিল—বাবা ! বাবা !  
একবার বলো—এখনো কি আমাকে ভাল বাস না বাবা ?

পশুপতি রুদ্ধ আবেগে ফুঁপাইতে লাগিলেন।

নন্দলাল চাঁৎকার করিয়া উঠিল—আমি কারুর কথা শুন্বোনা, যে  
আমার বিদির এ দশা করলে, তাকে চিবিয়ে খাবো।

কিশোরীর তখন জ্ঞান নাই।

রামী ডাকিল—দিদিঠাকুরণ !—ভাই ! কথা কও,—চেরে দেখো—  
বাদের জন্তে জলে পুড়ে ম'রেছ,—আজ তারাই তোমাকে সুখী করতে,  
এসেচে যে !—কথা কও দিদি আমার !

কিন্তু এ ছনিয়ার দেনা-পাওনা চুকাইয়া, কিশোরী তখন খেয়ার  
স্তরীতে চাপিয়া বসিয়াছে। বিষ-জর্জরিত দেহখানা তার নিসাড়  
নিস্কর !



রন্ধনশালা।

১.

- কিশোরীকে পান করাইবার জন্ত সোরভী, ছন্ধের সহিত বিষ মিশ্রিত



## কিশোরী

নন্দলাল কাঁদিয়া কাঁদিয়া বলিল—দিদিরে! এয়া তোকে এক  
রাতিরে খুন করে ফেলে!...তারপর সহসা শুক কঠে চীৎকার করিয়া  
উঠিল—আমি থানায় যাবো।...নালিশ করবো—

হাত বাড়াইয়া রামমণি বলিল—থামো ছোড়না! কিশোরীর আত্মাটা  
এখনো হরতো বাড়ী ছেড়ে পালায় নি! তার মরণকালের অনুরোধ—  
চূপ করো!...

পশুপতি ভীষণ আর্তনাদ করিয়া উঠিতেই, কিশোরীর মরণাহত মুখ-  
থানার পানে চাহিয়া রামী বলিল—খুড়োঠাকুর! আজ থেকে আমিই  
তোমার কিশোরী!... এই অনুরোধ সে আমার করে গেল আজ!...সে  
যে আমার বোকা বহিতে রেখে গেছে বাবা!...

.....সৌরভী কোন্ ফাঁকে বাড়ী হইতে সরিয়া পড়িয়াছিল  
কেহই টের পায় নাই।



শেষ



কিশোরীর পরেই আমাদের আরো কি কি বই বাহির

হইয়াছে দেখুন—

নারায়ণচন্দ্র ভট্টাচার্য্য প্রণীত

## —সুরমা—

দরিদ্রের করুণ ক্রন্দন বাহার লেখনী মুখে মূর্ত্ত হইয়া ফুটিয়াছে—  
সেই নারায়ণ চন্দ্রের অপোলকল্পিত সমাজ সমস্লামূলক বিচিত্র উপস্থাস—  
সুরমা । প্রতি ছত্রে ছত্রে কারুণ্যের উষ্ণ প্রসবন ছুটিয়া বাইবে, পাঠক  
হৃদয়ে নব নব ভাবতরঙ্গের মত্ততা আসিবে । ভাগ্যলাঙ্ঘিতা সুরমার  
মনোবীণার ছিন্নতারে যখন ঝঙ্কারের পর ঝঙ্কার উঠে, জগতে এমন  
পাষণহৃদয় কেউ নাই, বাহার নয়ন অশ্রুহেঁদেতে ঝাপসা না হইয়া  
থাকে ।

নারায়ণচন্দ্রের আখ্যানভাগের ভাষা ও ঘটনা সংস্থাপনের  
নূতন পরিচয় কোন বাঙালী পাঠককেই জানাইয়া দিতে হইবে না ।  
নারায়ণচন্দ্রের এই

সুরমার তুলনা—সুরমাই

সুরমা সাধ্বী মমতাময়ী,—অসীম ধৈর্যশালিনী !

সুরমা বিপদে স্থির ধীর গম্ভীর কঠোর ব্রতচারিণী !

সুরমা পাষণী—সুরমা কল্যাণী—সুরমা মান্বিনী !

( এক সপ্তাহ পরেই বাহির হইতেছে )

সুরমার পরেই বাহির হইবে—

শ্রীতুলসীচরণ বন্দ্যোপাধ্যায় প্রণীত

অঙ্কত চমকপ্রদ উপন্যাস—

## —“সোণার হার”—

দস্যু সর্দারের ভয়সহ আত্মনা হইতে পুন্ডরীক চর্চিত, মাতৃনাম  
যুগ্মিত, সামগান বহুত মহামারার মন্দির পর্য্যন্ত—সর্বত্রই সমান ঘটনা  
বৈচিত্র্য, সমান লীলায়িত ছন্দ পরিষ্কৃত।

সোণার হারের নারক-নারিকা কেহ নরকের শ্রেত, দস্যুর  
মুকুটমণি! কেহ বা মহামারার মহাতঙ্ক, ধর্মের ভিখারী! কেহ পিশাচী  
শরতানী, কেহ মঙ্গলময়ী সন্ন্যাসিনী! কাহারও মুখে মধু, বুকে বিষ,—  
কাহারও অধরে অভিমান, হৃদয়ে প্রেম।

ঘটনা মাধুর্যের স্বর্ণপুষ্প গাঁথিয়াই

## —সোণার হার!—

বাঁহারা তুলসী বাবুর বাসস্তী পাঠ করিয়াছেন—তাঁহারা  
সোণার হার পড়ুন! এমন রোমাঞ্চকর ঘটনা সম্বলিত উপন্যাস  
আমরা এই প্রথম প্রকাশ করিতেছি!





আমাদের পূর্ব প্রকাশিত সচিত্র অভিনব সংস্করণ :—

- ১। মুক্তির বাঁধন.....তিনকড়ি বাবু
- ২। বাসন্তী.....ভুলসী বাবু
- ৩। কাজলা-রাতে-বাঁশী.....ব্যোমকেশ বাবু
- ৪। পুজার কুল..... কুল-দম্মী প্রণেতা—সুরেন্দ্র বাবু
- ৫। নির্মাল্য.....রমা দেবী
- ৬। পদ্মরাণী.....নরেন্দ্র বাবু



দেব-সাহিত্য-কুটীর প্রকাশিত—

সচিত্র একটাকা সংস্করণের—শ্রেষ্ঠ উপন্যাস !

প্রত্যেক খানিই সিন্ধু বাঁধাই এবং সুরম্য চিত্র সম্বলিত :—

চিন্তাশীল লেখক সুপণ্ডিত—

বসুমতী সম্পাদক

শ্রীযুক্ত হেমেন্দ্রপ্রসাদ ঘোষ লিখিত—

**১। বস্তুর সম্বন্ধ**

সামাজিক সমস্যার সুন্দর সমাধান !

২১১ রামাপুকুর লেন, কলিকাতা ।

বিখ্যাত নাটক—মিসরকুমারী রচয়িতা, বনামধ্যাত লেখক

২০। শ্রীযুক্ত বরদাপ্রসন্ন দাশগুপ্ত প্রণীত—

“বড়ঘরের মেয়ে”—১

“আমার নয়ন কোণে কালো কাজলের রেখা—

ধূরে যায় নয়ন জলে,

নিতি আসে নিশিথিনী ঘূমের পসর ল’য়ে

নিতি ফিরে যায় বিফলে ।”

—এই গানও বরদাবাবুর,—“বড়ঘরের মেয়ে”ও বরদাবাবুর ।—  
গানের সঙ্গে বইয়ের অবিকল সামঞ্জস্য আছে ।...একই পিতৃ-পিতামহের  
বংশগত হইরা, একই রক্ত-মাংসের দেহ ধারণ করিয়া, একের প্রতি  
অন্তের বে নিদারুণ কর্তব্য আছে, এবং তাহা এই পৃথিবীতেই দেখাইতে  
হয়,—‘বড়ঘরের মেয়ে’তে এ কথাই তীব্র সমালোচনা ও অলস দৃষ্টান্ত  
দেখানো হইরাছে । ইহা দুইটি চির হৃদয় মিলনার  
ব্যাকুলতা আঁকা,—একটি মহিমময়ী সাধীর অন্তর্নিহিত ব্যথা ও অমার্টি-  
ব্যথা অক্ষর প্রবাহ !—বড় সুন্দর অত্যন্ত হৃদয়গ্রাহী !















